

Uraata Kizin Ngonjana Ki Yesu

1-3 O Tiopilus, sua mi uraata mataana kan boozomen ta munju Yesu ikam, ta anbeede se ro tio mataana kana. *

4 Aigule ta na, ni ziyan timbotmbot mi tikanan kini, mi ni iur sua pizin ma iso: “Kozo kezem Yerusalem loja pepe. Kombot mi kazza. Pa koron ta Tamanj imbuk sua pa, ta ingi be iur nonoono i. Ka sua ta nio aŋso ma kelen kek.”[◊]

5 Yoan, ni ikam yok men pizin tomtom. Mi niom na, molo som to Anutu ikam Bubunjana Potomjana ma isalakaala yom.”[◊]

Yesu isala pa saamba

(Mk 16:19-20; Lu 24:50-53)

6 Tana zin wal ta ziyan Yesu timbotmbot na, tiwi i. Tiso: “Biibi, parei? Ingi nol tabe pamender yam Israel mini be amkam peeze pa toono i?”[◊]

7 To Yesu ipekel kwon ma iso: “O, uraata tina ka nol, ina imbot la Tamanj itunu leleene. Pa ni

* **1:1-3:** Ro mataana kana tana, ina uruunu ambainjana ta Lukas ibeede.’ Sua mi uraata kini tana imar imar ma Anutu ikami ma isala pa saamba mini. Mi ingi be aŋseenje sua tio pa sua mi uraata kini pakan. Indeeje tau Yesu imeete mi imanja mini, mi aigule tomtooru ta iparto i tana na, ni ila iwedet kizin ngonjana kini ta itunu ipekat zin na. Mi izzwe itunu pizin pa zaala boozo. Pa isombe zin tire kat. Naso tiute kat tau ni imanja kek. Mi izzo zin pa peeze ki Anutu, mi ikam ma Bubunjana Potomjana iso zin pa uraata pakan tommini. ◊ **1:1-3:** Lu 1:1+, 9:51, 24:13+; Yo 20:19+; 1Kor 15:5+ ◊ **1:4:** Lu 24:49; Yo 14:16+; Njo 2:33 ◊ **1:5:** Lu 3:16 ◊ **1:6:** Mika 4:8; Lu 24:21

ta imboro. Mi ina niom koroŋ tiom be kuute na som.[☆]

⁸ Mi kelenj. Bubuŋjana Potomnjana isombe imar ma isalakaala yom, toinabe kakam mburaana, mi kamanga mi kosoyaara uruŋ pizin tomtom be kopombol sua tio. Ko kakam isu Yerusalem munju, mana kapa pa Yudea, to kala pa Samaria, mi kala karao lele pakaana ta boozomen.”[☆]

⁹ Yesu iposop sua tana, to tizem ruumu mi tisala pa lele mbukuunu Olib. Tirre i, mi miiri tieene izukkaali, mi Anutu ikami ma isala pa saamba.[☆]

¹⁰ Matan izalla be tirre kinkiini i, mi molo som na, wal ru tipet kizin ma ziŋan timendernder. Mburu kizin kokouŋan men. Timanya na tiso:[☆]

¹¹ “O niom tomtom ki Galilea, parei ta kemendernder mi motoyom izalla pa saamba? Kelenj. Yesu ta Anutu ikami ma izem yom mi isala pa saamba a, kaimer ni kola imiili mini ma isu ta kembena.”[☆]

Matias ikel Yudas

¹² To tizem abal Olib, mi timiili mini ma tisala pa Yerusalem. (Lele mbukuunu tana imbot kolouŋjana pa Yerusalem. Sombe tasala, na irao aigule potomnjana ka pai.)[☆]

¹³⁻¹⁴ Tipet kar na, tisala ruumu leleene kor kana ta tiluplup zin pa i. Zin ta tingi: Petrus ziru Yoan, mi Yems, Andreas, Pilip, Tomas, Patolomai, Matai, Yems toro ta Alpai lutuunu i, Simon (ni igabgaaba zin wal ta tisombe tikam malmal pa Rom mi tiziiri zin pa Israel na), mi Yudas ta Yems lutuunu na.

^{☆ 1:7:} Mk 13:32+; 1Tes 5:1+ ^{☆ 1:8:} Lu 24:47+; Ngonjana 2:1+ ^{☆ 1:9:} Mk 16:19; Lu 24:50+ ^{☆ 1:10:} Lu 24:4 ^{☆ 1:11:} Mt 26:64; 1Tes 4:16; Tur 1:7 ^{☆ 1:12:} Lu 24:52

Zinjan Maria ta Yesu naana i, mi moori pakan, mi Yesu tiziini bizin tomini. Zin tana koronj to tiparluplup zin mi tizunzunj.

¹⁵ Indeenje mazwaana tana na, aigule ta, zin wal ta titoto Yesu i tilup zin. Zin ko kembei tomto lamata tomoota (120). To Petrus imanja mi iso ta kembei.

¹⁶⁻¹⁹ Iso: “O niom toñmatizij tio, kere. Munju, Yesu ipeikat Yudas mi itinjan tawwa mi takamam uraata ki Merere tiñgi. Tamen ni isu mi iwe zaala pa Yesu ka koi bizin, ta tikami. To ikam mbulu kini sananjana tana ka pat, mi isu ingiimi toono pakaana pa. To ila itop su toono, mi ipetepaala kopoono ma koponkpon ipet. Mi zin Yerusalem kan ta munjaana men tileñ, tabe tipaata toono tana la zitun kaljan ma tiso Akeldama. (Zaana tana ka uunu ta kembei ‘Toono ki sin.’) Mbulu tana ka sua, munju Bubunjana Potomnjana iswe la ki Dabit.[☆]

²⁰ Pa mboe sunjana kana ta ki Dabit iso ta kembei:

Muriini ta ni imbotmbot pa na, ko bilim.

Tomtom sa ko imbotmbot pa som.[☆]

Mi sua lwoono toro iso ta kembei. Iso: “Kozo tomtom toro ikam muriini mi ikeli pa uraata.”[☆] Sua tana iur ñonoono kek. Pa Merere sua kini ta boozomen bela iur ñonoono.

²¹⁻²² Tana tomtom sa bela imar mi injal yam ma munjoyam mini. Naso amap ma ampombol sua pa manjanjana ki Yesu. Tana tere tomtom kiti sa tau igabgaaba iti, mi itinjan Yesu tawwa. Indeenje

[☆] **1:16-19:** Mbo 41:9; Mt 27:3+; Yo 6:70+ [☆] **1:20:** Mbo 69:25

[☆] **1:20:** Mbo 109:8

tau uraata ki Yoan pa yok kamnjana, mi imar imar ma aigule ta Anutu ikami ma izem ti, mi isala pa saamba mini.”[☆]

²³ Petrus iso sua tana, to tiur wal ru: Yosep Barsabas ta zaana toro Yastus na, mi Matias.

²⁴ Tipamender ziru zan makinj to, tisunj. Tiso: “O Merere, nu ute leleyam lup kek. Tana wal ru ti, so yam pa tomtom ingoi ta itum roogi[☆]

²⁵ be ikam Yudas muriini, mi iwe ḡonjana ku mi ikam uraata pu. Pa Yudas ta ipizil ndemeene pa uraata ku, mi imeete ma ila lene pa muriini tau nu ur pini pataanja kek na.”

²⁶ To tikam ma Matias zaana ipet. Tabe Matias ikam Yudas muriini, mi iwe ḡonjana ki Yesu, mi ingal zin laamuru mi ta ma ila imun mini.

2

Bubuñana Potomjana isu

¹ Indeenje aigule ki Pentekos * na, zin urlaŋana kan timap ma tilup zin ma timbotmbot.[☆]

² Mi molo som na, tilen koronj kembei ta miiri biibi i. Imbul ki saamba, mi isu ma izeebe ruumu leleene ta timbotmbot pa i.[☆]

³ To tire koronj kembei ta you miaana ipet, mi imureege ma isala tomtom tataŋa uten ma ikot zin.[☆]

[☆] **1:21-22:** Lu 24:48+ [☆] **1:24:** Yo 2:25; Tur 2:23 ^{*} **2:1:** Pentekos, ina sunjana biibi ta kizin Yuda. Zin tilup zin pa Pasoba, mi aigule tomooru laamuru ilae, to Pentekos ipet. [☆] **2:1:** Kam 23:16 [☆] **2:2:** Ezek 37:9+; Yo 3:8 [☆] **2:3:** Kam 3:2; Mt 3:11

4 Tana Bubuŋana Potomŋana izeebe zin wal tana lup, mi iparaurau kwon ma tiso sua ila karkari kalŋjan.[◊]

5 Indeeŋe tana, zin Yuda boozo ta timbotmbot lenjaleŋa irao lele pakaana ta boozomen na, zin tila timbotmbot Yerusalem tomini. Zin wal ki titoto mbulu ki Anutu.

6 Timbotmbot mi tilen la pa, to timokor la pataaŋa. Mi zin wal ta Bubuŋana Potomŋana izeebe zin na, sua kizin ikam ma iwal biibi tau ḡagar kizin imap. Pa tilenlen kat la pa zitun kalŋjan tau.

7 Tabé kwon itaanda mi tikamam ḡagar boozo. Tiso: “Wai, a niom, wal tingi tikam parei kembei? Zin inŋgi sa Galilea kan men.

8 Mi parei ta iti tomtom tataŋa telenlen zin tizzo sua lala itundu kalŋjanda kat kembei?

9 Iti tamar pa lele pakaana ki Partia, Midia, mi Elam, mi Mesopotamia, Yudea mi Kapadosia, mi Pontus ma Asia,

10-11 mi Pirigia ma Pampilia, mi Aikuptu, mi lele pakaana ki Libia ta kolouŋana pa Kairini na, mi Krit mi Arabia. Mi tomtom kiti pakan timar pa Rom tomini. Mi zin Rom kan na, pakan zin Yuda ḡonoono. Mi pakan na, zin wal ta titooro zin ma tiwe Yuda i. Tamen sua ta wal taiŋgi tikamam pa Anutu uraata kini bibip, ta iti tamap telenlen la itundu kalŋjanda.”

12 Tana zin iwal tana kwon taanda lup. Pa tikankaana pa mbulu tingi. Mi tiparwwi zin ma tiso: “Wai, inŋgi parei?”

[◊] **2:4:** Mk 16:17; Yo 7:37+, 14:16; N̄go 4:31, 10:44+, 19:6

13 Mi pakan na, tikam senge pizin ma tiso: “Ou, niom iwal, ingi sa tiwin na.”

Mos ta Petrus ikam pizin iwal biibi

14 Petrus ziyan zin ngonjana laamuru mi ta timbotmbot, mi imanja na iso ma kaljaana biibi. Iso: “Niom Yuda mi niom wal boozomen ta kombotmbot Yerusalem i, kuŋgun talŋoyom pio, mi nio ko aŋso yom pa mbulu tiŋgi ka uunu.◊

15 Niom koso zin wal tiŋgi tiwin. Mi ingi zoŋ ise zen. Lak, winnjanan sa, tiwinin pa mazwaana ta kembei? Som.◊

16 Keleŋ. Mbulu ti ka sua, ta Anutu kwoono Yoel iso ta munju kek. Mi ingi buri iur ŋonoono i. Sua ta kembei:

17 Anutu iso: Indeeŋe mazwaana kaimer kana ma uraata tio iso ipet kat mat, †
na nio kola aŋkam Bubuŋoŋ ma isalakaala tomtom
ta munjaana men.

To lutuyom bizin ma lutuyom moori bizin ko tiwe
nio kwoŋ mi tiso kalŋoŋ pizin tomtom.

Mi zin naŋgaŋ kaibiim ko tikeenetondo.

Mi Anutu ko iswe koron pakan pizin kolman ila
miuŋjana.◊

18 Mi zin mbesooŋo mi mbesooŋo moori tio ta
kembena.

Indeeŋe mazwaana tana na, nio ko aŋkam
Bubuŋoŋ ma isalakaala zin.◊

19 Mi nio ko aŋkam uraata bibip ma ipet sala
maŋjaanaŋjana,

◊ **2:14:** Mt 16:19 ◊ **2:15:** 1Tes 5:7 † **2:17:** Mazwaana kaimer kana imanja pa meetenjana mi maŋgaŋjana ki Yesu. Mi ko ila ila ma toono swoono. Mi ka kilalan biibi na uraata ki Bubuŋjana Potomjana. ◊ **2:17:** Yesa 44:3; Ezek 39:29; Yo 7:37+ ◊ **2:18:** Ngø 21:9

mi aŋkam mos mburanjan isu toono tomini.
Ko kembei ta siŋ, you, mi you kakoi ta buk ma ise
i.

20 Pa zoŋ kola iyaara mini som, mi lele zugut. Mi
puulu mataana ko isiŋsiŋ.

Uraata tana kola ipet muŋgu, mana nol biibi
ki Merere be iswe mburaana ma ipet kat
mat.◊

21 Mi walboozomen ta so titajroro Merere be iuulu
zin, na ni ko ikamke zin ma timbot ambai.◊

22 “Tana niom tomtom ki Israel, keleŋ sua
tinggi. Uraata mburanjan mi mos bibip ta Yesu ki
Nasaret ikam la mazwoyom na, niom kuute lup
kek. Uraata ta Anutu ipomboli ma ikam, ina iswe
i kembei: Ni Anutu iŋgo i.◊

23 Anutu, ni itunu ŋgar kini mi iur Yesu pataaŋa
kek be ima nomoyom. Tanata niomjan zin Rom
kan tau titoto tutu som na, kupuni ma imeete sala
ke pambaaraŋjana.◊

24 Tamen meetenjana irao ikisi na som. Pa Anutu
itatke i pa meetenjana mburaana, mi iwiti ma bu-
rup ma imanja pa naala.◊

25 Ka sua, Dabit iso ta muŋgu kek. Pa iso:
Nio anre Merere imbotmbot kereŋ uunu totomen.
Ni imbotmbot raama yo mi ikiskis yo. Tana kosa
sa ko irao ikam yo ma aŋtop na som.

26 Iŋgi tabe ikam yo ma leleŋ ambai kat,
mi aŋso sua raama menmeen yo.

◊ **2:20:** Mt 24:29+, 27:45 ◊ **2:21:** Yoel 2:28+; Ngo 4:12; Ro 10:13

◊ **2:22:** Yo 5:36 ◊ **2:23:** Yesa 53:10; Ngo 4:28 ◊ **2:24:** Lu
24:5; Ngo 3:15

Nonono, nio ko aŋmeete. Pa nio tomtom toono konj.

Tamen kopoŋ rru som. Ingi aŋmbotmbot mi aŋjurur motoŋ pu men tau.

²⁷ Pa nu irao zem yo ma aŋmeete mi aŋsula Andewa be aŋbot na som.

Nu irao zem mbesooŋo ku potomjana ma ibuuzu na som.

²⁸ Nu patoonjo yo pa zaala ki mbotjana mata yaryaaraŋana.

Mi nu ko kam yo ma aŋbot su kerem uunu, mi kam ma lelen ndabok men.◊

²⁹ “O atonjan mi tiziŋan. Nio lelen be aŋso kat yom pa tumbundu Dabit. Ni imeete ma titwi i ta munju kek. Ma naala kini ta imbotmbot men kar ti.◊

³⁰ Tamen Dabit, ni Anutu kwoono. Mi ni iute tau Anutu imbuksua mboljana pini be kaimer to iur popoŋana kini sa ma iwe king kembei ni itunu.◊

³¹ Ni ire mbulu tabe ipet pa kaimer i. Tanata iso pa manjaŋana ki Mesia, mi iso Anutu ko irao izemi ma imeete mi isula Andewa be imbot na som. Mi irao izemi ma ibuuzu na som.◊

³² “Mi Yesu ta amzzo yom pini i, ta Anutu iwiti ma burup ma imaŋga mini pa naala. Niam ta boozomen ti amre kat pa motoyam, tanata ampombolmbol ka sua.

³³ Ni, Anutu ipakuri, mi iuri ma imbot la namaana woono. Mi Tamaana ikam Bubuŋana Potomjana pini kek. Ito itunu sua kini mbukjana

◊ **2:28:** Mbo 16:8+ ◊ **2:29:** 1Kin 2:10; Ngo 13:35+ ◊ **2:30:**
2Sam 7:12+; Mbo 89:3+, 132:11 ◊ **2:31:** Mbo 16:10

tau. Bubuñana tana, ta Yesu kadoono ikam ma isalakaala yam, mi ingi kere mi keleñ i.[☆]

³⁴ Mi Dabit itunu na, isala saamba som. Tamen ni iso ta kembei. Iso:

Merere iso pa Biibi tio ta kembei:

Mar mbulem su ta nomonj woono i

³⁵ ma irao aŋkoto kom koi bizin ma mburan imap kat,

mi kumbum ise ḡiguren.’[☆]

³⁶ “Tana niom Israel ta munjaana men, kelenj kat. Yesu ta kupuni ma imeete sala ke pambaařjanana, ta Anutu iuri ma iwe Merere mi Mesia.”

Wal boozomen tiurla

³⁷ Tomtom tileñ la pa sua tana ma ambai som. Pa sua ingal zin. To tisu na tiso pa Petrus bizin. Tiso: “Wai toyamjan, kenako amkam parei?”[☆]

³⁸ Petrus ipekel kwon ma iso: “Kozo kamap ko-tooro leleyom, mi kakam yok pa Yesu Krisi zaana. Naso sanaana tiom ila ne, mi ni ipomoozo yom ma ikam Bubuñana Potomjanana piom.”[☆]

³⁹ Pa sua mbukjanana ti, ingi ima pa niom Israel niomjan lutuyom bizin, mi zin iwal karkari ta timbot lele molo na tomini. Pa wal boozomen ta sombe Merere Anutu kiti iboobo zin na, sua mbukjanana tingi imar pizin.”[☆]

⁴⁰ Petrus iso sua tingi men som. Kwoono imbol pizin pa sua boozomen. Pa isombe ikam zin ma tiurla ki Krisi. Tana iso pizin ma iso: “Motoyom

^{☆ 2:33:} Yo 14:26; Pil 2:9 ^{☆ 2:35:} Mbo 110:1 ^{☆ 2:37:} Ibr 4:12

^{☆ 2:38:} Mk 16:16; Lu 24:47; Ngó 3:19 ^{☆ 2:39:} Yesa 57:19; Yo

10:16; Ngó 14:27; Ep 2:13+

ingal mi kuru zaala pa ituyom be kombot ambai. Pa ingi kombot la wal sananjan lelen. Kokena niomnjana kala leyom.”⁴¹

⁴¹ Aigule tana na, zin tau tiurla Petrus kaljaana, mi tikam yok mi tila tigaaba zin wal urlanjana kan na, zin ko kembei munjaana tel (3,000) ma ingi.

⁴² Mi zin tiurur kat lelen pa sua kizin ngojana ki Yesu, mi tiluplup zin pa sujnana mi kini kanjana.

Mbulu kizin wal mataana kan ki Krisi

⁴³ Zin ngojana ki Yesu tikamam uraata bibip mi titortoro mos boozo. Tabe tomtom ta boozomen tire mi timoto kan. Pa tire kat Anutu mburaana tau.⁴²

⁴⁴ Mi zin urlanjana kan tiluplup zin, mi tiparkamam zin ma ambai. Tomtom sa irao kwoono imbol pa koron kini sa be iwe itutamen lene i na som. Koron kizin ta munjaana men, ta tiparrai pizin men.⁴³

⁴⁵ Pa tikamam mburoojo pa koron kizin, mi tiparrai pizin pakan ta len som i. Tabe zin ta boozomen len koron irao.⁴⁴

⁴⁶⁻⁴⁷ Mi aigule ta boozomen tilala ma tiluplup zin su Urum Merere kwoono. Mi tiparluplup zin la ruumu kizin kizin pa sujnana mi kini kanjana. Mitikanan kini raama lelen ambai men, mi tiwidit Anutu zaana. Paso, tiur kat lelen pini. Tana tomtom timap ma lelen pizin. Mi zin wal ta Merere ikamam uraata pizin be ikamke zin na, ni ipanjugutnguutu zin ikot aigule ta boozomen, ma tilala tigabgaaba zin wal urlanjana kan.

⁴¹ **2:40:** Ga 1:4; Pil 2:15 ⁴² **2:43:** Ngo 5:12; 2Kor 12:12 ⁴³ **2:44:** Lu 12:33, 18:22; Ngo 4:32+ ⁴⁴ **2:45:** 2Kor 8:13

3*Petrus iurpe tomtom kumbu kaamañana ta*

¹ Aigule ta, zoŋ mataana ikam tel na, Petrus ziru Yoan tisala pa Urum Merere. Pa suŋjana rou kana be imaŋga.

² Ziru tiwwa ma tisala na, tomtom kaamañana ta, tikami ma tiuri su urum kwoono ta tipaata be Kataama Kwoono ta Ambainjana Kat na. Tomtom tana, naana ipeebi na, ni ta kembeañana. Tana aigule ta boozomen tiziñzini ma timar, mi tiuri mi imbotmbot. Beso tomtom timar be tiloondo pa urum na, izarra namaana pizin pa le koronj.

³ Ikamam ta kembea, mi ire Petrus ziru Yoan tila mabe tilela. To isuŋ ziru pa le pat.

⁴ Ziru tigeede su pini, mi Petrus iso: “Motom mar!”

⁵ Tana tomtom imbot mi iur mataana pizin. Pa indemeere iso ko tikam le koronj sa.

⁶ Tamen Petrus iso pini. Iso: “A barau, pat silba mi gol na, leŋ sa som. Mi koronj ta, ta imbotmbot i. Ingi be aŋkam pu. Nio aŋso pu pa Yesu Krisi ki Nasaret zaana: Maŋga mi pa!”[☆]

⁷⁻⁸ To iteege su pa namaana woono mi iwiti. Beso burup na imanjaŋga to, siŋ iloondo pa kumbuunu uranuran, mi iyamaana kembei kuliini ikam pirik. Ipa ma ila ri, to ilulu i raama menmeeni biibi, mi ipakurkur Anutu zaana, mi zinjan tilela pa urum.[☆]

⁹ Wal matan la na, tire ni iwwa mi ipakurkur Anutu ma ikamam.

[☆] **3:6:** Ngó 14:10 [☆] **3:7-8:** Ngó 5:15+, 9:34+, 14:8+; Yems 5:14+

10 Mi tikilaali kembei ni ta muñgu imbotmbot Kataama Kwoono ta Ambaijanana Kat, mi izarra namaana pa le pat. Tabe timurur pa mbulu ta ipet pini na, mi kwon itaanda. Tikam ñgar pini ma tiraõ som.

Mos ta Petrus ikam su Urum Merere kwoono

11 Tomtom tana isou kiskis Petrus ziru Yoan ma zinjan timbotmbot, mi iwal biibi tilonloondo ma tila kizin ta Pooto ki Salumo a. Pa timurur pa mos ta ipet na.

12 Petrus ire zin, to iso pizin. Iso: “O niom Israel, parei ta kumurur pa uraata tingi mi kegeede yam? Tomtom ti, niam amkami ma ipa pa ituyam mburoyam, som mbulu tiam sa ta ndabokjanai na som.

13 Keleñ kat. Anutu ki tumbundu bixin, Anutu ki Abaraam, Isak mi Yakop, ina ni ikam mbesoojo kini Yesu ma isala saamba kek be ikam zaana biibi. Mi Yesu tana, ta ikam mbulu tingi. Ni ta kakami ma ila be tipuni na. Pilatus ire i ma iso izemi. Mi niom koso: ‘E-e. Niam leleyam pini som. Puni ma imeete.’[☆]

14 Kere. Tomtom potomjanana mi ndeenjenjana, ta niom leleyom pini som. Mi tomtom sanannjana ta ipunun zin tomtom, ta koso pizin ma tiputke i mi ima tiom na.[☆]

15 Tana ni ta mbotjanana mata yaryaaranjana katuunu i, ta niom kupuni ma imeete. Tamen ni, Anutu ipei i ma burup ma imanja mini pa naala. Niam tingi amre kat ki motoyam. Tanata ampombolmbol ka sua i.[☆]

[☆] **3:13:** Kam 3:6; Lu 23:18+ [☆] **3:14:** Lu 23:18+ [☆] **3:15:** Lu 24:48; Ñgo 1:8, 2:24,32+

16 Mi kosa sa som. Yesu zaana tau. Waende ti, niom kuute pataŋana kini kek. Mi ni iurla mi ipase pa Yesu zaana, tanata ikami ma niom ta boozomen kere ni niini ndabok.◊

17 “O atoŋan ma tiziŋan, nio ajute. Ina niomŋan zin bibip tiom kikilaala Yesu som, tanata kakam mbulu tana pini.◊

18 Mi ina zaala ki Anutu tau. Ni itunu ipazal, bekena sua kini boozomen ta munGU iso la ki kwoono bizin na iur ŋonoono. Sua tana iso ta kembei: Mesia kini ko ire yoyounjana biibi.◊

19 Tana niom kere be kipizil ndemeyom pa mbulu tiom sanannjana, mi kotooro yom, mi kimiili ma kala ki Anutu. Naso ni imus sanaanaa tiom mi ila ne. Mi niom so kakam ta kembei, inako Merere ipayaryaara yom.◊

20 mi ingo Mesia ta ni itunu iuri piom na ma imili mini.◊

21 Pa ni bela imbotmbot men ta saamba a ma irao mazwaana tabe Anutu iurpe koron̄ ta boozomen ma ambai mini. Ito sua kini mbukŋana ta iso la ki kwoono bizin ta munGU kek na.◊

22 Pa Mose iso ta kembei. Iso:
Merere Anutu tiom ko ipamender tomtom tiom

sa ma iwe kwoono kembei ta nio i. Mi niom kozo keleŋ la kalŋaana pa koron̄ ta munŋaana men.

23 Mi sombe tomtom sa ileŋi som, nako Anutu ipambiriizi i ma ila lene kat. Kokena igaaba wal kini.◊

◊ **3:16:** Lu 17:19; Ngo 4:10 ◊ **3:17:** Lu 23:34; Ngo 13:27; 1Kor 2:8; 1Tim 1:13 ◊ **3:18:** Mbo 22; Yesa 53:5+; Lu 24:26,44; Ngo 2:23; 1Pe 1:10+ ◊ **3:19:** Ngo 2:38 ◊ **3:20:** Ngo 1:11; 1Tes 4:16 ◊ **3:21:** Mt 19:28; Ro 8:19+; 2Pe 3:13 ◊ **3:23:** Lo 18:15+; Ngo 7:37

24 “Tana kere. Pa muŋgu ta Anutu kwoono Samuel mi imar na, Anutu kwoono bizin tiso sua pa mazwaana ta tingi.◊

25 Ingi matamur ki Anutu kwoono bizin, ta imar kiti tomtom ta popoŋana kizin i. Pa sua mbukŋana kini ta ni ikam la ki tumbundu bizin, ta ingi iur ḥonoono piti i. Motoyom ingal sua ta muŋgu iso pa Abaraam na. Isombe

Popoŋana ku ko iwe zaala be kampeŋana biibi
ise kizin wal boozomen ta timbotmbot su
toono na.◊

26 “Tana kere. Anutu ipei mbesooŋo kini Yesu ma burup ma imaŋga mini pa naala kek. Mi ni isombe ipumuunju kampeŋana kini piom. Tanata ingi ikam Yesu uruunu ma imar piom muŋgu, bekena ikam yom ma kipizil ndemeyom pa mbulu tiom sananŋana.◊

4

Tipamender Petrus ziru Yoan

1 Petrus ziru Yoan tizzo sua pizin tomtom, mi zin patoronŋana kan pakān ziŋan biibi kizin menderŋjan ta timborro Ūrum Merere i, mi zin sadusi pakān timar.

2 Timar raama keten malmal kat pa Petrus ziru Yoan. Pa ziru tikamam sua pizin tomtom mi tizzo ta kembei: Wal ta so tisekap la ki Yesu, nako timaŋga mini pa naala.◊

◊ **3:24:** Lu 24:27 ◊ **3:25:** Un 12:3, 18:18, 22:18; Ga 3:8 ◊ **3:26:**
Ngο 13:46, 22:21; Ro 1:16 ◊ **4:2:** Mt 22:23; Ngο 17:18

3 Mi rorou kek. Tana tila ma tikiskis zin, mi tiur zin lela ruumu sanaana pataanja be tinaama sua. Ziru be timbot tana, mi tikeene ma aigule toro.

4 Mi zin tomtom tau tileŋ sua kizin na, boozomen tiurla. Tabé tila tigaaba zin ta mungunjan na, to zan isala kat. Zin tomtom tirao kembei munjaana lamata (5,000).

5 Aigule toro na, zin peeze kan kizin Yuda, ziŋan zin mboronjan mi zin ḥgarjan ki tutu tilup zin su Yerusalem.

6 Mi bibip kizin wal patoronjanana kan ta Anas, Kaipas, Yoan, mi Alisande na, mi wal kizin pakar, ziŋan tau.

7 Timbotmbot, mi tikam Petrus ziru Yoan ma timar na, tipamender ziru ila keran uunu. To tiwi zin ma tiso: “Ai, niomru kakam uraata ti pa asiŋ zaana mi mburaana?”[☆]

8 To Bubuŋana Potomjanana izeebe Petrus, mi imanya to iso pizin. Iso: “Niom peeze koyom mi niom mboronjan.

9 Parei? Koozi niom kosombe kiwi yam pa mbulu ambaijanana tau ipet pa tomtom kaamanjanana ti, mi zaala tau ni niini ambai, ta koboobo yam i?

10 Nakena niom ta boozomen kelenj kat. Mi niom men som. Zin Israel ta munjaana men. Ingi kosa sa som. Mi Yesu Krisi ki Nasaret ta kupuni ma imeete sala ke pambaaranjanana, mi Anutu ipei i ma burup ma imanya pa naala na. Ina ni zaana mi mburaana, ta ikam ma niom kere tomtom kaamanjanana taŋgi niini ambai mi imendernder la motoyom i.[☆]

11 Yesu ta muŋgu tibeede ka sua ta kembei:

[☆] **4:7:** Mt 21:23 [☆] **4:10:** Njo 3:13+

Pat ta niom wal tau kowwo ruumu na, motoyom repiili mi kipiri lae lene na, pat tamen tana, ta ko tipamender ruumu sala ma imbol.[✳]

12 “Ni itutamen ta ulaaŋa kit. Sombe turu ulaaŋa la ki tomtom toro sa, ina tarao tendeeŋe som. Pa tomtom ta tirao toono ti, na sa zaana irao iuulu kat iti ma tombot ndabok na som. Pa Anutu iur ni itutamen.”[✳]

13 Timbotmbot mi tire Petrus ziru Yoan timoto som mi tizzo katkat sua, to timurur pizin. Pa tiute zin tomtom kar kan men. Tila skul biibi som. Tana tikilaala zin kembei ziŋjan Yesu tiwwa tau.

14 Mi tire tomtom ta tiurpe i ma niini ambai i, ziŋjan timender ma timbotmbot, tabe len sua sa som mi timaane men.

15 To tiser Petrus ziru Yoan pa lupŋana kizin ma tipera mat, mi zin be tiso kan sua.

16 Mi timaŋga na tiparwi zin. Tiso: “Lak, ingi kozo ko takam parei pizin? Pa mos biibi ta ziru tikam na, ina ipet kat mat, mi iwal biibi ta timbot Yerusalem i tiute lup kek. Tana iti toscombe takam be tawatkaala, nako takam ma tarao som.”[✳]

17 Mi bela tupunmeete sua tingi ma imborene kat. Kokena irak ma wal pakan tileŋ mi tiurla. Kozo takam sua pamotonjana pizin mi tepeteke zin be tiso sua pa tomtom sa pa Yesu zaana mini pepe.”

18 Tiso makin, to tiboobo Petrus ziru Yoan ma tile mini na, kwon imbol pizin be tikam sua sa pizin tomtom pa Yesu zaana mini pepe.[✳]

[✳] **4:11:** Mbo 118:22; Mt 21:42 [✳] **4:12:** Mt 1:21; Yo 14:6; Ngo 10:43;
Ro 10:13 [✳] **4:16:** Yo 11:47 [✳] **4:18:** Ngo 5:28,40

¹⁹ Tamen ziru tipekel ma tiso: “Wai, kena niom ituyom kitii. Ko parei? Amlej la niom kalnjoyom, som Anutu kaljaana? Mbulu ingoi ta indeeje pa Anutu mataana?”[✳]

²⁰ Pa koronj biibi ta niam amre mi amlej kek. Tana ingi irao amaane na som. Ko amzzo men ta kembei.”

²¹ Tiso ta kembei, tabe zin bibip tisu ma tise pizin, mi tikam sua pamotojana pizin mini. Mana tizem zin ma tila. Tana zin bibip tana tiru zaala be tiseeze matan ma som. Pa iwal timap tire uraata tana ma lelen ambai mi tipakur Anutu pa.

²² Pa tomtom kaamanjana ta mos tana ipet pini ma niini ndabok na, ndaama kini ilip pa tomtooru kek.

Sunjana kizin wal urlanjana kan

²³ Petrus ziru Yoan tiyoota na, kaŋkaŋ ma tila ki waen bizin, mi tiso zin pa sua ta zin bibip kizin patoronnjana kan mi zin mboronjan tikam pizin na.

²⁴ To waen bizin tilej na, tilup lelen mi tikam sunjana ila ki Anutu ta kembei. Tiso: “O Merere, nu ta mburom keskeezenjom mi koronj imap katuunu. Nu ur saamba mi toono, mi tai raama koron boozomen men ta timbot pa.”[✳]

²⁵ Itum Bubuŋom Potomnjana ta ikam peeze pa tumbuyam Dabit ta mbesooŋo ku na, ma iso ta kembei:

Parei ta zin karkari keten malmal mi kalŋjan izalla?

Wal matan munjan timburmbuuru sorok paso?

²⁶ Zin king ki toono ziŋan zin peeze kan tilup zin,

[✳] **4:19:** Ngo 5:29 [✳] **4:24:** Kam 20:11

mi tikam kumbun be ziñan Merere mi Mesia kini tiporou.[☆]

²⁷ “Mi ingi sua tingi iur njoono kek. Pa nu itum roogo mbesooño ku potomnjana Yesu, mi uri ma iwe Mesia. Tamen Erot ziru Pilatus ziñan zin wal ta Yuda somñan i mi zin Israel, ta tilup zin su kar biibi ti mi tipuni ma imeete.[☆]

²⁸ Mi timañga ma tikam mbulu ti na, itoþtop la zaala tau nu itum lelem iur pa pataanja kek be ipet ta kembena.[☆]

²⁹ Merere, sua pamotonjana ta tikamam piam i, nu lej kek. Tana pombol niam mbesooño ku be amoto pepe, mibe amender mbolnjana pa sua ku kamnjana.[☆]

³⁰ Swe mburom mi urpe zin meteñjan mi kam mos bibip pakan ma ipet pa mbesooño ku potomnjana Yesu zaana.”

³¹ Tisun makinj, to kembei ta yeñyeenje itok pa lele tau tilup zin pa i, mi Bubunjana Potomnjana izeebe zin ta boozomen. Tana timoto som, mi timender mbolnjana pa Anutu sua kini soy-aaranjana.[☆]

Zin urlañana kan tiparlup lelen

³² Zin urlañana kan ta munñaana men lelen mi ñgar kizin iwe tamen. Mi tomtom sa irao kwoono mbol pa koronj kini sa be iwe itutamen lene i som. Koronj kizin ta munñaana men, ta tiparrai pizin men.[☆]

[☆] **4:26:** Mbo 2:1+ [☆] **4:27:** Lu 23:7+ [☆] **4:28:** Ngo 2:23 [☆] **4:29:** Ngo 3:13, 13:46; Ep 6:19+; Pil 1:14 [☆] **4:31:** Ngo 2:2+ [☆] **4:32:** Lu 12:33, 14:33; Lu 18:22; Ngo 2:44+

³³ Mi uraata kizin ngojana ta tipombolmbol sua pa maŋgaŋana ki Merere Yesu na, mburaana bibili. Mi kampeŋana biibi imbotmbot raama zin urlaŋana kan ta boozomen.

³⁴ Mi tomtom kizin sa imbot ŋoobo som. Pa zin ta len toono mi ruumu na, tiurur ŋgompa. Beso tikam ka pat,

³⁵ to tikam ma tiur la kizin ngojana. Toinabe zin tirai pizin wal tau len koron som mi timbot ŋoobo i.[☆]

³⁶⁻³⁷ Tikamam ta kembei, tana tomtom ta ki mutu Saiprus, zaana Yosep, ni tomini iur ŋgompa toono kini. To tingiimi, mi ikam ka pat ma ila iur la kizin ngojana. Yosep tana, ni uunu ipet la ki Lebi. Mi zin ngojana tileele zaana be Panabas. (Pisis Panabas ka uunu ta kembei: ‘Tomtom ki ipombolmbol zin tomtom’.)[☆]

5

Mbulu pakaamjana ki Ananias ziru kusiini Sapira

¹ Tomtom toro, ni zaana Ananias. Mi kusiini zaana Sapira. Ni ziru tomini tiur ŋgompa toono kizin pakaana, mi wal tingiimi.

² Tamen ziru tisu mi tikam pakaamjana. Pa pat ta tisombe tiur ma iwe Anutu lene na, tiruutu pakaana ma imbot pizin. Mi pakaana men, Ananias ikam ma iur la kizin ngojana, mi iso: “Is. Ingi pat munjaana ta ti.”[☆]

³ Tamen Petrus ileŋ na, iso pini. Iso: “Wai, Ananias. Parei ta nu zem Tomtom Sanaana ma

[☆] 4:35: 2Kor 8:13+ [☆] 4:36-37: Njo 9:27, 11:22,30, 13:2 [☆] 5:2:
Yos 7:1-26

izeebu, mi ruutu pat pakan? Parei? Nu so kam be pakaam Bubuñana Potomñana? [✳]

⁴ Indeeje ta nu kam ñgomø pa toono ku tana zen, ina nu koronj ku. Mi kaimer ma tomtom tiñgiimi mi kam ka pat, ina tomini koronj ku men. Nu itum ta mboro. Mi sokorei ikamu ta lelem iur pa mbulu ta kembena? Ina nu kam pakaamñana piám tomtom som. Ina nu kam pa Anutu tau.” [✳]

⁵ Ananias ilen men sua tiñgi mi imalaala. Itop su ma kup. Beso tomtom tilen uruunu na, motoñana biibi ikam zin lup.

⁶ To nangan timar ma tizuki pa kawaala, mi tisiñi ma tila titwi i.

⁷ Timbot ma moloñana ri, mana Ananias kusiini ile. Mi mbulu ta ipet pa Ananias na, ni iute som.

⁸ Ile na, Petrus imañga mi iwi i. Iso: “Ai, nu so lak. Nu niomru kusim Ananias, toono ka ñgomø munjaana men ta ti?” Moori ipekel ma iso: “E, ñgomø ta tina.”

⁹ To Petrus iso pini. Iso: “Lak, parei ta niomru kulup leleyom mi koso kotoombo Merere Bubuñana? Lenj. Wal ta titwi kusim ta timbotmbot kataama ndemeene i. Mi nu ko tisiñu ma pera tomini.”

¹⁰ Lak molo? Moori imalaala ma ila ituti su Petrus kumbuunuu uunu ma kup. Nangan tile ma tire i kup su ma imbotmbot, to tiroñrooñgi ma tiyooto, mi tila titwi sula waene zilñaana uunu.

¹¹ Uraata ti ipet ma lupñana ki Krisi ziñan zin wal pakan tilen, to motoñana biibi ikam zin lup.

Zin ñgonjana titooro mos bibip pakan

[✳] **5:3:** Lo 23:21+; Lu 22:3 [✳] **5:4:** Mt 23:27+

12 Yesu ḥgoṇjana kini timbotmbot mi titortooro mos mi uraata bibip boozomen pizin tomtom. Mi zin urlaṇjana kan na, tiluplup zin se pooto ki Salumo ta imbot Urum Merere zilṇjana na. [◊]

13 Mi tomtom tila ma tigabgaaba zin sorok na som. Pa timoto. Tamen iwal biibi na, matan ise kizin mi tiwidit urun.

14 Tabe moori ma tomooto na, iwal ma iwal kat ta tiurla ki Merere, mi tila tigabgaaba zin ma tiwe boozo.

15 Mi uraata boozomen ta iwedet. Tabe tomtom tikamam zin metejan kizin izze ke ponjana ma mi kizin, mi tikamam zin ma tilala zaala. Pa tikam ḥgar ta kembei: Sombe Petrus ipa ma ila igarau zin, mi so kunuunu men isalakaala zin, toinabe mburaana iyooto pini, mi iuulu zin ma nin ndabok. [◊]

16 Mi kar ta timbot kolouṇjana pa Yerusalem na, ta kembena. Tikamam zin metejan kizin ma wal kizin pakan ta bubuṇjana sanannjan tipasansaana zin na, mi tilala Yerusalem. To timokor men la kizin ḥgoṇjana, mi zin tiurpe zin ma nin ambai lup. [◊]

Zin bibip kizin Yuda tiseeze zin ḥgoṇjana matan

17 Zin ḥgoṇjana tikamam ta kembena, tabe biibi kizin wal patoronnjana kan, ziṇjā gaabanjana kini boozomen ta zin sadusi na, ḥgar sanannjana izeebe zin ma matan mburmbur mi keten malmal kat pizin ḥgoṇjana. Paso, tire uraata kizin ilonloondo raama mburaana.

18 Tabe timanġa, to karau lae pizin, mi tizeebe zin lela ruumu sanaana. [◊]

[◊] **5:12:** ḅgo 2:43; 2Kor 12:12 [◊] **5:15:** Mt 9:21, 14:36; ḅgo 19:12

[◊] **5:16:** Mt 8:16 [◊] **5:18:** ḅgo 4:3

19 Mi mbej na, anjela ki Merere ta ila, to isol ruumu sanaana ka kataama pizin, mi ikam zin ma tiyoota ma tipera mat. [◊]

20 To iso pizin. Iso: “Kala ta Urum Merere kwoono, mi koso kat zin tomtom pa mbotnjana poponjana ti ka zaala.”

21 Tana berek su na, tiloondo pa Urum Merere, mi timanga ma tikam sua pizin tomtom. Tito sua ta tienj kek na. Tikamam mi, biibi kizin patoronjana kan ziyan zin gaabanjana kini, tiboobo zin peeze kan kizin Israel ziyan zin mboronjan ta boozomen ma timar be tilup zin. Tilup zin ma timbotmbot, mi tingi menderjan pakon ma tila ruumu sanaana be tikam zin ngonjana.

22 Beso tiwwa ma tilela ruumu sanaana na, matan ru zin ma som. Tana timili ma tila lupnjana, to tisotaara zin.

23 Tiso: “Wai, niam amla ruumu sanaana na, ka kataama kotkaalanjana, mi zin ta timborro kataamanjan i, timendernder. Tamen amkaaga kataama ma amlela na som. Tomtom som.”

24 Biibi kizin menderjan ta timborro Urum Merere i ziyan bibip kizin patoronjana kan tienj sua sotaaranjana tingi na, tikam ngar boozo. Tiso: “Wai, ingi kozo ko parei?”

25 Be molo som na, tomtom ta imar mi isotaara zin. Iso: “A, niom na kombotmbot? Mi zin wal ta kezeebe zin lela ruumu sanaana, ta tikamam sua pizin tomtom ta Urum Merere kwoono a.”

26 Biibi kizin menderjan ilej sua tana na, imanya mi iyo zin tomtom kini, to pai. Kanjan pataanja ma tila be tikam zin. Tamen rungun

[◊] **5:19:** Mbo 34:7, 146:7; Ngo 12:7+, 16:26

kembei malmal mi tila tikam zin som. Pa timoto kan. Kokena zin iwal biibi timaŋga pizin, mi tipun zin pa pat.

27-28 Tila tikam zin ነጋጊያና makiŋ, to timiili ma tila mi tipamender zin la zin bibip matan. Mi biibi kizin patoronjana kan iyaamba zin. Iso: “Kapaata to tana zaana ndabok! Niom taljoyom som? Niam kwoyam imbol piom kek. Irao koso zin tomtom pa tomtom tana pepe. Mi ingi kosoyaara uruunu ma irao Yerusalem kek. Parei? Niom koso kakam be kuur siŋ kini ka kadoono ise tiām?” *

29 Petrus ziŋan ነጋጊያና pakān tipekel kwon ma tiso: “Niam ti amrao amto sorok sua ki tomtom sa na som. Bela indeeŋ Anutu ነጋጊያና kini to amto. *

30 Keleŋ. Yesu ta niom kupuni ma imeete sala ke pambaaranjana, ta Anutu ki tumbundu bixin ipei i ma imaŋga mini kek. *

31 Mi ipakuri mi iuri la itunu namaana woono, mi iwe koron imap katuuunu kek. Mi ni ulaanja kiti. Tana ni ta ko itooro iti Israel, mi ireege sanaana kiti ma ilä ne. *

32 Mi niam tinji amre kat uraata kini, tanata ampombolmbol koron tinji ka sua. Mi niam men som. Bubuŋana Potomjana tomini ipombolmbol sua ti. Ni, Anutu ikami pizin tomtom ta boozomen ta titoto sua kini na.” *

Ngar ambaiŋana ki Gamaliel

33 Zin tileŋ sua tana, to keten ibeleu kat ma tiso tipun zin ነጋጊያና ma timetmeete ma tila len pataaŋa.

* **5:27-28:** Mt 23:35, 27:25; Ngo 4:18 * **5:29:** Ngo 4:19; Ga 1:10; 1Tes 2:4 * **5:30:** Ga 3:13 * **5:31:** Mk 16:19; Lu 24:47+; Ngo 2:38, 3:19 * **5:32:** Lu 24:48; Yo 15:26+

34 Tamen tomtom ta ki lupnjana tana, zaana Gamaliel. Ni tomtom zaanañana kizin ñgarñan ki tutu. Mi zin iwal tau matan izze kini. Imanja to iso pa waene bizin. Iso: “Ai, kakam wal tina ma tipera mat muñgu.”

35 Zin ñgonjana tipera, to ni iso pa lupnjana tana. Iso: “Niom Israel, keleñ. Kumbuulu zin loña pepe. Timbot mi iti takam kat ñgar muñgu, tona tuur len zaala sa.

36 Motojom imili pa Teudas. Ndaama pakan ta ila kek na, ni imar ipet, mi izzo pa itunu be ni tomtom toro. Ma tomtom tau sorok som (400), ta tila tito i. Lak, koozi imbotbot i? Som. Tipuni ma imeete, to nañgañ kini tikam pirik, mi kosa sa som.

37 Ni imar ila, to kaimer ma mazwaana ta tikam tomtom zan na, Yudas ki Galilea imar ipet, mi ipese zin tomtom ma tito i, mi tila be tiziiri gabman ki Rom. Tamen ni tomini, tipuni ma imeete, mi tomtom kini tisu ma tiwe panjaeñae sorok.

38 Tana koozi, nio lelen be aŋsope yom ta kembei: Wal tina, kumbuulu zin pepe. Kezem zin ma tila. Pa takankaana pa ñgar mi uraata kizin. Sombe ki toono, nako tikam ma som. *

39 Tamen sombe uraata ti imar pa Anutu, na niom ko karao be kokoto zin na som. Tana kere yom. Kokena niomñjan Anutu koporou.” *

40 Sua ki Gamaliel ikam ma titoro ñgar kizin. Tana tiboobo zin ñgonjana ma tilela mini, to tibalis zin, mi tingalsek pizin be tila mi tiso zin tomtom pa Yesu zaana mini pepe. To tizem zin ma tila.

41 Zin ñgonjana tizem lupnjana mi tila na, lelen ambai kat ma menmeen zin biibi. Paso, tire ta

* 5:38: Mt 15:13 * 5:39: Lu 21:15

kembei: Sombe tomtom tipamian̄ zin, mi tibaada patanjana pa Yesu zaana, ina kembei pakurñana. [◊]

⁴² Mi uruuunu ambainjana soyaaranjana na, tizem risa som. Aigule ta boozomen tikamam sua pizin tomtom su Urum Merere kwoono. Mi tilala ruumu kizin tomtom tomini ma tizzo zin bekena tiute: Yesu, ni Mesia.

6

Tiur wal lamata mi ru be tiuulu zin ḡoṇjana

¹ Indeej̄e mazwaana tana, zin wal ta titoto Yesu i timasak ma tiwe boozo. To zin Yuda tau tizzo Grik kaljan i, tisu mi tikam sua boozo pizin wal tau tizzo Iburu kaljan i. Tiso: Kini raijana mi koron reegejana ta gorgori tikamam na, tirre zin noroṇa kizin Yuda ta tizzo Grik i som.

² Tabé zin ḡoṇjana laamuru mi ru tiboobo wal boozomen ta titoto Yesu i ma tilup zin, mi tiso pizin. Tiso: “Niom toṇmatizij̄ tiām, kere. Sombe amzem sua ki Anutu soyaaranjana, mi amboro kini ma koron raijana, ko Anutu leleene ambai? Som.

³ Tana niom kaparre yom, mi kuur leyom tomtom lamata mi ru sa tau urun ambaimbaijan, mi len ḡgar ambainjana, mi Bubuñana ikamam peeze pizin. To amur zin ma timender pa uraata taiṇgi.

⁴ Mi niam ti, nako ambot kat pa suṇjana mi ambesmbeeze pa Merere pa sua kini soy-aaranjana.” [◊]

⁵ Wal ta boozomen tilej̄ ma titiiri sua ta zin ḡoṇjana tipiri na, mi tiyok pa. To tiur Setepan

[◊] **5:41:** Mt 5:10+; Ngo 14:22; Pil 1:29; 1Pe 4:13 [◊] **6:3:** 1Tim 3:2+;
Tit 1:6+ [◊] **6:4:** Ro 1:9

(ni Bubunjana Potomnjana izeebe kati mi urlaŋana kini imbol kat), mi Pilip, Prokorus, Nikeno, Timon, Pamemas mi Nikolas ta ki kar Antiok na. (Nikolas ti, naana ma tamaana Yuda som. Mi ni itoori ma iwe Yuda.)

⁶ Mi tikam wal lamata mi ru tana ma tila kizin ነጋኘኑ, to zin tiur naman sala uten ma tisun pizin bekena tiur zin pa uraata. *

⁷ Mi mazwaana tana, Anutu sua kini mburaana ma ila pizin tomtom boozomen. Tabe zin wal ta titoto Yesu i tiwe boozo kat su Yerusalem. Mi zin patoronnjana kan ta kembena, tomtom kizin boozo tiler la sua mi tiurla. *

Titeege Setepan

⁸ Setepan, ni tomtom tau Merere mburaana mi kampeŋana kini biibi imbotmbot se kini. Tana itortoro uraata mburanjjan mi mos bibip ma tomtom tire. *

⁹ Tamen zin Yuda pakan ki lupnjan ta, ta timbotmbot. Wal tana, munGU tiwe mbesooŋo pizin tomtom pakan. Tamen buri na, tomtom sa imborozin mini som. Mi timar pa kar Kairini, mi kar Aleksandria, mi lele pakaana ki Silisia, mi lele pakaana ki Asia. Timanġa mi ziŋan Setepan tiparzooro pa sua.

¹⁰ Tamen tirao i som. Pa Bubunjana Potomnjana ipazalzali pa sua ta ni izzo pa Anutu ንጋኝ kini. *

¹¹ To tiru zaala pini, mi tipese tomtom pakan ma tila mi tiso sorok sua pakaamnjana ta kembei.

* **6:6:** Wal lamata mi ru ta tiur zin pa uraata na, zin ta boozomen tizzo Grik kaljan. Pa pisis kizin na, kizin Grik. * **6:6:** Ngo 13:3; 1Tim 4:14 * **6:7:** Ngo 12:24, 19:20 * **6:8:** Ngo 2:43 * **6:10:** Lu 21:15

Tiso: “Niam ti amlenj Setepan ipiri sua repiiliñana pa Mose, mi Anutu tomini.” [◊]

¹² Tikam sua ta kembei, tabe tikuru zin ñgarjan ki tutu mi zin mboronjan ziñan iwal biibi lelen ma timañga mi titeege Setepan. To tila mi tipamenderi la lupñana biibi kizin wal peeze kan matan.

¹³ Mi tisokere zin tomtom ma timañga mi tipombol sua pakaamñana pa Setepan. Tiso: “To ti, gorgori iwrri sua sananñana pa Urum Merere potomñana tiñgi mi tutu ki Mose. Izemzem som.

¹⁴ Pa niam amlenj isombe Yesu ki Nasaret, kola ireege urum ti ma isu lene, mi itooro mbulu mi tutu ta Mose ikam piti na tomini.” [◊]

¹⁵ Beso zin peeze kan tau timbutul pa lupñana tana tileñ ta kembei na, timap ma tikor matan pa Setepan. Mi tire ruñguunu na, kembei ta añela i.

7

Sua ki Setepan

¹ To biibi kizin patoronñana kan iwi Setepan ma iso: “Lak, sua ta tiso na, ñonoono?”

Anutu ipet ki Abaraam isu lele pakaana ki Mesopotamia

² Mi Setepan ipekel kwoono ma iso: * “O atoñan mi tamañan, kuñgun talñoyom mi kelenj sua tio ti.

^{◊ 6:11:} Mt 26:59+ ^{◊ 6:14:} Mt 5:17; Mk 14:57+; Yo 2:20+;

Ngo 7:49 ^{*} **7:2:** Sua ki Setepan na, ka uunu ru. Ta na, Zin Yuda tikam ñgar biibi kat pa toono kizin mi urum kizin ta imbot Yerusalem. Tamen Anutu imbot lele tana men som. Lele swoi ta wal kini imbot pa na, na ni imbotmbot raama zin. Mi uunu toro na, ta muñgu mi imar, zin Yuda timbel Anutu kwoono bizin zooronjana.

Munjgu kat, indeeŋe tamanda Abaraam ila itu su kar Aran zen, mi imbotmbot men ta Mesopotamia na, Anutu ta azuŋka katuunu na ila ipet kini,[☆]

³ mi iso pini ta kembei. Iso:

Zem toono ku ramaki wal ku, mi maŋga ma la pa toono tabe aŋso u pa i.[☆]

⁴ “Tana Abaraam izem lele pakaana ki Mesopotamia ta toono kizin Kaldia na, mi ila itu su kar Aran. Tamaana imeete mi kaimer mana, Anutu iso pini mini, to isiri i ma imar lele ta buri tombotmbot pa i.[☆]

⁵ Mi Abaraam, Anutu ikam toono pakaana risa ma iwe lene kat i na som. Tamen imbuksua pini be ikam toono tingi pini mi popoŋana kini tabe tipet pa kaimer i. Nonoono, mazwaana tana, Abaraam ippeebe pikin sa zen. Tamen Anutu ikam sua mbukjana tana pini.[☆]

⁶ Mi Anutu isope i tomini ta kembei:

Kaimer popoŋana ku ko tiwe leembe pa lele toro.

Mi lele tana ka tomtom bizin ko tikam zin ma tiwe len mbesoonjo, mi tiseseeze matan ma irao ndaama 400.[☆]

⁷ Tamen kaimer to nio kola aŋjur kadoono pa toono tana ka tomtom bizin mi aŋpokot mbulu kizin, mi ankam zin popoŋana ku ma tizem lele tana, mi timili ma timar mini be tisuŋ pio isu toono ti.[☆]

⁸ “Mi Anutu iur reeteŋana ma iwe kilalan pa sua ta imbuksua la ki Abaraam na. Tana Abaraam ippeebe Isak mi imbot pa kozolwoono lamata mi tel, to ireeti. To Isak ippeebe Yakop mi ireeti. Mi Yakop ta

[☆] **7:2:** Un 11:31 [☆] **7:3:** Un 12:1 [☆] **7:4:** Un 12:4+ [☆] **7:5:** Un 12:7, 17:8; Ibr 11:13 [☆] **7:6:** Un 15:13+; Kam 12:40 [☆] **7:7:** Kam 3:12

kembena. Ipeebe lutuunu bizin laamuru mi ru na, ireete zin tomini. Mi zin tina ta tiwe undu bizin.[◊]

Anutu imbotmbot raama Yosep isu Aikuptu

9 “Yakop lutuunu bizin tana timbot ma matan mburmbur pa Yosep, to tonjomooni ma ila Aikuptu mi iwe mbesoño su tana. Tamen Anutu imbotmbot raami,[◊]

10 mi itatke i pa patanjana kini ta munjaana men. Mi ikam ñgar ambaiñana pini. Tabe king kizin Aikuptu leleene pini, to iuri ma ikam peeze pa ruumu kini ramaki koron kini ta boozomen mi toono biibi ta Aikuptu a tomini.[◊]

11 “To peteele biibi ipun zin Aikuptu ta boozomen zinjan zin Kanaan ma timbot ñoobo kat. Ikam ma tumbundu bizin tiru kan kini ma mañaanakaala zin.[◊]

12-13 Yakopbi imbotmbot mi ilen kembei kini wit imbot ta Aikuptu a, to isu na ingo lutuunu bizin ma tisula Aikuptu be tingiimi kan kini. Tikam kini makin to, timili ma tila ki taman mini. Ina pai kizin mataana kana. Timbot to tisula mini pa Aikuptu ma iwe ru pa. Indeneje tana, Yosep iswe itunu pizin. Tabe king kizin Aikuptu, ni tomini iute Yosep wal kini.[◊]

14 Tona Yosep iso la pa tamaana mi toono ma tiziini bizin be tiyauyau mi timar kini. Zin wal ta tisula na, zin tomto tel lamoro mata (75).[◊]

15 Tana Yakopbi isula Aikuptu, mi zinjan lutuunu bizin ta timetmeete su ta tinga.[◊]

[◊] **7:8:** Un 17:10+, 35:18 [◊] **7:9:** Un 39:2,21+ [◊] **7:10:** Un 41:37+

[◊] **7:11:** Un 41:54, 42:1+ [◊] **7:12-13:** Un 42:1+, 45:1-16 [◊] **7:14:**

Un 45:9+, 46:26+ [◊] **7:15:** Un 46:1+, 49:33

16 Mi titwi zin isu Aikuptu som. Tikam zin, mi timiili ma tila pa kar Sekem, mi titwi zin sula naala ta Abaraam injiimi la ki Amor lutuunu bizin na.◊

Mose

17 “Tumbundu bizin ta timbot Aikuptu na, timasak ma tiwe boozo kat to, sua mbukjana ta Anutu ikam la ki Abaraam na, ka nol igarau be Anutu ikam ma iur ηonoono.◊

18 To king toro imanja ma ikam peeze pa Aikuptu. Mi ni ikam ηgar pa Yosep som.

19 King tina imanja ma ikam pakaamjana pa tumbundu bizin, mi iseeze kat matan. Mi iur sua mboljana pizin be tikam lutun bizin popoŋjan ta buri tipeebe zin i, mi tizem zin ma timboren bekena timetmeete ma tila len.◊

20 “Indeeŋe gorgor tana na, Mose tipeebi ma isu. Ni pikin kaibiim, mi kampejana ki Anutu imbotmbot se kini. Tuyeete bizin tikam pen pini ma irao puulu tel,◊

21 to tizemi su yok kezeene, mi king lutuunu moori kadoono ikami ma iwe lene, mi ila imborri i.◊

22 Mose itum ma iwe tomtom, mi ikam ηgar kizin Aikuptu ma imap. Mi ni tomtom mburaanaŋjana, mi sua kini tomini mburaanaŋjana.

23 “Imbotmbot ma ndaama kini tomooru, to ikam ηgar be ila ilou zin wal kini Israel.◊

24 Ila to ire tomtom ta ki Aikuptu ipunun sorok tomtom ta ki Israel. Tana iloondo ma ila na ilae ki

◊ **7:16:** Un 23:3+, 33:18+, 50:7+ ◊ **7:17:** Kam 1:7 ◊ **7:19:** Kam 1:9+ ◊ **7:20:** Kam 2:2; Ibr 11:23 ◊ **7:21:** Kam 2:3+ ◊ **7:23:** Kam 2:11+; Ibr 11:24+

Israel tana, mi ipun Aikuptu tana ma kup bekena ipokot mbulu kini.

²⁵ Mi iso ko wal kini tikilaala kembei ni, Anutu ipeikati be ikamke zin pa patajanja kizin. Tamen som.

²⁶ Aigule toro na, Israel ru tiporrou. Mi Mose ila ma ire zin, to itoombo be ipeteke zin mibe ilup lelen. Tana iso pizin ma isombe: ‘Wai, niomru na sa tonjmatizij na! Kaparpun yom ma kembena paso?’[◊]

²⁷ Tamen ni ta namaana imuungu pa malmal na, imanja to ipusuk Mose ma ilae ziljaana mi iso: ‘Nu tina, asinj iuru be we biibi piam mi urpe patajanja tiam?

²⁸ Parei? Nu so pun yo kembei ta neeri kam pa Aikuptu tana na?’

²⁹ Mose ileñ sua tana, to imanja na iko ma ila lele molo ta kizin Midian. Ila iwe leembe isu tana, mi imbot ma iwoolo, mi ipeebe pikin tomooto ru.[◊]

³⁰ “Ndaama tomtooru tomen imap ma ila, mi kaimer to aŋela ta ila ipet kini su lele bilimjana ta imbot igarau abal Sinai na. Imar kembei you mi-aana ta ibilbil lela ke matanmatanjana leleene.[◊]

³¹ Mose mata kunduunu ikam you, mi imurur. To iso ipa ma ila koloujana be ire kat. Som, mi ileñ Merere kaljaana.

³² Isombe:

Ingi nio Anutu ki tumbum bizin tau. Nio Anutu ki Abaraam, Isak, mi Yakop.[◊]

Mose ileñ to motojana biibi ikami, mi iturke mataana.

[◊] **7:26:** Kam 2:13+

[◊] **7:29:** Kam 2:15+

[◊] **7:30:** Kam 3:1+

[◊] **7:32:** Kam 3:6

³³ Mi Merere iso pini mini. Iso: “Kinke kumbum keteene. Pa toono ta nu mendernder pa i, ina potomnjana.

³⁴ Leñ. Nio anjre zin Aikuptu kan tiseeze zin wal tio Israel matan ma timbot ñoobo kat. Tinjiizi kizin anjen kek. Mi patañana kizin, nio anjute ma imap. Tanata ingi aŋsu be aŋtatke zin la zin Aikuptu naman. Mi nu mar. Pa nio aŋscombe aŋgo u be miili ma la pa Aikuptu.”[☆]

Zooronjana kizin Israel burinjana som. Ta muŋgu mi imar

³⁵ “Ina Mose tina, ta muŋgu lelen pini som mi tisombe: ‘Nu tina, asinj iuru be we biibi piām mi urpe patanjana tiām?’ Mi tomtom tamen ta tina, ta Merere itunu īŋgo aŋela ma ila ipet kini su lele bilimnjana, mi iuri be ikam peeze pizin Israel, mibe iwe tun.

³⁶ Mi ni tina, ta ikam zin ma tizem Aikuptu, mi itortoro uraata bibip mi mos boozomen isu Aikuptu, mi Tai Siŋsiŋjana, mi lele bilimnjana ma irao ndaama tomtoro.[☆]

³⁷ Mi ni tina, ta iso pizin Israel ma iso:
Kaimer, Anutu ko iur tomtom tiom sa be iwe kwoono kembei ta nio i.[☆]

³⁸ “Mose ziŋan tumbundu bizin, ta tiwe lupŋana ki Anutu isu lele bilimnjana na. Mi ni ziru aŋela, ta tizzo sua sala abal Sinai na, mi ikam sua mata yaryaaranjana mi iso zin Israel pa, ta imar imar ma iti takamam i.[☆]

[☆] **7:34:** Kam 3:5+ [☆] **7:36:** Kam 7:11,14-17; Mbo 105:27 [☆] **7:37:**
Lo 18:15; Ngo 3:22 [☆] **7:38:** Kam 19:1-20:17

39 “Tamen tumbundu bizin lelen be tileŋ la Mose kalŋaana som. Titit sua kini, mi lelen be timili pa Aikuptu.

40 To tisu mi tiso pa Aron. Tiso:
Urpe lende merere pakan be timuŋgu piti, mi tiso iti pa zaala. Pa tizim Mose ta ikam ti ma tezem Aikuptu ma tamar taingi na, amkankaana pini. Ko kosa sa ikami ma ila ne kek.◊

41 “To timanja na tiurpe merere pakaamjana ma runguunu kembei ta makau lutuunu. Mi tiyyo zin koron ma tikam patoronnjana be tipakur koron tau zitun tiurpe pa naman na, mi menmeen zin pa.◊

42 Tana kaimer Anutu ipizil ndemeene pizin, mi izem zin ma timbeeze pa pitik ma puulu ramaki koron boozomen ta timbot saamba na irao zitun lelen ma ḥgar kizin. Ka sua imbot la sua ta munju Merere kwoono bizin tibeede na. Isombe:

O niom Israel, ndaama tomtooru ta kawwa isu lele bilimjana mi kakamam zin mbili ma koron pa patoronnjana na, kakam sa pio? Som.◊

43 Pa leleyom imbot molo pio. Tanata kuurpe merere pakaamjana Molok muriini, mi kiziŋzij ramaki merere pakaamjana Repan ta pitik i kunuunu.

Ina merere tiom tina ta ituyom kuurpe bekena kelek kumbuyom pizin.

Tana ingi ko aŋmaŋga piom, mi aŋziiri yom ma kala kewe paŋaeŋae sorok pa lele molo ta imbot Babilon mbuleene kat.

Munju zin Israel len urum ḥonoono sa som

◊ **7:40:** Kam 32:1+, 32:23 ◊ **7:41:** Mbo 106:19 ◊ **7:42:** Mbo 81:12; Yer 19:13

44 “Indeeŋe tau tumbundu bizin tiwwa isu lele bilimjana na, tiwwa raama beeze potomjana ta iswe kembei Merere, ni imbotmbot raama zin. Beeze tana, Merere itunu ipatooŋo Mose pa, mi kwoono imbol pini be ito ka mos ta ire sala abal na mi ipo kat.◊

45 Tumbundu bizin tiziŋziŋ beeze tana ma tila, to kadoono isu ki lutun bizin. Tila tipet toono Kanaan to, Anutu iziiri ka tomtom bizin ma tila len, mi Yosua ikam zin Israel ma tila tikam len. Mi beeze tana imbot imbot ma indeeŋe gorgor tau king Dabit ikamam peeze pizin Israel na.◊

46 Dabit, Anutu leleene pini. Tana imanya to iwi ten Anutu ki Yakop. Beso iyok, to iurpe le muriini sa be imbotmbot pa.◊

47 Tamen ni itunu ipo urum sa som. Lutuunu Salumo ta ipo.◊

48 “Tamen Anutu kor kana kat, ni imbotmbot lela ruumu tau tomtom tiwoo pa naman i som. Pa Anutu kwoono ta iso ta kembei.◊

49 Merere iso: Saamba, ina nio murinj peeze kana. Mi toono, ina kumbuj muriini.

Mi ruumu sojana ta koso kopo pio i?

Som leŋ lele tau be aŋmbormboorenj pa i iŋgoi?◊

50 Som. Pa koronj ta munjaana men tiŋgi, nio itunj ta aŋjur zin.”

51 To Setepan iso pizin wal ta tipamenderi na ta kembei. Iso: “Niom tina kapa kat ki tumbuyom

◊ **7:44:** Kam 25:9,40, 26:30; Ibr 8:5 ◊ **7:45:** Yos 3:14+, 18:1, 23:9

◊ **7:46:** 2Sam 7:1+; Mbo 132:1+ ◊ **7:47:** 1Kin 6:1+ ◊ **7:48:** Ngo

17:24 ◊ **7:49:** Yesa 66:1+; Mt 5:34+

bizin. Pa niom zorzooronjoyom, mi ḡgar tiom imbol kat. Reetenjana ḡnoono ta ki lelende i, na niom kuute risa som. Pa motoyom munjjoyom, mi talnjoyom pampamnjoyom kembei zin wal ta tiute Anutu som i. Gorgori kozorzooro Bubuŋana Potomŋana.⁵²

⁵² Kere. Anutu kwoono bizin ta boozomen, tumbuyom bizin tizem tasa? Som. Anutu kwoono bizin ta muŋgu tisoyaara sua pa Tomtom Ndeenjeŋana tabe imar na, tipun zin ma timap. Beso itunu imar na, ta kembena. Niom kusu kuuri la ka koi bizin naman, mi kupuni ma imeete.⁵³

⁵³ ḡnoono. Tutu ta aŋela tiwe zaala pa ma isu na, niom kakam kek. Tamen koto som.”⁵⁴

Tipun Setepan ma imeete

⁵⁴ Tileŋ sua tana, to ipas kat keten mi tikarut zurun pini.

⁵⁵ Tamen Setepan, ni Bubuŋana Potomŋana izeebe kati, mi mataana sala saamba to, ire Anutu azuŋka kini biibi, mi ire Yesu imendernder la Tamaana namaana woono.⁵⁵

⁵⁶ To iso: “Kere. Nio aŋre saamba ikaaga, mi Tomtom Lutuunu, ni imendernder la Anutu namaana woono!”⁵⁶

⁵⁷ Aa, ingi tileŋ sua koronjana ri tingi, tabe ororo biibi isala, mi tizeeze talŋan, mi borok ma tila.

⁵⁸ To tiyaaru tataati ma tila mi tizem kar na, tikor naman pini pa pat. Mi zin wal ta tipombol sua pakaamŋana pa Setepan na, tizun mburu kizin

⁵² **7:51:** Kam 32:9; Lo 10:16; Yesa 63:10; Ro 2:28+ ⁵³ **7:52:** Mt 23:31+; Lu 13:34; 1Tes 2:15 ⁵⁴ **7:53:** Kam 20:1; Ngø 7:38; Ga 3:19; Ibr 2:2 ⁵⁵ **7:55:** Mk 16:19; Lu 22:69 ⁵⁶ **7:56:** Mbo 110:1; Ro 8:34; Kol 3:1; Ibr 12:2

mat kana, mi tila tindou su naŋgaŋ kaibiim ta kumbuunu uunu. Zaana Saul.[☆]

⁵⁹ Pat ito top zalla Setepan ŋwaana, mi ni isunj. Iso: “O Merere Yesu, kam kunuj.”[☆]

⁶⁰ To iŋgun kumbuunu, mi kalŋaana biibi ma iso: “O Merere, sanaana tau tikam pio i, na pokot pepe. Regee pizin.” Iso ta kembei, mi itop su ma kup.[☆]

8

Saul iseeze zin urlaŋjana kan matan

¹ Saul, ni imbot mi ire meeteŋjana ki Setepan na, iyok pa men tau.

Mi indeeŋe aigule tana na, timaŋga be tikam malmal tau musaana som pa lupŋjana ki Krisi ta imbot Yerusalem a. Tiseeze kat matan, tabe tiko papirik lup ma tilala pa Yudea ma Samaria ma. Mi zin ŋgonjana men ta timbotmbot Yerusalem.[☆]

² Mi Setepan na, wal pakana titoto Anutu mbulu kini na, titwi i. Mi timbel tiŋiizi pini.

³ Mi Saul, ni imaŋga pa lupŋjana ki Krisi, mi isombe ipambiriizi zin ma timap kat. Tana isinin zin ruumu, mi iyaaru tataata zin tomooto ma moori ma ilala iurur zin lela ruumu sanaana.[☆]

Pilip ikam uraata isu Samaria

⁴ Zin tau tiko papirikŋjan i, na tiwwa mi tizzo-yaryaara uruunu ambainjana pizin tomtom isu kar ta boozomen ta tila pa i.

⁵ Tana Pilip ta kembena, ni isula pa kar biibi ki Samaria, mi izzoyaryaara Krisi uruunu isu tana.[☆]

^{☆ 7:58:} Ngo 22:20; Ibr 11:37 ^{☆ 7:59:} Mbo 31:5; Lu 23:46 ^{☆ 7:60:}

Mt 5:44; Lu 23:34 ^{☆ 8:1:} Ngo 1:8, 11:19 ^{☆ 8:3:} 1Kor 15:9; Ga 1:13,23; Pil 3:6; 1Tim 1:13 ^{☆ 8:5:} Ngo 6:5, 21:8

6 Iwal biibi tilenj sua ta ni izzo, mi tire mos ta itortooro, to timap tingun taljan pini.

7 Pa bubuñana sananjan tinjarakrak mi tiyotyooto pizin tomtom boozomen. Mi wal kaamañan ma narapenjan boozomen, ta ni iurpe zin ma nin ambai lup.[◊]

8 Tana zin tomtom ki kar tana menmeen zin biibi kat.

Simon ta tomtom ki naborou

9 Kar tana, tomtom ta imbotmbot. Zaana Simon. Mi ni ikamam naborou. Tabe zin Samaria kan tire i ma kwon itaanda pini. Mi ni ipakurkur itunu ma kembei ta ni tomtom biibi sa.[◊]

10 Ikam ma zin tomtom ta boozomen timokor kor la kini. Wal zanjan mi zin sorrokjan tomini. Mi tizzo ta kembei. Tiso: “Wai, to ti, ni mburaana kembei Anutu itunu. Ko ikam Anutu runguunu ma ingi?”

11 Mi naborou kini ta gorgori ikamam na, tomtom tire ma kwon itaanda pa. Tana tizemzemi som.

12 Tamen Pilip izzoyaryaara sua pa uruunu ambañana, mi Anutu peeze kini, mi Yesu Krisi zaana, to tomtom tiurla mi tikamam yok. Zin tomooto mi moori tomini.[◊]

13 Mi Simon tomimi, iurla mi ikam yok. Indeeje tana mi ila na, izemzem Pilip risa som kat. Itoto i ila kena. Itoto i ila kena. Pa Pilip itortooro uraata bibip ma koron boozo. Tabe Simon irre ma kwoono itaanda.

14 Beso zin ñgonjana ta timbotmbot Yerusalem na, tilenj kar Samaria uruunu kembei tikan la

[◊] **8:7:** Mk 16:17+ [◊] **8:9:** Ngó 13:6+ [◊] **8:12:** Ngó 2:38

Anutu sua kini kek, to tinggo Petrus ziru Yoan ma tisula be tire zin.

¹⁵ Ziru tisula ma tipet, to tisun̄ pa Anutu be ikam Bubuñana Potomñana pizin wal popoñjan ta tiurla.

¹⁶ Pa tomtom kizin sa ikam Bubuñana Potomñana zen. Tikam yok men pa Merere Yesu zaana bekena tiwe lene.

¹⁷ Tana Petrus ziru Yoan tiur naman isalakaala zin, mi tikam Bubuñana Potomñana.◊

¹⁸ Simon ta tomtom ki naborou na, ire zin̄ ngonjana naman izalakalkaala zin tomtom mi tikamam Bubuñana, to iur sorok pat ila kizin mi iso:

¹⁹ “Aiss, nio ti aŋso aŋgiimi mburoyom tina. Beso tomtom sa imar mi nomoñ isalakaali, tonabe ikam Bubuñana Potomñana.”

²⁰ Tabé Petrus imaŋga na iso pini. Iso: “Wai Simon, koron̄ ta Anutu itunu leleene mi ikam piti sorok, ta nu su mini ma sombe ḡiimi pa pat? Na nu ko la lem raama pat silba ku tana.”◊

²¹ Nu tina, itiŋjan temender pa uraata tingi som. Pa lelem mi ḡagar ku indeeŋe pa Anutu mataana som.◊

²² Tana tooro lelem, zem ḡagar ku sananjana tina, mi toombo ten ma sun̄ pa Merere. Mi re. Ko iriege sanaana ku, o som?

²³ Pa nio aŋre u kembei lelem bok pa mbulu ki motom berber, mi sanaana ikis katu kek.”◊

²⁴ To ḡagar ki Simon ipet, mi isu na iso: “Wai, kena niomru kusun̄ pa Merere pio. Kokena sua tiom tana iur ḡonoono pio.”

◊ **8:17:** Ngo 2:4, 19:1+ ◊ **8:20:** Mt 10:8; Ngo 2:38 ◊ **8:21:** Mbo 78:37; Ep 5:5 ◊ **8:23:** 1Tim 6:9; Ibr 12:15

25 Petrus ziru Yoan tipombol sua ki Merere mi tiso zin Samaria kan pa makinj, to timiili ma tisala mini Yerusalem. Ziru tiwwa ma tila na, tikamam uruunu ambaijana pizin kar pakan ki Samaria ta timbot zaala zilŋanzilŋan. Ta kembei, mi tila tuŋ la Yerusalem.

Pilip ikam uruunu ambaijana pa biibi ta imar pa lele pakaana ki Etiopia

26 To Merere aŋela kini ta, ipet ki Pilip mi iso: “Maŋga ma sala pa Yerusalem. Tona to zaala ta ipa pa lele bilimjana ma isula pa kar Gaza na.”

27 Pilip ilen sua ti, to imanġa pa pai. Ila zaala lwoono na, ise ki tomtom ta, ni imar pa lele pakaana ki Etiopia. * Mi tomtom tana, ni zaana biibi. Imborro pat mi koron zannjan ki Kandake, ni moori ta imborro lele pakaana ki Etiopia na. †‡

28 Tomtom tana isala pa Yerusalem pa sunjana, mi sunjana tana imap. Tana ni mbuleene sala karis kini, mi iŋgi be imiili mini pa kar kini i. Karis ikowo, mi ni iwatwaata sua ta muŋgu Anutu kwoono Yesaya ibeede na.

29 Pilip ise kini, to Bubuŋana iso pini. Iso: “Koŋuru karis tinga ma la kolouŋana.”

30 To Pilip iloondo ma ila karis uunu. Ila na, ilen tomtom tana iwatwaata ro ta Yesaya ibeede na.

* **8:27:** Etiopia, ina lele pakaana ta ki Aprika. Mi imbot molo kat pa Yerusalem. † **8:27:** Tomtom tina, tipal lembeene ma isu. Pa mazwaana tana tikamam mbulu ta kembei pizin tomooto ta tikamam uraata pa king ma kwin. Kokena timbuulu moori kizin sa. Buk Lo 23:1 iso wal ta kembei irao tigaaba Anutu wal kini pa sunjana kizin som. Tamen sua ti iswe kembei Anutu iyok pizin wal ta kembei raraate kembei ta wal pakan. ‡ **8:27:** Mbo 68:31, 87:4

Tana Pilip iwi lae pini. Iso: “Ai, sua ta watwaata na, ute ka uunu?”

³¹ Mi ni ipekel kwoono ma iso: “Wai, aŋute ko aŋute be parei? Bela tomtom sa iso yo pa.” To iso pa Pilip ma isala kini ta karis a.

³² Mi sua lwoono ta tomtom tana iwatwaata na, iso ta kembei:

Ni kembei sipsip ta tikami be tipuni.

Mi imaane kembei sipsip lutuunu ta iur niini mi tipup rumuunu na.

Pa iso sua sa som.

³³ Ni, tipasomi mi tipamenderi.

Mbulu ta tikam pini na, indeeŋe som.

Mi ni le tomtom sa be imender pini som.

Asiŋ ko ipit mbol pa popoŋjana kini? Som.

Pa swoono ko imap karau men.”[☆]

³⁴ Tana biibi kizin Etiopia isu to iwi lae pa Pilip. Iso: “A, nu so yo lak. Sua tingi, Anutu kwoono tana iso pa itunu, som iso pa tomtom toro sa?”

³⁵ Tona Pilip kwoono ila pa sua tana, mi iso seeŋge ma ila, mi izzo i pa uruunu ambaiŋjana ki Yesu. [

³⁶ Tilala ma tindeeŋe yok ta, to biibi tana isu na iso: “Mi parei pio? Irao aŋkam yok? Pa yok ta, ta tamar i.”[☆]

³⁷ Pilip ipekel kwoono ma iso: “Nu sombe ur lelem imap ila ki Merere, ina ta tina. Rao kam yok.” Ni ipekel kwoono ma iso: “E, nio aŋurla. Yesu Krisi, ni Anutu lutuunu.”]

³⁸ To ikam ma karis imender ma imbot, mi ziru Pilip tisula yok ma Pilip ikam yok pini.

[☆] **8:33:** Yesa 53:7+ [☆] **8:36:** Njo 2:38, 10:47

39-40 Ziru tizem yok ma tise, to biibi tana ire Pilip mini som. Pa Merere Bubuñana, ta iwiti ma ila iuri su kar Asdot. Tana Pilip iwwa pa kar ta boozomen ki lele pakaana tana, mi izzo uruunu ambaiñana pizin ma ila ipet kar Sisarea. Mi biibi tana, ni imiili ma ila kar kini raama menmeen i biibi kat.◊

9

Yesu itooro Saul (Ngo 22:3-16, 26:9-18)

1-2 Indeeñe mazwaana tana, ñgar sananñana izebzeebe men Saul, mi ni ikamam sua pamotoñana pizin wal ta titoto Merere na. Pa isombe ipun zin ma timetmeete lup. Imbot ma som, mi ikam ñgar. Iso: “O, nio ko aŋla kar Damaskus tomini. Beso aŋdeeñe tomtom pakan ta titoto zaala ki Yesu isu tana, to aŋyo zin ma timar ta Yerusalem i.” Tana ila ma ire biibi kizin patoronnjana kan, mi iwi i be ibeede sua yokñana pini. To ikam ma ila be lupñana kizin Yuda ta timbot kar Damaskus na tire. Naso zaana imbot mat pa uraata kini.

3 Saul imbel pai. Ila ila ma igarau kar Damaskus na, azunka tau imbot saamba mi ikelyaara su pini ma kembei ta lele ikimit i.

4 Tabé itop su toono, mi ileñ sua ta kembei: “Saul, Saul, parei ta nu noknok motoñ seezenjana?”

5 Saul ipekel ma iso: “O biibi, nu asin?” To pekelñana imar. Iso: “Ingi nio Yesu ta nu seseeze motoñ na.◊

6 Maŋga ta buri mi lela kar, to leñ sua pa mbulu tabe kam i.”

◊ **8:39-40:** Ngo 21:8 ◊ **9:5:** 1Kor 15:8

⁷ Mi zin wal ta zinjan Saul tiwwa na, len sua som. Timbot mi tire men. Pa tileñleñ sua ta imarmar, mi tire tomtom sa som.

⁸ Saul burup ma imañga na, irao ire lele som. To titeegi mi tilela kar Damaskus.

⁹ Ni mataana ipis ma imbot pa aigule tel. Mi mazwaana tana, ikan kini sa som, iwin yok sa som.

¹⁰ Kar Damaskus na, tomtom ta tau itoto Yesu i, ni imbotmbot. Zaana Ananias. Ni ikeenetondo, mi ileñ Merere iso sua pini ma iso: “Ananias o!” Ananias iso: “Oi Merere, nio añbotmbot i!”

¹¹ To Merere iso pini. Iso: “Manja mi la pa zaala ta tipaata tisombe Zalñjana na. La to, lela ruumu ki Yudas mi wi pa tomtom ta ki kar Tasus, zaana Saul. Pa izuñzun a.

¹² Inga ikeenetondo u, mi ire u pa ma la kini mi nomom isalakaali, to mataana ikam pak mini.”

¹³ To Ananias iso: “Mi Merere, tomtom tina, wal boozo tiso uruunu ma añlen kek. Wal ku potomñjan ta timbot Yerusalem a, ni ikamam mbulu sananñjan boozomen pizin. [✳]

¹⁴ Mi zin bibip kizin patoronnjana kan tiuri ma zaana be ikam mbulu raraate men pizin wal tau tizuñzun pa nu zom isu kar ti tomini.”

¹⁵ Tamen Merere iso pini ma iso: “Soom. La. Pa tomtom tana, nio itun añpeikati be ikam uraata tio, mibe iswe zoñ ila ki zin wal ta Yuda somñjan i, mi zin king, mi zin Israel matan tomini. [✳]

¹⁶ Mi patañana tabe ibaada pa nio zoñ kana, ina nio itun ko añso i pa.” [✳]

[✳] **9:13:** Ngo 8:3 [✳] **9:15:** Ngo 26:16+; Ro 1:5; Ga 1:15+; 1Tim 1:12

[✳] **9:16:** Lu 21:12+; Ngo 20:23; 2Kor 6:4+, 11:23+; 2Tim 2:9

17 To Ananias ila mi kaŋkaŋ ma ilela ruumu ki Yudas. Ilela na, iur namaana ru isala Saul ḥwaana, mi isombe: “O tiziŋ Saul, Merere Yesu, ta nu mar pa zaala mi ni ipet ku na, ni isombe nu re lele mini mi Bubunjana Potomjana izeebu. Tanata ingo yo ma arŋmar i.”

18 Molo som na, koroŋ ta ipakaala Saul mataana na, ikam pok mi itop su. To ire lele mini. Mi isu na ikam yok pataaŋa. [⊗]

19 Kaimer ma ikan kini, to mburaana imiili mini. To ziŋan zin wal ki kar Damaskus ta titoto Yesu i, timbot su Damaskus pa aigule pakan.

Saul imanya pa sua soyaaraŋana isu Damaskus

20 Saul inamnaama som. Imaŋga pataaŋa na ilelala lupŋana murin kizin Yuda, mi izzoyaryaara sua ta kembei: Yesu, ni Anutu Lutuunu.

21 Tabe zin wal tau tilen i na, timap timurur pini. To tisu mi tiso ta kembei: “Wai, to ta koroŋ mi ikamyaryaara zin wal ta tizuŋzuŋ pa Yesu zaana isu Yerusalem, ta ingi isu mi iso mini kembei? Iti toso ko imar be iyo zin wal ki kar tingi ta titoto Yesu i, ma tila kizin bibip kizin patoronjana kan ta Yerusalem a.” [⊗]

22 Anutu ipombolbol Saul ma sua kini mburaanaŋana kat. Tabe ikam ma zin Yuda ta timbotmbot Damaskus mi tileni na, tiru zalan pa sua. Pa izzo pa sua muŋguŋana ta iur ḥonoono ise ki Yesu. Tana sua kini iswe kat ta kembei: Yesu, ni Mesia. [⊗]

23 Zin Yuda timbot ma aigule boozomen ilae, to tisu mi timbuuru kana.

[⊗] **9:18:** Ng 2:38 [⊗] **9:21:** Ng 9:2+; Ga 1:23 [⊗] **9:22:** Ng 5:42, 17:3, 18:5

24 Mbenj ma aigule tizaŋzaŋi su ta zaala kwoono. Beso tire i, to tipuni ma imeete. Tamen tingal Saul talŋaana pa kiizi kizin tana,

25 mi mbenj ta na, wal pakan ta titoto Yesu i, tiuri sula tiigi, mi tipabeleu i pa siiri ndemeene, mi titu i ma isula. *

Saul ila Yerusalem

26 To Saul iko ma ila pa Yerusalem. Ila ipet to, isombe igaaba zin wal tau titoto Yesu i. Mi zin tiurla kembei ni itoori ma iwe Yesu lene i na som. Tana timoto i lup. *

27 Tamen Panabas, ni iwe zaala pini. Ikami ma ila kizin ḡoŋjana, mi iso zin pa mbulu ta pet pa Saul na. Iso: ‘Saul ila ma Merere ipet kini isu zaala lwoono, mi iso sua pini. To Saul iła Damaskus, mi imender mbolŋana, mi ikam sua pizin tomtom pa Yesu zaana. Imoto som.’ *

28 Tileŋ sua tana, to lelen ambai pa Saul, mi ni igabgaaba zin ma ziŋjan timbotmbot ta Yerusalem. Mi ni imender mbolŋana kat, mi iwwa pa Yerusalem, mi ikamam sua pizin tomtom pa Yesu zaana.

29 Ni ziŋjan zin Yuda ta tizzo Grik kalŋan i tiparzorzooro pa sua, to timanja na tiso tikam be tipuni ma imeete.

30 Tamen zin toŋmatizij ki Krisi tileŋ sua tana, to tikami ma tisula kar Sisarea, to tiuri ma ila lene pa kar kini Tasus.

31 Tona lupŋana ki Krisi ta timbot irao lele pakaana ki Yudea, Galilea, mi Samaria na, timbot ambai. Kosa sa imbuulu zin mini som. Mi

* **9:25:** 2Kor 11:32+ * **9:26:** Ga 1:17+ * **9:27:** Ngo 4:36;
1Kor 9:1, 15:8

Bubuŋana Potomŋana ipombolmbol zin, mi timoto Merere mi titoto mbulu kini. Tana timasak-sak ma tiwe boozo. ◊

Petrus iurpe tomtom narapenjana ta isu kar Lidda

³² Petrus, ni izzu ma izze pa lele ta boozomen. Aigule ta na, isula kar Lidda be ilou Anutu wal kini potomŋan ta timbot tana.

³³ Ila ipet na, indeeŋe tomtom narapenjana ta, zaana Aineas. Ni ra, imbel keeneŋana. Pa ikeene pa ndaama lamata mi tel kek.

³⁴ Petrus ila ire i, to iso pini. Iso: “Aineas, Yesu Krisi iurpe u ma nim ndabok. Manja mi lek murim.” Iso ta kembei mi Aineas burup ma imaŋga pataaŋa. ◊

³⁵ Zin Lidda kan mi Saron kan ta munŋaana men na, tire i, to titooro lelen mi tiurla ki Merere.

Petrus ipei moori ta ma imaŋga mini isu kar Yoppa

³⁶ Kar Yoppa na, moori ta itoto Yesu i imbotmbot, zaana Tapita. (Tipaata pisis tana ila Grik kalŋan, tisombe Dorkas.) Ni ikamam uraata ambaimbaiŋan boozomen mi iuluulu zin wal tau timbot ŋoobo pa kan kini ma len mburu ma. Tana welu kini ambaiŋana kat. ◊

³⁷ Indeeŋe mazwaana tana, ni mete ikami ma imeete. Tana tiurpe i, mi tiuri sala ruumu leleene ta imbot kor na ma imbotmbot.

³⁸ Kar Lidda mi Yoppa na, tipargarau zin. Tana zin wal ta titoto Yesu i tileŋ kembei Petrus imar

◊ **9:31:** Ngo 2:41+, 4:32+ ◊ **9:34:** Ngo 3:6, 14:8+, 28:8+; Yems 5:14+ ◊ **9:36:** 1Tim 2:10, 5:10; Tit 3:8

imbotmbot Lidda, to tiŋgo wal ru ma tila, mi tisotaari pa mooribi tau. Tiso: “Aiss Petrus, niam leyam pataŋana ta, ta amar i. Parei? Ko irao mar ma itinjan tala ta buri?”

³⁹ To ziŋjan Petrus tila. Tipet kar na, tikam Petrus ma isala ruumu leleene ta imbot kor na. Per sala na, zin noroŋa ra, tila ma tiliu i. Mi titanțaŋ, mi tiso i pa mburu ta Tapitabi imbotmbot mata yaryaara mi ikamam pizin na.

⁴⁰ Petrus isu na iser zin wal ta timbot ruumu leleene na, ma tiyooto lup. Tiyooto makin na, ingun kumbu mbukuunu mi isuŋ. To itoori ma kereene ila ki uri mi iso pini. Iso: “Tapita, maŋga!”
◊

Molo som na, moori mataana ikam pak, mi ire Petrus. To imaŋga mi mbuleene su.

⁴¹ Petrus iteege su pa namaana mi iwiti ma imaŋga imender, to iboobo zin noroŋa mi Anutu wal kini ma timar na, tire Tapita mataana iyaara mini ma imbotmbot.

⁴² Uraata ti uruuunu irak ma irao kar biibi Yoppa. Tabe tomtom boozo tiurla ki Merere.

⁴³ Mi Petrus, ni izem kar Yoppa loŋa som. Ila ki Simon tau ikamam uraata pa buzur kulin na, ma ziru timbot pa mazwaana ri.

10

Konili iso la pa Petrus be imar

¹ Kar Sisarea na, tomtom ta imbotmbot, zaana Konili. Ni biibi ta kizin malmal kan ta timar pa toono Itali na. Imborro tomtom tomto lamata.

◊ **9:40:** Mk 5:41+; Lu 7:14; Yo 11:43+; Ngo 20:9+

² Mi ni Yuda som. Tamen zinjan wal boozomen ta timbot ruumu kini na, timototo Anutu mi titoto mbulu kini, mi tigabgaaba zin Yuda pa sunjana kizin. Mi ni ikamam sorok koronj boozo pizin Yuda ta timbot nqobo i. Mi ni tomtom ki izunjuŋ pa Anutu totomen.

³ Aigule ta na, zoŋ mataana ikam kembei tel, mi ni ikeenetondo. Mi ire kat aŋela ki Anutu ta imar kini mi iboobi. Iso: “Konili o!”

⁴ Konili igeedi mi imoto. Imbot ma som mi iso: “Biibi, parei?”

Mi aŋela iso pini. Iso: “Sunjana ku ramaki mbulu ku ambainjana ta uluulu zin sorrokŋan i, na Anutu ire kek. Mi mataana iŋgalŋal mi leleene ambai pa kembei ta patoronŋana ambainjana.”[☆]

⁵ Kar Yoppa na, tomtom ta imbotmbot, zaana Simon Petrus. Ngo wal pakan ma tila kini be tikami.

⁶ Imbotmbot ki Simon toro ta ikamam uraata pa buzur kulin na. Ruuumu kini imbot ta tai a.”[☆]

⁷ Aŋela iso sua tana makinj, to izemi mi ila lene. To Konili iboobo mbesooŋo kini ru ta tikamam uraata pa ruumu kini na, mi tomtom kini malmal kana ta tau imbesmbeeze pini. Tomtom tana, ni tommini itoto mbulu ki Anutu.

⁸ Konili iso zin pa mbulu boozomen ta ipet na makinj, mana iŋgo zin ma tila pa kar Yoppa.

Petrus ikeenetondo (Ngo 11:5-14)

⁹ Aigule toro, zoŋ mataana ikam kembei palakutu na, zin tel tana tiwwa ma tigarau kar Yoppa.

[☆] **10:4:** Tur 8:4 [☆] **10:6:** Ngo 9:36

Indeeñe tana, Petrus isala pa pooto ta imbot ru-
umu uteene na be isuŋ.

¹⁰ Imbotmbot ma peteli, to iso ikan ka kini. Tika-
mam uraata pa ka kini, mi ni isu na ikeenetondo.

¹¹ Mataana isala na, ire saamba ikaaga mi koron
kembei ta kawaala biibi i, timbuk tumbuntumbun
paŋ, mi titu ma isu.

¹² Mi buzur matakija ta tisula kawaala tana.
Kar kan, su kan, koroŋ karrajan, mi zin man ta
tirrie sala maŋaanaŋana na.

¹³ Molo som na, ileŋ sua ta kembei: “Petrus,
maŋga, pun zin mi kan.”

¹⁴ Mi Petrus iso: “E-e Merere, irao aŋkan na som
kat. Pa muŋgu muŋgu mi imar na, kwoŋ iteege
koron sa ta kembei pasa zen. Koron pakon tina
ambai pa kanŋana som. Pa tutu inŋalsek pa.”[◊]

¹⁵ To ileŋ sua mini ma iwe ru pa. Iso: “Koron
ta Anutu itunu ikam ma iwe ŋgeezeŋana na, nu re
kembei sananŋana pepe.”[◊]

¹⁶ Iso ta kembei pa tel, mi kawaala imili ma
isala mini pa saamba.

¹⁷ Petrus imaŋga ma ikamam ŋgar boozo pa
koron ta ire na, mi tomtom tel ta Konili ingo zin na,
timar mi tinddeeñe Simon ruumu kini ma timender
su kataama kwoono.

¹⁸ To tiwi ma tiso: “Simon ta zaana toro Petrus
na, imbotmbot, som som?”

¹⁹ Petrus ikamam ŋgar pa koron ta ire na, mi
Bubuŋana iso pini. Iso: “Simon, tomtom tel tiru u
a.

[◊] **10:14:** Wkp 11:1+ [◊] **10:15:** Mk 7:14+; Ro 14:14-20; 1Tim 4:3+

²⁰ Maŋga ma sula re zin. Mi lelem iwe ru pepe. La gaaba zin ma niomŋan kala. Pa iŋga nio aŋgo zin ta timar na.”

²¹ Tana Petrus isula kizin to iso: “Nio ta ituŋ ti. Mi parei ta kamar kuru yo?”

²² To tiso: “Konili ta imborro zin malmal kan tomto lamata i, ni iŋgo yam ta amar i. Ni tomtom ndeeŋenjana, mi imototo Anutu mi itoto mbulu kini. Tana Yuda ta boozomen timap tiwidit urunu. Neeri ɣonoono, ni ikeenetondo mi ire aŋela potomŋana ta ipet kini. Mi iso pini be iboobu ma la ruumu kini, mi kam sua pakana pini ma ileŋ.”

²³ Petrus imaŋga na ikam zin ma tilela pa ruumu tau ni imbotmbot pa i.

Petrus ila ki Konili

Tikeene ma aigule toro to, ziŋjan Petrus timaŋga ma tila. Mi zin toŋmatizin pakana ki kar Yoppa i tomini tigaaba zin.

²⁴ Tiwwa ma tila ma aigule toro to tipet Sisarea. Mi Konili, ni iyogege zin wal kini mi waene bixin pakana tomini, mi ziŋjan tinamnaama zin ma timbotmbot.

²⁵ Petrus ila mabe iloondo pa ruumu, mi Konili ila to itop su kumbuunu uunu bekena ipakuri.

²⁶ Tamen Petrus ipeteke i ma iso: “Wa, kam kembenia paso? Maŋga! Pa nio iŋgi tomtom raraate kembei ta nu na.” To iwiti ma imaŋga.◊

²⁷ Ziru tizzo sua ma tilela na, Petrus mataana pokpok pizin iwal biibi ta tilup zin ma timbotmbot.

²⁸ To iso pizin. Iso: “Ou, niom kuute lup kek. Niam Yuda, tutu tiam imender ta kembei. Zin

◊ ^{10:26:} Ng 14:15; Tur 19:10, 22:8+

wal ta Yuda somjan i na, irao amgaaba zin som, amgarau zin som. Tamen Anutu, ni iso yo kek ta kembei: Irao aŋjur ḥgalseki pa tomtom sa na som. Mi irao aŋso tomtom sa, ni sananjanana pa Anutu mataana na som.[☆]

²⁹ Tana sua tiom ila, mi ingi aŋmar i. Aŋkam zoorojana som. Lak, parei?”

³⁰ Konili iso: “Wai! Mi nio ti, uriza, zoŋ mataana ikam tel kembei ta buri na, aŋzunzuŋ su ruumu tio ti. Mi molo som na, aŋre tomtom ta. Mburu kini milmiljana. Imar imender su kereŋ uunu mi iso:

³¹ ‘Konili o, suŋjana ku, Anutu ileŋ kek. Mi mbulu ku ambainjana ta uluulu zin sorrokjan na, ni mataana inŋalŋgal.[☆]

³² Tana ḥgo wal pakan ma tila kar Yoppa be tikam Simon ta zaana toro Petrus na. Imbotmbot ki Simon toro ta ikamam uraata pa buzur kulin na. Ruumu kini imbotmbot ta tai a.’

³³ Tanata aŋgo zin tomtom ma tima ku karau men. Ma ingi mar ma ambai kat. Mi niam munŋoyam ta amar amlup yam su taingi pa Anutu mataana. Tana sua ta munŋaana men tau Merere iur ma ku be kam piامن na, so ma amleŋ.”

Zaala ikaaga pizin wal ta Yuda somjan i

³⁴ To Petrus imanya mi iso: “Oo, buri na, ḥgar tio ipet mi aŋkilaala i. Nonoono kat. Merere, ni iur leleene pizin wal pakan, mi wal pakan som na som.[☆]

³⁵ Ni iur leleene pizin wal ta boozomen. Tana tomtom ta sombe imoto i, mi ikamam mbulu ta

^{☆ 10:28:} ḥgo 15:8+; Ep 2:11+ ^{☆ 10:31:} 1Kor 15:58; Ibr 6:10

^{☆ 10:34:} Mt 16:19; Ro 2:11; Ep 6:9; 1Pe 1:17

indeenje men pa ni mataana, na ta tina. Ni, Merere leleene pini.[☆]

36 Nonoono, uruunu ambaijanana ta iso iti pa zaala tabe itinjan Anutu taparlup ti ma tewe tamen pa i, na Anutu ipumuunju piam Israel. Zaala tana imbot la uraata ki Yesu Krisi. Mi ni Merere kizin tomtom ta boozomen.[☆]

37-38 “Mi uraata biibi tau ipet ma irao lele pakaana ki Yudea na, niom ko kelej sa kek. Indeenje tau Yoan ikamam sua pizin tomtom pa yok kamjana na, Yesu ki Nasaret, ni imanja pa uraata kini isu Galilea. Ni, Anutu iroogi mi iuri pa uraata kini. Pa isilou i pa Bubunjana Potomjana, mi ipomboli pa itunu mburaana. Tanata izzu ma izze pa uraata ambaimbaijan, mi iurpewe wal boozomen ta Tomtom Sanaana mburaana ikototo zin na. Pa ni, Anutu imbotbot raami tau.[☆]

39 “Uraata kini boozomen ta ikamam su lele pakaana ki Yudea mi Yerusalem na, niam ti amre kat pa motoyam. Tanata ampombolmbol ka sua. Uraata kini tana, ta ikam ma tipuni ma imeete sala ke.[☆]

40 Tamen aigule iwe tel pa, to Anutu ipei i ma burup ma imanja mini pa naala, mi ipatoonji pizin tomtom pakan ma tire kati.

41 Mi indeenje ta ni imanja pa naala na, ila ipet kizin iwali boozo som. Niam men ta ipet tiam mi amre i, mi niamjan amkan kini. Pa Anutu ipeikat yam ta munju kek be amender pa sua kini mi ampombol.[☆]

[☆] **10:35:** Ro 2:10+; 1Kor 12:13; Ga 3:28; Ep 3:6; Kol 3:11 [☆] **10:36:**

Ro 10:12; Ep 2:14; Kol 1:20; Tur 17:14 [☆] **10:37-38:** Yesa 61:1

[☆] **10:39:** Ngo 2:32, 5:30 [☆] **10:41:** Lu 24:36+

42 Mi ni itunu iur sua piām be amsoyaara sua pizin Israel ta kembei: Ni, Anutu iuri be itiiri zin tomtom pa mbulu kizin, mibe iur kadoono pizin. Zin ta matan yaryaaranjan, mi wal meeterjan tomini.[☆]

43 Mi Anutu kwoono bizin ta boozomen, sua kizin ipombol sua kini ma iso ta kembei: Wal boozomen ta so tiurla kini, inako ni iwe zaala pizin be Anutu irecte sanaana kizin.”[☆]

Anutu ikam Bubuñana Potomñana pizin wal ta Yuda somjan i

44 Petrus izzo sua tana, mi Bubuñana Potomñana tau isu ma isalakaala wal ta boozomen ta tileñlen sua i.

45-46 Zin Yuda pakān ta tiurla ki Krisi mi ziñan Petrus timar na, tire Bubuñana isalakaala zin wal tana, mi tileñ zin tizzo karkari kalñan mi tipakurkur Anutu, to timurur mi tisombe: “Wai, wal tiñgi, zin Yuda som. Mi ingi Anutu ikam pizin ta kembei tomini?”[☆]

47 To Petrus isu mi iso: “Asin̄ irao ingalsek pizin wal ti be tikam yok? Som. Zin ingi tikam Bubuñana Potomñana raraate kembei ta iti.”[☆]

48 Tana Petrus iso pizin ma tikam yok pa Yesu Krisi zaana. Kaimer mana tibiigi Petrus ma ziñan timbot pa aigule pakān.

11

*Petrus isope zin Yerusalem kan pa uraata kini
(Ngo 10:9-44)*

[☆] **10:42:** Mt 28:19+; Ngo 17:31; Ro 14:9+; 2Kor 5:10 [☆] **10:43:** Yesa 53:5; Ro 10:9; 1Yo 2:2,12 [☆] **10:45-46:** Mk 16:17; Ngo 2:4, 11:15; Ga 3:14 [☆] **10:47:** Ngo 15:8+

¹ Zin ngøjana ziŋan zin toŋmatiziŋ ki Krisi ta timbotmbot irao lele pakaana ki Yudea na, tileŋ zin wal ta Yuda somŋjan i urun kembei zin tomini tikan la Anutu sua kini kek.

² Tabe Petrus isala Yerusalem na, zin tau timbolmbol pa tutu ki Mose mi reetenjana na, tiyyo kwon pini.

³ Tiso: “Petrus o, nu tina la ma niomŋjan zin wal ta tireete zin som na, kakanan kini isu ruumu kizin, na?”

⁴ Petrus imaŋga to isinin mbulu boozomen ta ipet pini na. Iso:

⁵ “Kelen, nio ti aŋbotmbot ta kar Yoppa, mi aŋzuŋzuŋ. Mi aŋkeenetondo, mi motoŋ sala na, aŋre koron kembei ta kawaala biibi i. Timbit tumbuntumbun paŋ mi titu ma isu. Isu isu ma isu ta kereŋ uunu i.

⁶ Mi motoŋ isula kawaala leleene na, aŋre buzur matakina. Kar kan, su kan, pakon ta tikarra i, mi man ta tirrie sala maŋaanaŋana i tisula ma bok.

⁷ Molo som na, aŋleŋ kalŋaana ta iso ta kembei: ‘Petrus o, maŋga! Pun zin, mi kan.’

⁸ “To aŋso: ‘E-e Merere, irao aŋkan na som kat. Pa muŋgu muŋgu mi imar na, koron ta kembei isula kopon pasa zen. Koron pakon tina ambai pa kanŋana som. Pa tutu iŋgalsek pa.’[◊]

⁹ “To sua imbot saamba mi isu ma iwe ru pa. Iso: ‘Koron ta Anutu itunu ikam ma iwe ŋgeezeŋana na, nu re kembei sananŋana pepe.’[◊]

¹⁰ Iso ta kembei pa tel, to koron ta boozomen imili ma isala mini pa saamba.

[◊] **11:8:** Wkp 11:1+ [◊] **11:9:** Mk 7:14+; Ro 14:14-20; 1Tim 4:3+

11 “Molo som na, tomtom tel ki kar Sisarea ta tingo zin pio na, timar timender ruumu tau nio aŋbotmbot pa i, ka kataama kwoono.

12 Mi Bubuŋana iso pio be leleŋ iwe ru pepe, mibe aŋgaaba zin ma niamŋan amla. Zin toŋmatizin lamata mi ta ti tomini. Niamŋan amla mi amlela tomtom tana ruumu kini.

13 To ruumu katuunu imanja na iso piam ta kembei. Ni ire aŋela ta ila ipet kini su ruumu kini mi iso: ‘Ngo wal pakan ma tila kar Yoppa be tikam Simon ta zaana toro Petrus na ma imar.

14 Pa ni ko ikam sua piom. Mi sua kini ko iwe zaala pu mi wal boozomen ta timbot ruumu ku na be Anutu ikamke yom.’

15 “Tana aŋmaŋga be aŋso sua, mi Bubuŋana Potomŋana isu ma isalakaala zin. Ikam raraate kembei tau mata popoten ikam piti na.

16 To motoŋ ingal Merere kalŋaana ta isombe: ‘Yoan ikam yok pizin tomtom. Mi niom, nako kakam Bubuŋana Potomŋana ma isalakaala yom.’[✳]

17 Kere. Muŋgu iti tuurla ki Merere Yesu Krisi, mi Anutu ikam Bubuŋana piti. Mi ni ikam koron pizin wal tana raraate men kembei ta ikam piti na. Kena nio asinj ta aŋrao be aŋzoro Anutu? Pa koron tingi imar pa ni itunu tau.”[✳]

18 Tileŋ ta kembei to, timbuulu sua pini mini som. Mi tipakur Anutu zaana ma tiso: “Nonoono kat. Anutu, ni ipomoozo zin wal ta Yuda somŋan i tomini, mi ikam zin ma titooro lelen, bekena tikam mbotŋana ta ki Anutu i.”[✳]

Lupŋana ki Krisi ta imbot su kar Antiok

[✳] **11:16:** Mt 3:11; Ngo 1:5 [✳] **11:17:** Ngo 10:47, 15:8+ [✳] **11:18:** Ro 10:12+, 15:9,16

19 Indeeŋe tipun Setepan mi imar na, wal ki Krisi tibadbaada patanjana biibi pa sua ki Merere. Tana timureege, mi tiko kinjakinja pa lele pakaana ki Ponisia, mutu Saiprus, mi kar Antiok. Tiwwa na, tikamam sua pizin Yuda men.[☆]

20 Mi tomtom kizin pakan ta timar pa mutu Saiprus mi lele pakaana ki Kairini na, tila pa kar Antiok, to tiso zin Grik tomini pa uruunu ambaijana ki Merere Yesu.

21 Mi tiwwa raama Merere mburaana, tana iwal biibi ki kar tana tiurla ki Merere mi titooro lelen.[☆]

22 Uraata ti uruunu ila ipet ta Yerusalem mi lupnjana ki Krisi tileŋ, to tingó Panabas ma ila kar Antiok be ire zin.[☆]

23 Ila ma ipet na, ire kampejana biibi ki Anutu ta imbotmbot se kizin, tana menmeeni pa. Mi ipombolmbol zin iwal ma izzo pizin be tiur lelen imap ila ki Merere mi tikiskis urlanjana kizin.[☆]

24 Pa Panabas, ni tomtom ambaijana. Urlanjana kini imbol kat, mi Bubuŋana Potomŋana izeebe kati. Mi mazwaana tana, wal boozomen tiurla ki Merere mi tigaaba wal kini.[☆]

25 To Panabas ila Tasus be iru Saul.[☆]

26 Iru i iru i ma indeenj to ikami ma ziru timiili ma tila mini pa kar Antiok. Mi ndaama munŋaana tina, Panabas ziru Saul ziŋan lupnjana ki Krisi ta imbot kar tana na tiparluplup zin. Mi ziru tikamam sua pizin iwal biibi. Zin Antiok kan ta titoto Yesu i, ta mata popoten mi tomtom tiwatwaata zin be ‘Kristen.’[☆]

[☆] **11:19:** Ngo 8:1,4 [☆] **11:21:** Ngo 13:1+, 14:26+, 18:22+

[☆] **11:22:** Ngo 8:14+ [☆] **11:23:** Ngo 14:22 [☆] **11:24:** Ngo 2:41,

4:36+ [☆] **11:25:** Ngo 9:27,30 [☆] **11:26:** 1Pe 4:16

²⁷ Indeeñe mazwaana tana na, Merere kwoono bixin pakan timbot Yerusalem mi tisula kar An-tiok.

²⁸ To tomtom kizin ta, zaana Agabus, Bubuñana ipazali mi imanja to ipityaara sua pa peteele biibi tabe isu pa toono ta boozomen. (Peteele tana ipet indeenje Klodias iwe Kaisa mi imborro lele.)[☆]

²⁹ To zin wal ta titoto Yesu i, tilup zin mi tikam naman ikot zin be tiuulu zin toñmatizin kizin ta timbotmbot lele pakaana ki Yudea na. Tikam irao zitun pat kizin.[☆]

³⁰ Tikam ta kembei to, tikam sengeeri kizin se ki Panabas ziru Saul. Mi ziru tikam ma tila tiur la kizin mboronjan ta timbot Yerusalem na.[☆]

12

Tiseeze zin urlanjana kan matan mini

¹ Indeeñe mazwaana tana na, king Erot * ni imanja, mi ikis tomtom pakan ta timbot lela lupñana ki Krisi i be iseeze matan.

² Iso ma tikam Yems ta Yoan toono na, mi tiyem-but ñigureene pa buza ma imeete. [☆]

^{☆ 11:28:} Ngo 21:10 ^{☆ 11:29:} Ro 15:26; 1Kor 16:1; 2Kor 8:1+, 9:1 ^{☆ 11:30:} Ngo 12:25 ^{*} **12:1:** Sua ki Merere iso pa tomtom boozo ta zan Erot. Indeeñe Yesu isu na, Erot mataana kana ikamam peeze pizin Israel. Ni ta ipun zin pikin ki Betelem ma timetmeete. Mi ni lutuunu zaana Erot tomini. Lutuunu tana, ta ipun Yoan ma imeete, mi igaaba Kaipas mi Pontius Pilatus ma tipun Yesu. To isu mini pa Erot ta iwe tel pa. Sua pakaana ti iso pa Erot tana. Ni Erot mataana kana tumbuunu. Erot ta iwe tel pa ta ipun Yems ma imeete, mi kaimer motmooto tikani. To ni lutuunu, zaana Erot Agripa, ta kaimer tipamender Paulus ila kereeene uunu. Ka mbol imbot la sua pakaana 25:13-26:32. ^{☆ 12:2:} Mt 4:21, 20:22+

³ Mi ire kembei zin Yuda lelen ambai pa uraata tana, tonā iman̄ga na ikis Petrus tomini. Uraata tina ipet indeen̄je zin Yuda tilup zin be tikan narabu ta ka yis somnjana na. [◊]

⁴ Tana Erot ikam Petrus to, ila iuri lela ruumu sanaana. Mi iuri la kizin menderjan lamoro mata mi ta be matan pini. Zin menderjan tana na, pan̄pan̄ja timbot la uunu tataja mi tiparpekelkel zin. Pa Erot ikam ḡgar ta kembei. Lupn̄jana biibi ki Pasoba isombe imap, to ikam Petrus mi ipamenderi ila iwal biibi matan.

⁵ Tana Petrus, tiuri lela ruumu sanaana ma imbotmbot. Tamen lupn̄jana ki Krisi, zin tiur lelen imap mi tizun̄zuŋ mboln̄jana pa Anutu be iuuli. [◊]

Anjela itatke Petrus pa ruumu sanaana

⁶ Indeen̄je nol tabe Erot ikam Petrus ma iyooto pa ruumu sanaana be ipamenderi na ka mben̄na, menderjan ru timenderkalkala Petrus, mi ni ikenne su ziru mazwan. Ni, tipo i pa re ru. Mi menderjan pakan timendernder su kataama kwoono tomini be timboro ruumu sanaana.

⁷ Molo som na, anjela ki Merere ta imar. Mi azun̄ka kini iyaara lela ruumu sanaana tana leleene. To anjela ipai Petrus ma iso: “A, manga ta buri!” Izzo sua tana, mi re ta tipo Petrus pa na, imet ma isu lene.

⁸ To anjela iso pini mini. Iso: “Ur pus ku mi kumbum keteene ila.” Petrus izeebi pa mburu kini makin̄, to anjela iso pini. Iso: “Ur mburu ku mat kana isala regem mi to yo.”

[◊] **12:3:** Kam 12:15, 23:15

[◊] **12:5:** Ro 15:30+; Ep 6:18

9 Tona Petrus ito i mi ziru tiyooto pa ruumu sanaana. Tamen ni le ḥgar sa pa mbulu ta aŋela ikam pini i som. Iso ko ikeenetondo ma ingi.

10 Ziru tila ma tizem menderjan uunu ta, to tila tizem toro, mana timar kataama mboljana ta ila pa zaala kwoono na. Tipa ma timar to, kataama itunu ikaaga sorok, mi ziru tiyooto. Tizem ruumu sanaana mi titoto zaala ma tilala mi molo som na, aŋela izemi. [◊]

11 To Petrus ḥgar kini ipet mi iso: “O, ingi buri na aŋkilaala i. Ingi Anutu ingo aŋela kini ma imar bekema itatke yo pa Erot namaana mi mbulu boozomen ta zin Yuda tisombe tikam pio i.”

12 Petrus ikilaala mbulu ta ipet pini to, ikoŋuru ruumu ki Maria, ta Yoan Markus naana na. Ruumu tana leleene na, wal boozomen ta tila tilup zin pa, mi tizunzuŋ ma timbotmbot. [◊]

13 Petrus ila na ipitpit lae pa kataama. To mbesoonjo moori ta, zaana Roda, ila be isol kataama.

14 Som, mi ikilaala Petrus kalŋaana. To menmeeni biibi kat, mi iloondo ma ilela kizin iwal biibi ma iso: “Aleei, Petrus itunu ta imendernder kataama kwoono a!”

15 To zin tiso: “Waa, nu kankaana. Petrus imbot ruumu sanaana leleene.” Mi Roda kwoono imbol ma iso: “Soom, ni tau.” To zin tiso: “Inako aŋela kini ma ingi.”

16 Mi Petrus ni imbotmbot mat men mi ipunun kataama. Beso tisol kataama na, tire i to timurur.

17 To kalŋan izalla. Tamen ni iur namaana pizin be timaane. To ipit mbol pa zaala ta Merere ikami

[◊] **12:10:** Mbo 34:7; Ngoy 5:19, 16:25+; 2Kor 1:10 [◊] **12:12:** Ngoy 12:5,25, 15:37+

ma iyooto pa ruumu sanaana na. Ipit ma imap, mi iso pizin be tila tisotaara Yems † mi toŋmatizinj pakan tomini pa mbulu ta ipet pini na. To izem zin, mi iko ma ila lele toro.

¹⁸ Tikeene ma aigule toro, zoŋ ise na, ororo tau sorok som isala. Pa zin menderjan tiru Petrus zalaana. Tiso: “To tana ko sokorei ikami?”

¹⁹ Erot ilenj sua tana, to iso pizin menderjan be tila tiru i. Tamen tiru i ma som. To iwises zin. Iwi zin ma som to, iur sua mi tikam zin ma tila be tiur kadoono pizin. Mana kaimer to Erot imanya na izem lele pakaana ki Yudea, mi isula imbot kar Sisarea.

Meetejana ki Erot

²⁰ Erot, ni keteene malmal kat pa kar ru, Tiro mi Sidon. Tana kar ru tana tilup zin mi tila be tire i. Paso tingimgiimi kan kini ta king lele kini a. Mi timoto: Kokena ni iruutu pizin. Tana tila na lonja mi tikam Blastus leleene. Pa Blastus tana, ni imborro king ruumu kini. Mana tila ki Erot itunu be ziŋan tiparurpe lelen. Tiso sua kizin ma ilenj, to iur nol pizin be ipekel kaljan.

²¹ Indeeŋe nol tana ipet na, Erot izeebi pa mburu milmiljanā ki king, mi ila imbutul sala sua urpejana muriini be ikam sua pizin tomtom.

²² Mi zin tomtom ta tilenjen la pa kaljaana na, kaljan zalla ma tizzo: “To inga tomtom som. Inga ko Anutu tau!”

²³ Tizzo na molo? Merere anjela kini ituti ma kaŋ kuruj su. Pa ipakur itunu ma isombe ikam Anutu muriini mi zaana ilip. Tana motmooto tikan ketenketen ma imeete.

† **12:17:** Yems ti, ni Yesu tiziini ŋonoono.

Panabas ziru Saul timili pa Antiok

²⁴ Mi Merere sua kini na, mburaana mi ila ma ilala. [◊]

²⁵ Mi Panabas ziru Saul na, tiposop uraata kizin isu Yerusalem makin to, tikam Yoan Markus mi zinjan timili ma tisula mini pa kar Antiok. [◊]

13

Tiur Panabas ziru Saul pa uraata

¹ Lupjana ki Krisi ta imbot su kar Antiok na, Merere kwoono bizin pakan mi zin tau tipaute zin tomtom pa sua ki Merere na, ta zan tis: Panabas, Simion ta tipaati be Aigap na, Lusius ta imar pa lele pakaana ki Kairini na, Manaen ta muŋgu iwe Erot toroono na, mi Saul.

² Aigule ta na, tingalsek zitun pa kini kanjana bekena timbot kat pa suŋjana. Tizunŋzun, mi Bubuŋana Potomjana iso pizin ta kembei. Iso: "Kozo kuur Panabas ziru Saul be tikam uraata ta anroogo zin pa na." [◊]

³ Tana tisuj mi kaimer, to tiur naman salakaala zin, mi tiur zin ma tila. [◊]

Saul ziru Panabas tila mutu Saiprus

⁴ Tana Bubuŋana Potomjana iŋgo Panabas ziru Saul ma tila pa uraata. Tisula kar Selusia, to tikam woongo mi tikwai ma tila pa mutu Saiprus.

⁵ Tilela kar Salamis, to tilala lupjana murin kizin Yuda mi tizzoyaryaara Anutu sua kini. Mi Yoan Markus, ni igaaba zin tomini be iuulu zin pa uraata. [◊]

[◊] **12:24:** Ngo 6:7, 19:20; Kol 1:6 [◊] **12:25:** Ngo 11:29+, 12:12

[◊] **13:2:** Ngo 9:15; Ro 10:15; Ep 3:7+; 1Tim 2:7 [◊] **13:3:** Ngo 6:6,

14:26 [◊] **13:5:** Ngo 13:13, 15:37+

6 Tiwwa pa mutu tana ma timar tipet kar biibi Papos. Tipet Papos, to tindeenje Yuda ta. Ni tomtom naboroujana mi ipakamkaam kembei ni Anutu kwoono. Zaana Bar-Yesu.[☆]

7 Mi ni igabgaaba Sergius Paulus ta ni biibi mi imborro mutu tana. Sergius Paulus, ni tomtom ηgarjana, mi leleene be ileŋ sua ki Anutu. Tabe iso la pa Panabas ziru Saul be timar kini.

8 Tomtom naboroujana tana zaana toro Elimas. Pisis tana ka uunu ta kembei: ‘tomtom yaambanjana.’ Mi ni izorzooro ziru kwon. Pa leleene be biibi ki mutu tana iurla ki Krisi pepe.

9 To Bubuјana Potomјana izeebe Saul, ta tipaata zaana toro be Paulus na, mi igeede la pa tomtom naboroujana tana,

10 mi iso: “Hai, nu tina ta urur koi pa mbulu ndeejenjan ta munjaana men. Mi mbulu pakaamjan ta boozomen na, nu rao pa kat. Tomtom Sanaana lutuunu ta nu na! Nu pandelndel zin tomtom pa zaala ndeejenjana ki Merere paso? Niizi na zem mbulu ku tana?[☆]

11 Ingi be re kat Anutu mburaana. Ni ko ipumun motom ma ipis kat ma rao re lele som. Mi ko mbot ta kembei ma risa.”

Molo som na, zugut izukkaali ma sik. To isu na izoromrom, mi iru le tomtom sa be iteege namaana mi iuuli.

12 Mi biibi ki mutu tana ire mbulu ta ipet na, to iurla kat. Mi imurur pa sua ki Merere ta tipaute i pa na mburaana.

Paulus ziru Panabas tila kar Antiok ta Pisidia a

[☆] **13:6:** Ngo 8:9+ [☆] **13:10:** Mt 13:38; Yo 8:44; 1Yo 3:8

13 Paulus ziŋan waene bizin tikam wooŋgo isu Papos, mi tikwai ma tila mi tilela kar Perga, ta imbot lele pakaana ki Pampilia na. Timbot tana, mi Yoan Markus izem zin mi imiili ma ila lene pa Yerusalem.◊

14 To Paulus bizin tizem Perga mi tisala pa kar Antiok ta imbot lele pakaana ki Pisidia na. Timbot ma indeenje aigule potomŋana kizin Yuda be keten su, to tilela lupŋana muriini kizin ma mbulen su.

15 Kaimer ma tipaata tutu ki Mose mi sua ki Merere kwoono bizin makin, to zin mboronjan ki lupŋana muriini tana tiso pa Paulus ziru Panabas. Tiso: “Ou, niom toŋmatiziŋ ru tana, sombe leyom sua sa be kopombol zin wal tingi pa, na koso.”◊

Mos ta Paulus ikam pizin Yuda isu kar Antiok

16 To Paulus imaŋga imender, mi iur namaana pizin be matan ila kini, mi isu na iso: “O niom tom-tom ki Israel mi niom pakan ta komototo Anutu mi kototo mbulu kini na, kunŋun talŋoyom mi kelen!

17 Muŋgu, Anutu kiti Israel, ni itunu ipeikat tumbundu bizin, mi ikam zin ma tiwe lene. Mi indeenje mazwaana ta tila tiwe leembe isu Aikuptu na, ni ikam zin ma urun iwe biibi kat, mi iswe mburaana biibi, mi iyaaru zin ma tizem Aikuptu.◊

18 Mi indeenje tau tiwwa isu lele bilimŋana pa ndaama tomtooru na, timbel zooroŋana. Tabé Anutu niini gesges pizin. Tamen ni izem kat zin som, mi mataana pizin.◊

◊ **13:13:** Ngo 13:5, 15:37+ ◊ **13:15:** Lu 4:16+ ◊ **13:17:** Kam 6:6+, 12:51 ◊ **13:18:** Kam 16:8; Nam 14:33+; Mbo 95:10; Ngo 7:36

¹⁹ Tiwwa ma tipet toono Kanaan to, ni ipambiriizi lele pakaana lamata mi ru ka tomtom bizin, mi iur toono kizin ma iwe zin Israel len.[☆]

²⁰ Uraata ta boozomen tana ikam ndaama 450, to zin Israel tikam toono Kanaan ma iwe len kat.

“Kaimer mana, Anutu iur zin bibip tau len ŋgarjan i be tikam peeze pizin, mi imar imar ma indeeŋe mazwaana ki Samuel ta Anutu kwoonona.

²¹ Tona zin tisu na titanroro Anutu pa len king. Tana ni iur Saul ta Kis lutuunu na, ma iwe king pizin. Saul tana, uunu kini ipet pa Benyamen. Mi ni imboro Israel pa ndaama tomtooru.[☆]

²² Tamen kaimer na, Anutu iziiri i, mi iur Dabit ma ikam Saul muriini. Mi iwit Dabit uruunu ma iso ka sua ta kembei:

Aa, Dabit ta Yesi lutuunu na, nio lelen pini ilip. Pa ni itoto kat lelen. Ni ko ito ŋgar tio pa koron ta boozomen.[☆]

²³ “Imar imar ma Anutu iur Yesu ta iyooto pa Dabit popoŋana kini na, ma iwe ulaanja pizin Israel. Ito sua kini mbukŋana tau.[☆]

²⁴ Indeeŋe Yesu imaŋga pa uraata kini zen na, Yoan imuŋgu pini mi ikamam sua pizin Israel ta boozomen be titooro lelen mi tikam yok.[☆]

²⁵ Ni ikamam uraata ta Anutu iur la namaana na, mabe imap, to iwi zin. Iso: ‘Ou, niom koso nio asin? Nio ti, tomtom ta kuurur motoyom pini i som. Mi tomtom tana, ni itoto yo ma iwwa i. Nio aŋre ituŋ kembei aŋrao pini risa som

^{☆ 13:19:} Lo 7:1; Mbo 78:55; Ngo 7:45 ^{☆ 13:21:} 1Sam 8:4+, 10:17+

^{☆ 13:22:} 1Sam 13:14, 15:23+, 16:12+; Mbo 89:20 ^{☆ 13:23:} Mbo

132:11; Lu 1:32 ^{☆ 13:24:} Lu 3:3

kat. Uraata sorokñana kembei kumbu keteene ka wooro putkeñana, ina tomini aŋrao aŋkam pini na som. Pa ni ilip kat pio.' "◊

26 To Paulus iseenge sua kini ma iso: "O niom toŋmatizin tio, niom ta Abaraam popoŋana kini, mi niom pakan ta komototo Anutu mî kototo mbulu kini na tomini, kelenj. Sua ta iso pa ulaaŋa tabe imar i, inŋi imar piti tau.◊

27-28 Tamen zin Yerusalem kan ziŋan zin peeze kan kizin tikilaala Yesu som. Nonoono, tiwatwaata sua ki Anutu kwoono bizin ikot aigule potomŋan ta boozomen. Tamen tikam ŋgar pa som. Tanata tiseeze sorok Yesu mataana, mi timaŋmaŋ Pilatus, tabe ni iur sua ma tipuni ma imeete. Mi Yesu, ni le uunu sa isaana som. Mi mbulu ta tikam pini, ina ikam ma sua ki Anutu kwoono bizin ta tawatwaata na, iur ŋonoono.◊

29 Pa mbulu boozomen ta ipet pini na, Anutu kwoono bizin tiso ka sua pataaŋa kek. Tana tikam mbulu ta boozomen tana makinj, to tikami ma isu pa ke pambaaraŋana, mi tila tiuri lela naala.◊

30 To Anutu ipei i ma burup ma imaŋga mini.◊

31 Mi ilala iwedet kizin tomtom tau muŋgu ziŋan tiwwa ta Galilea mi tila tipet Yerusalem na. Wal tana, ta koozi tipombolmbol sua kini, mi tikamam sua pizin wal kiti Israel.◊

32 "Mi niam tiŋgi amar be amkam uruunu am-baiŋana ti piom. Kere. Sua ta muŋgu Anutu imbuks

◊ **13:25:** Lu 3:16 ◊ **13:26:** Lu 24:47; Ngo 2:39, 3:26 ◊ **13:27-28:** Mt 27:20+; Lu 23:18+; Ngo 3:14+ ◊ **13:29:** Lu 23:50+, 24:44; Yo 19:36+ ◊ **13:30:** Mt 28:6 ◊ **13:31:** Yo 20:19+; Ngo 1:3, 2:32

pa tumbundu bizin, ta ingi ikam ma iur ηonoono piti kek.[☆]

³³ Pa ni ipei Yesu ma iman̄ga pa naala kek. Ka sua imbot la mboe suñjana kana ta iwe ru pa. Iso: Nio lutuñ ta nu na.

Koozi nio aŋwe tomom.[☆]

³⁴ “Tana Anutu ipei i ma burup ma iman̄ga mini kek. Mi ko irao imeete ma isula mini naala be ibuuzu na som. Ka sua imbot pataanja kek ta kembei:

Nio aŋbuk sua mboljana pa Dabit be aŋkampe i pa koron̄ matakina ta ndabokbokjan mi potomjan. Mi koron̄ ta boozomen tana, nio kola aŋkam piom.[☆]

³⁵ “Mi sua lwoono toro iso ta kembei. Iso: Nu ko irao zem mbesoojo ku potomjanma ibuuzu na som.[☆]

³⁶ “Kere. Dabit, ni imbeeze pa Anutu mi ito ηgar kini ma irao meeten̄ana kini. To titwi i sula ki tumbuunu bizin ma ibuuzu.[☆]

³⁷ Tamen ni tau Anutu ipei i ma burup ma iman̄ga pa naala na, ni irao imeete mini ma ibuuzu na som.

³⁸⁻³⁹ “Tana niom toŋmatiziŋ tio, kelen! Niam amso kat piom ta kembei: Yesu ta iwe zaala piti be Anutu ireege sanaana kit. Tana tomtom sa isombe iurla kini, inako Anutu ire i kembei ni tomtom ndeeŋen̄ana. Pa sanaana boozomen ta tutu ki

[☆] **13:32:** Un 12:3; Ro 1:2, 4:16 [☆] **13:33:** Mbo 2:7; Mt 3:17; Ibr 5:5

[☆] **13:34:** Yesa 55:3 [☆] **13:35:** Mbo 16:10; Ngo 2:27,31 [☆] **13:36:**

Ngo 2:29

Mose irao be iurpe som, mi ikam ti ma tasaana pa Anutu mataana na, Yesu, ni irao iurpe.◊

40 “Tana kere yom. Kokena kitit ulaanja ta ingi Anutu ikam piti, to mbulu ta Anutu kwoono bizin tiso pa na ipet piom. Ka sua imbot ta kembei:

41 Niom wal ta kerepiili sua ki Anutu na, kere yom! Pa uraata poponjana tabe aŋkam ma kere i, ko ipa ndel kat.

Tabe ipet pizin wal pakon mi kelen uruunu men, so kuurla som.

Tana niom ko kwoyom taanda pa mi kakam ḥgar pa ma som, mi kala leyom.”◊

42 Paulus iso sua ma imap, to ziru Panabas be tiyoto pa lupjana muriini. Som mi timan̄ga ma tiwi ziru beso aigule potomjana toro ipet, to timiili mi tiso zin pa sua tana mini.

43 Lupjana imureege na, zin Yuda ḥonoono, mi wal pakon ta titooro zin ma tiwe Yuda i mi timar-mar pa sunjana na, boozomen tito ziru ma ziŋjan tila. Mi ziru tipombol zin be tikiskis kampejana mi muŋaijana ki Anutu.◊

44 Timbot ma aigule potomjana ipet mini, to kar kan timeke ma timap ma kar putuunu. Pa timar tilup zin be tileŋ sua ki Merere tau.

45 Zin bibip kizin Yuda tire iwal biibi tana tila be tileŋ Paulus ziru Panabas, to matan mburmbur ma tau tisaana kat. Tana timan̄ga mi ziŋjan Paulus tiparzorzooro pa sua. Mi tiwirri sua repiiliŋan boozo pini.◊

◊ **13:38-39:** Ngø 2:38; Ro 3:28; Ga 2:16; 1Yo 2:2,12 ◊ **13:41:** Hab 1:5 ◊ **13:43:** Ngø 11:23, 14:22 ◊ **13:45:** 1Tes 2:15+

46 Tamen Paulus ziru Panabas timoto som. Timender mboljana, mi kwon imbol kat ma tiso: "Ina som. Anutu isombe ipumuunju sua kini piom. Tamen ingi niom kitit. Pa niom, ina motoyom ingal ituyom be kakam mbotjana ki Anutu ta iseenje iseenje ma ila na som. Tana ingi ko anzem yom ma komboreyom, mi amla kizin wal ta Yuda somjan i. [✳]

47 Pa Merere iur sua piام kek ta kembei. Iso:
Nio aŋur u be la mi ur mat pizin wal ta Yuda somjan i.

Naso we zaala pa toono ta boozomen be tikam ulaanja tio." [✳]

48 Ingi sua ti ila ma zin wal ta Yuda somjan i tileŋ, to lelen ambai kat pa Merere sua kini mi tipakurkur sua tana. Mi zin wal tau Anutu iroogo zin pataanja kek be tikam mbotjana kini na, tiurla. [✳]

49 Tana Merere sua kini irak ma irao lele pakaana tina.

50 Tamen zin bibip kizin Yuda timaŋga ma tipese zin bibip ki kar tana, ziŋan zin moori zanŋan pakan ta tigabgaaba zin Yuda pa sunjana kizin. Tona timaŋga pa Paulus ziru Panabas ma tiseeze matan, mi tiser zin pa lele kizin ma tila len. [✳]

51 Tana ziru titir ululu pa kumbun pizin bekena iwe kilalan pa sanaana kizin, mi tiwwa ma tila kar Ikonium. [✳]

[✳] **13:46:** Mt 21:41; Ngo 3:26+, 18:6; Ro 1:16 [✳] **13:47:** Yesa 42:6, 49:6; Lu 2:32 [✳] **13:48:** Ro 8:29+ [✳] **13:50:** 2Tim 3:11 [✳] **13:51:** Mt 10:14

52 Mi zin wal ki kar Antiok ta titoto Yesu na, Bubunjana Potomnjana izeebe zin lup, ma lelen ambai kat. [◊]

14

Paulus ziru Panabas tikam uraata su kar Ikonium

1 Mbulu raraate men ta ipet su kar Ikonium. Paulus ziru Panabas tila tipet to, tilela lupnjana muriini kizin Yuda, mi tikam sua pizin. Mi sua kizin ingal tomtom boozomen ma tiurla ki Yesu. Zin Yuda, mi pakan ta Grik i tomini.

2 Tamen zin Yuda ta tiurla som na, tikuru zin wal ta Yuda somjan i lelen. Tabe lelen pizin tonjmatizij ki Krisi mini som.

3 Tana Paulus ziru Panabas timbot kar tana ma molojana ri, mi timender mboljana mi tizzoyaryaara Merere uruunu. Mi tipombolmbol sua pa kampejana kini. Mi Anutu ipombolmbol sua ta ziru tizzo na, mi ikamam len mburan. Tabe titortoro mos ma uraata bibip pakan ma iwedet.

[◊]

4 Tana iwal biibi ki kar tana tisu to tiwe ru. Pakaana tilae kizin Yuda, mi pakaana tiyo se ki Ngonjana ru tana. [◊]

5 To zin wal ta Yuda somjan i mi Yuda pakan, zinjan zin bibip kizin tilup lelen be tipasaana ziru, mibe tipun zin pa pat. [◊]

6 Mi Paulus ziru Panabas taljan ikam sua ti, to tiko ma tila pa lele pakaana ki Likonia mi timbot

[◊] **13:52:** Ngo 16:34; Ro 14:17; 1Pe 1:8 [◊] **14:3:** Mk 16:20; Ngo 5:12; 2Kor 12:12 [◊] **14:4:** Lu 12:51+; Ngo 28:25 [◊] **14:5:** 2Tim 3:11

kar Listara mi kar Derbe. Mi tilalae pa kar mun-mun ta timbot kolouṇjana na tomini, [◊]
⁷ mi tizzoyaryaara uruuunu ambaiṇjana pizin.

Mbulu ta ipet su kar Listara mi kar Derbe

⁸ Tomtom kumbuunu sananjana ta, imbotmbot kar Listara. Irao ipa na som. Ni ta kembeaṇjana, mi naana ikami ma isu.

⁹ Paulus izzo sua na, ni imbutultul mi ileŋleŋ. To Paulus igeede la pini, mi ire kembei ni iurla ma Anutu irao iurpe i. [◊]

¹⁰ Tana kaljaana biibi ma iso: “Ai, nu tana, burup ma maŋga mender.” Tomtom tana inaunau som. Burup ma imaŋga mi iwwa pataaŋa. [◊]

¹¹ Zin iwal biibi ki lele pakaana ki Likonia na, tire Paulus ikam uraata tana, to kaljan isala mi tiso la zitun kaljan ma tiso: “Wai. Ingi zin merere kiti, ta tisu ma tiwe tomtom i.” [◊]

¹² Tona tiboobo merere kizin Grik zaana Zeus,* ise ki Panabas. Mi Paulus na, tiboobo Ermes zaana pini. Pa Paulus ta imuŋmuuŋgu pa sua.

¹³ Kar tana ziljaana na, merere pakaamjana Zeus urum kini imbotmbot. Tana patoronjana ka tomtom ta ki urum tina, ni ziŋjan zin iwal tikam mbili pakan mi aigau ma timar zaala kwoono be tikam patoronjana pa Panabas ziru Paulus.

[◊] **14:6:** Mt 10:23 [◊] **14:9:** Mt 9:28+ [◊] **14:10:** Mk 2:11; Ngo 3:6, 9:34, 28:8+; Yems 5:14+ [◊] **14:11:** Ngo 28:6 * **14:12:** Zin Grik, merere kizin boozo. Zin tiurla ta kembei. Zeus, ni merere biibi kat ta ilip pizin merere kizin ta boozomen. Mi Ermes, ni merere toro ta iwe Zeus kwoono mi izzo zin tomtom pa sua kini.

14 Tamen ziru tikilaala mbulu ta ingi be ipet i, to tiraaza mburu kizin, mi wis ma tilela ta iwal biibi lelen.

15 Mi kaljan biibi ma tiso: “Wai, ingi parei ta koso kakam piām ta kembei? Niamru ti, tom-tom kembei ta niom na. Iti raraate men tau. Niamru amar be amsoyaara uruunu ambaijana piom. Merere tiom soroksorok na, kezem zin ma timboren. Mi kuur leleyom ila ki Anutu ḥonoono ta mata yaryaaranjana na. Pa ni ta iur saamba, iur toono, iur tai, mi koron boozomen ta timbotmbot pa. ☩

16 Muŋgu, ni izem zin tomtom ma tiwwa ma tikamam mbulu irao zitun lelen mi ḥgar kizin. ☩

17 Tamen ni ikewe piti som. Pa ikamam koron ambaimbaijan ma imarmar ta gorgori. Ikamam leyom yan ta imbot saamba mi isu, mi iurur gor-gor ki mai pa koron ta boozomen. Mi ikamam koyom kini boozo bekena leleyom ndabok, mi menmeen yom pa. Mbulu kini boozomen tana izzwe kembei ni imbotmbot.” ☩

18 Sua tiŋgi, ziru tiso paso, zin iwal biibi tana ḥgar kizin imbol be tikam patoronjana sa pa ziru. Mi rimen mi tikam. Tamen ziru tipetekewe zin, tabe tikam som.

19 To zin Yuda pakan ta timbot kar Ikonium mi kar Antiok ta ki Pisidia na, timar. Timar ma tikuru zin iwal lelen be tizem Paulus bizin mi tilae kizin. To timanja na tipun Paulus pa pat, mi tiyaaru tataati ma tila kar zilŋaana. Pa tiso ko imeete kek.

✩ **14:15:** Un 1:1+; Ngo 10:26; 1Kor 8:4; 1Tes 1:9 ✩ **14:16:** Mbo 81:12; Ngo 17:30; 1Pe 4:3 ✩ **14:17:** Mbo 104:27+, 147:8; Mt 5:45; Ngo 17:27; Ro 1:20

◊

20 Tamen waene bizin ta titoto Yesu i, tila tiliu i, to ni imanga mi zinjan timiili ma tilela kar mini. Tikeene ma aigule toro to, ziru Panabas timanga mi tila pa kar Derbe.

Ziru timiili pa kar Antiok ta ki Siria na

21 Paulus ziru Panabas tipet kar Derbe to tizzo uruuunu ambaijana isu tana. Tikam ma tomtom boozo tiurla mi lelen be tito Yesu. To timiili ma tila kar Listara, to tila kar Ikonium. Mana tila kar Antiok ta ki Pisidia na.

22 Mi tipombolmbol zin wal ta titoto Yesu i mi kwon imbol pizin be tikis kat urlaŋana kizin. Mi tiso pizin ta kembei: “Bela temender mbolŋana mi tabaada pataŋana boozo, to tombot lela peeze ki Anutu mi tala kar kini.” ◊

23 Ziru tiwwa na, tiurur zin tomtom ma tiwe mborooŋan be tikam peeze pa lupŋana ki Krisi ikot kar tataŋa. Mi tingalseksek zitun pa kini kannŋana mi tizunŋun, mi tiur zin ila Merere, ta zin tiurla kini i, namaana. To tizem zin. ◊

24 Tipa pa lele pakaana ki Pisidia ma imap. To tila tipet lele pakaana ki Pampilia.

25 Tiso uruuunu ambaijana isu kar Perga, mana tisula kar Atalia.

26 To tikam woongo su tina, mi tikwai ma timiili ma tila mini kar Antiok. Pa zin tonŋmatiziŋ ki Krisi ta timbot kar tana, ta muŋgu tiur Paulus ziru Panabas pa uraata, mi tisuŋ Anutu be ikampe zin mi mataana pizin. Mi iŋgi tila ma tikam uraata ma imap, ta timiili ma timer mini i. ◊

◊ **14:19:** 2Kor 4:9, 11:25; Ga 6:17; 2Tim 3:11 ◊ **14:22:** Mt 7:14, 16:24; Ngo 11:23; 1Tes 3:3+; 2Tim 3:12 ◊ **14:23:** Ngo 6:6, 13:1+; Tit 1:5 ◊ **14:26:** Ngo 13:1+

²⁷ Tana timar tipet kar Antiok, to ziñan lupñana ki Krisi tilup zin mi tiwidit mbol pa uraata ta Anutu ipombol zin pa ma tikam na. Mi tiso pizin ta kembei: Anutu, ni ikaaga kataama pizin wal ta Yuda somñjan i mi zin tiurla kek.

²⁸ Mi ziñan waen bizin ta titoto Yesu i ta ki kar tana timbel mbotñana.

15

Wal pakan kwon imbol pizin wal ta Yuda somñjan i be tito tutu ki Mose

¹ To tomtom pakan timbot Yudea mi tisula kar Antiok. Mi timanga ma tizzo pizin tonmatizij ta ki Krisi i ta kembei. Tiso: “Ai, niom wal ta Yuda somñoyom i, bela koto tutu mi mbulu ta Mose iur na, mi tireete yom, tona Anutu ikamke yom. Mi sombe koto som, inako Anutu ikamke yom som.”

² Paulus ziru Panabas tileñ sua tana na, keten malmal pa. Tabé ziñan tiparzooro. Timbel sua soñana. To tilup lelen, mi tiur Paulus ziru Panabas mi waen bizin pakan ta ki Antiok na be tisala Yerusalem, mi tire zin ñgonjana pakan ziñan zin mboronjan, mi tiurpe patañana ti.[◊]

³ Tana lupñana ki Krisi iurpe zaala pizin, mi tiur zin ma tila. Tiwwa pa lele pakaana ki Ponisia ma Samaria, mi tizzotartaara zin tonmatizij ta timbot tana ta kembei: Wal boozomen ta Yuda somñjan i, titooro lelen mi tiurla ki Merere kek. Tana waen bizin tileñ ma lelen ambai kat.[◊]

⁴ Tila tipet Yerusalem, to lupñana ki Krisi ziñan zin ñgonjana mi mboronjan lelen ambai pizin mi

[◊] **15:2:** Ga 3:5,10, 5:2+; Pil 3:2+; Kol 2:16+ [◊] **15:3:** Ngo 11:18, 14:27

tikam zin ma tila ruumu kizin. Mi zin tipit mbol pa uraata ta Anutu ipombol zin pa ma tikam na, mi waen bizin tana tileñ.

⁵ To zin tutu kan pakau tau tiurla ki Krisi na, timaŋga mi tiso: “Som. Ina kembena pepe. Zin wal ta Yuda somŋjan i, sombe tiurla ki Krisi, na bela tereete zin mi tuur sua pizin be tito tutu ki Mose, ton ambai.”

*Lupŋana biibi ta ipet su Yerusalem mi iur zaala
pizin wal tau Yuda somŋjan i*

⁶ Tabe zin ngojana mi mbororjan tilup zin, mi titiiri sua taiŋgi.

⁷ Tinok sua ma molo, mana kaimer to Petrus imaña mi iso: “O atonjan mi tiziŋjan, niom kuute. Anutu, ni ipei kat yo la mazwoyom ta alok kek, mi ingo yo ma aŋla kizin wal ta Yuda somŋjan i bekena anŋam uruuunu ambaiŋana pizin. Mi zin tileñ na tiurla.◊

⁸ Mi Anutu, ni iute iti tomtom lelende lup kek. Tanata ikam Bubuŋana Potomŋana pizin raraate kembei ta muŋgu ikam piti na, bekena iswe kembei ni leleene ambai pizin tomini.◊

⁹ Mbulu ta ni ikam piti mi zin, ina raraate men. Ikam ndelndelŋa som. Pa urlaŋana kizin ta ikam ma Anutu ipus zin ma lelen ingeeze.◊

¹⁰ Mi ingi parei ta kusu mi koso kuur pataŋana ise kizin wal poponjan ta titoto Yesu i? Niom kere. Tumbundu bizin ta muŋgu muŋgu mi imar ma isu kit i, iti tarao be toto kat tutu? Som. Tana

◊ **15:7:** Mt 16:19; Ngo 10:9-44, 11:18 ◊ **15:8:** Ngo 10:43+

◊ **15:9:** Ngo 10:43; Ro 10:9+

kere yom. Kokena kozoro Anutu ɳgar kini, to kapamalmal keteene.[☆]

¹¹ Ina som. Pa iti tuurla ta kembei: Munjainjana ki Merere Yesu ta ikamke iti. Koron̄ toro sa som. Mi zin ta kembena tomini.”[☆]

¹² Wal tana tileŋ, mi timap timaane men. To tingun talŋjan pa Panabas ziru Paulus. Pa ziru tiwidit mbol pa mos pakan mi uraata bibip ta Anutu ipombol zin pa ma tikam la zin wal ta Yuda somŋjan i mazwan na.

¹³ Tiso makin̄, to Yems imanya mi iso: “O niom toŋmatiziŋ tio, kelen̄ sua tio ti!

¹⁴ Merere, ni mataana iŋgalŋgal zin wal ta Yuda somŋjan i, mi leleene be ikam zin tomini ma tiwe wal kini bekena tipakur zaana. Sua tingi popoŋjana piti som. Indeeŋe ta Simon ila mi ikam sua pizin wal ta Yuda somŋjan i na, Anutu ikaaga zaala pizin. Ka sua ta ni ila leleene pa kat ma teleŋ kek.[☆]

¹⁵ Mi Anutu kwoono bizin tiso sua tamen tau. Pa tibeede sua ta kembei:

¹⁶ Kaimer to aŋmili mini.

Toinabe aŋjurpe ruumu ki Dabit ta borok su lene na,

mi aŋpamender mini.[☆]

¹⁷ Naso ipei ɳgar kizin tomtom pakan.

To wal boozomen tau Yuda somŋjan ta aŋroogo zin kek be tiwe leŋ, nako tikam kinkiini be tiute yo.

¹⁸ Sua tingi na, Merere kalŋaana. Itunu iswe ta muŋgu kek.”[☆]

[☆] **15:10:** Lu 11:46; Ga 3:10 [☆] **15:11:** Ro 3:24,28; Ga 2:16; Ep 2:5+;
Tit 3:4 [☆] **15:14:** Ngo 15:7+ [☆] **15:16:** Amos 9:11+ [☆] **15:18:**

Yesa 45:21

19 To Yems iso seeŋge. Iso: “Tana nio aŋre ta kembei: Zin wal tau Yuda somŋjan mi ingi titooro lelen ma tiurla ki Merere i, iti irao tuur pataŋjana biibi ise kizin sorok pepe.

20 Miso kembena, na iti bela tebeede ro tasa ila, mi tosotaara zin pa tutu ingoi tabe tito i. Tutu ta kembei: Kini ta tipakur zin merere pakaamŋjan pa i, na zin irao tikan pepe. Mi siŋ mi buzur siŋjana ta kembena, irao tikan pepe. Mi tiyaraama zitun: Kokena timolo ula ka tutu.[☆]

21 Pa ta muŋgu mi imar na, tutu ki Mose ka tomtom bizin tiraō karkari lup. Mi aigule potomŋjana ta boozomen na, tiwatwaata tutu tana ilela lupŋjana murin kizin Yuda.”

Ro ta tibeede pizin wal ta Yuda somŋjan i

22 To zin ḡgonjana ziŋjan zin mboronjan mi waen bizin ta boozomen ta timbot lupŋjana tana, tilup lelen mi ḡgar kizin, mi tiur tomtom kizin pakan be tiwe kwon, mibe tigaaba Paulus mi Panabas ma ziŋjan tisula pa Antiok. Tana tiur Yudas ta zaana toro Barsabas na, mi Silas. Pa ni ziru ta zin toŋmatiziŋ ki Krisi matan ise kizin.

23 Mi tiur ro ila kizin be tikam ma tila. Ro tana, tibeede sua ta kembei ise:

“Niam ḡgonjana niamŋjan zin mboronjan amkam aigule tiam ima piom toŋmatiziŋ tiam ta kombot Antiok, mi Siria, mi Silisia na. Niom ta Yuda som mi kuurla i.

24 “Niam taŋgi amlen kembei tomtom tiam pakan tima, mi tiso sua pakan ta ikam yom ma

[☆] **15:20:** Un 9:4; Kam 20:3+; 1Kor 6:18, 8:7+, 10:14+; Ga 5:19+; Ep 5:3; 1Tes 4:3

leleyom ipata mi kakam ḡgar boozo. Tamen wal tana, niam amgo zin som.

²⁵ Tanata amlup yam, mi niam ta boozomen amyok raraate men be amur tomtom tiam pakān ma tiwe kwoyam, mi amgo zin ma tima i. Mi Panabas ziru Paulus, tomtom kiti ru ta leleyam pizin kat na, ko ziñan tima.

²⁶ Ziru tana tizem kat zitun pa uraata ki Merere kiti Yesu Krisi, mi tiurur zitun ila zaaba kwoono pa ni zaana.[☆]

²⁷ Tana niam iñgi amgo Yudas ma Silas be tikam ro ti ma tima. Mi ziru ko tiso pa kwon tomini.

²⁸ Niam taingi, Bubuñana Potomñana ta ikam peeze piām mi amyok raraate ta kembei: Niam ko irao amur tutu boozo piom na som. Kokena amkam patañana piom. Mi tutu ta tiñgi:

²⁹ Kini ta tipakur zin merere pakaamjan pa i, na kakan pepe. Mi siñ mi buzur siñjanā ta kembena, kakan pepe. Mi komolo ula ka tutu pepe. Tana sombe kagabiizi ituyom kat pa mbulu ta kembei, na niom ko kakam kat mbulu. Sua ta tana. Ambai. Amzem su ti.”[☆]

Zin Antiok kan lelen ambai pa ro kizin Yerusalem kan

³⁰ Zin tomtom ta tingó zin i, tisula ma tipet kar Antiok, to ziñan zin tonmatiziñ tana tilup zin mi tiur ro tana ila kizin.

³¹ Beso tipaata mi tileñ sua pombolñana tingi na, lelen ambai kat mi menmeen zin pa.

[☆] **15:26:** Ng 9:23+, 14:19; 1Kor 15:30 [☆] **15:29:** Tur 2:14, 20

³² Yudas mi Silas, ziru Merere kwoono bizin. Tana tikam sua boozomen pizin Antiok kan bekena tipombol zin ma timender mboljana.

³³ Ziñan timbot pa mazwaana ri, mana kaimer to, zin Antiok kan tiur zin raama lelen ambai, mi timiili ma tisala mini kizin wal ta tingó zin na. [

³⁴ Tamen Silas leleene be imiili som. Tabe ziñan timbotmbot ta tina.]

³⁵ Mi Paulus ziru Panabas na, timbotmbot su Antiok ma molonjana ri. Mi ziñan waen bizin boozomen tiparluplup zin, mi tikamam sua ki Merere pizin mi tipaute zin pa.

Paulus ziru Panabas tiparzem zin

³⁶ Timbotmbot ma Paulus isu to iso pa Panabas. Iso: “Ouo, ituru timiili ma tapa pa karkari, mi tolou waende bizin ta munju tosoyaara sua ki Merere pizin na. Timbot ambai, som som?”

³⁷ Mi Panabas, ni leleene be ikam Yoan Markus ma ziñan tila.[☆]

³⁸ Tamen Paulus itiiri na, ambai be tikami som. Pa kena so pai mataana kana i ziñan tipa pa sua, mi tila tila ma uraata imap, so ambai. Mi ina som. Pa indeeñe ta zin tila Pampilia mi timanga be tipa pa sua na, Yoan Markus izem zin, mi ila lene.[☆]

³⁹ Tana ziru tisu ma keten malmal mi tiparzooro pa. Tabe tiparzem zin. Panabas isu na karau pa Markus, to ziru tikam woongo, mi tikwai ma tila pa mutu Saiprus.

⁴⁰ Mi Paulus, ni ikam Silas. Tana zin toñmatizin ki Krisi tiur zin la Merere namaana, mi tisun Merere be ikampe zin mi mataana pizin,[☆]

[☆] **15:37:** Ngo 13:5; Kol 4:10; 2Tim 4:11; 1Pe 5:13 [☆] **15:38:** Ngo 13:13 [☆] **15:40:** Ngo 13:3

⁴¹ to Paulus ziru Silas timanja ma tila mi tiwwa pa lele pakaana ki Siria ma Silisia, mi Paulus ipombolmbol lupnjana ki Krisi ta timbot lele tana.

16

Timoti ila ma igaaba Paulus ziru Silas

¹ Paulus ziru Silas tiwwa ma tila tipet kar Derbe, to tila pa kar Listara. Kar tana, nañgañ ta tau itoto Yesu i, ni imbotmbot. Zaana Timoti. Naana, ni Yuda nan. Mi iurla ki Krisi. Mi tamaana na, ni Grik. [◊]

² Zin tonjmatiziq ki Krisi ta timbot kar Listara mi kar Ikonium na, timap tiwidit Timoti uruunu.

³ Tana Paulus leleene be ikami ma ila igaabi ma zinjan tila pa uraata. Tana iso mi tireeti. Ikam ta kembei paso, zin Yuda boozomen ta timbotmbot lele tana na, zin tiute Timoti tamaana ni Grik. Kokena tiyo kwon pini. [◊]

⁴ Tona Paulus bizin timanja mini pa pai. Mi tila ma tiwwa pa kar ta boozomen, mi tizzotartaara waen bizin pa sua kizin ngonjana mi mboronjan ta timbot Yerusalem na. Mi tipombol zin be tito zin tutu ta zin Yerusalem kan timbol pa. [◊]

⁵ Tana zin lupnjana ki Krisi, urlaçana kizin izze be imbol kat. Mi aigule ta boozomen tomtom popoñjan tiwedet mi tikanan la sua kizin. Tabé timasak ma tiwe boozo. [◊]

Merere iboobo Paulus be ila mi isoyaara uruunu ambaiñana pizin Masedonia kan

^{◊ 16:1:} Ngo 14:6+; 1Kor 4:17, 16:10; 2Kor 1:19; Pil 2:19+; 1Tim 1:2; 2Tim 1:2 ^{◊ 16:3:} 1Kor 9:20 ^{◊ 16:4:} Ngo 15:28+ ^{◊ 16:5:} Ngo 2:42+, 4:32+

6 Paulus bizin tipa pa lele pakan ki Pirigia mi Galesia. Mi tila lele pakaana ki Asia som. Pa Bubuñana Potomjana ipeteke zin be tikam sua pizin Asia kan pepe.

7 Tiwwa ma tipet lele pakaana ki Misia, to tiso tilae pa lele pakaana ki Bitinia. Tamen Yesu Bubuñana iyok pizin som.

8 Tana tipa pa lele pakaana ki Misia men, mi tisula tipet kar Troas.

9 Mbeñ ta na, Paulus ikeenetondo, mi ire tomtom ta ki lele pakaana ki Masedonia imendernder. Mi tomtom tana itaŋroro i ma iso: “Nu tana kozo mar ta Masedonia i be uulu yam.”

10 Paulus ikeenetondo makin, to niamŋjan * Paulus aman̄ga ma kaŋkaŋ pataaña be amla pa Masedonia. † Paso, amkilaala mbulu boozomen ta ipet na ta kembei: Ingi Merere iboobo yam be amsoyaara uruunu ambaiñana pizin wal ta timbot lele pakaana tana.

Paulus bizin tila kar Pilipai

11 Niam amse wooŋgo mi le isala, to amzem Troas mi amyembut ma amla mutu Samotaras. Be kozeere mini na, amla sor lela Neapolis.

12 To ampa toono mi amlela ta kar Pilipai. Pilipai, ina kar biibi ta ki lele pakaana ki Masedonia. Mi zin Rom kan ta tiur kar tina. Amla to ambot pa aigule pakan.

* **16:10:** Sua “niamŋjan” ti iswe ta kembei: Indeeŋe Paulus bizin timbot Troas na, Lukas ila igaaba zin. † **16:10:** Masedonia, ina lele pakaana ta ki Yurop. Tana indeeŋe Paulus ila ma ikam sua pizin, ina mazwaana mataana kana ta uruunu ambaiñana ila pa zin Yurop kan.

13 Indeeŋe aigule potomjana kizin Yuda be keten su, to amzem kar biibi, mi amla ta yok kezeene a. Pa ina lele ta zin Yuda tiluplup su pa i be tisuŋ. To mbuleyam su mi amkamam sua pizin moori pakan ta tilup zin su tana.

14 Zin moori tana, kizin ta zaana Lidia. Ni moori ki kar Tiatira. Mi uraata kini ta ingomonmoono mburu ta kan mos totoŋan mi ambaimbaiŋan kat. Ni Yuda som. Mi iurla ki Anutu, mi igabgaaba zin Yuda pa sunjana kizin. Ileŋleŋ sua ki Paulus na, Merere ikam uraata pa leleene ma iurla. ☩

15 Tana ziŋan wal kini ta timbot ruumu kini na, timap ma tikam yok. Mana iso piäm. Iso: “Niom sombe kere kembei aŋurla kat ki Merere, na kamar tala ruumu tio.” Itunu imajmaŋ yam, to niamŋan amla ruumu kini. ☩

Tiur Paulus ziru Silas lela ruumu sanaana

16 Indeeŋe aigule ta na, niam amsombe amla mini pa sunjana muriini tana. Tana amla na amse ki moori ta ni mbesooŋo sorok. Moori tana, ni irao iswe koron turkeŋan pakan. Pa bubuŋana sananŋana iru pini tau. Mi pat ta ni ikamam pa uraata kini tana na, sorok som. Mi pat tana, ni ikamam mi iurur la kizin bibip kini.

17 Moori tana ire yam, to itokelkeele yam, mi iboboobo ma iso: “Ai, kere. Wal ti, zin mbesooŋo ki Anutu kor kana kat. Ingi timar be tiso yom pa zaala tabe Anutu ikamke yom pa i.” ☩

18 Inoknok ta kembei pa aigule boozonjana ri. Tabé Paulus ileŋ ileŋ ma keteene malmal, to itoori

✩ **16:14:** Lu 24:45; Yo 6:44; Ngo 13:48; 2Tes 2:13+ ✩ **16:15:** Ngo 16:33, 18:8; 1Kor 1:16 ✩ **16:17:** Mk 1:24,34

mi iñasaara bubuñana sananñana tana. Iso: “Hai! Nio anjur sua pu pa Yesu Krisi zaana. Zem moori tina mi yoota ta buri.” To bubuñana sananñana iko pa moori pataaña. [◊]

¹⁹ To zin bibip ki moori tana keten malmal kat pa Paulus ziru Silas. Pa tire kembei zaala kizin ta tikamam pat pa i, ina imun kek. Tana tikam zin, mi tiyaaru tataata zin ma tila kar keteene be tipamender zin ila zin bibip matan. [◊]

²⁰ Tikam zin ma tila zin peeze kan keran uunu, to tingal sua pizin. Tiso: “Wal tingi, zin Yuda. Mi timar kar kiti ma tikamam mbulu boozo ta ipasaana mboti ki kar. [◊]

²¹ Mi timolo tutu kiti tomini. Pa tipesese zin tomtom be tikam mbulu pakon ta iti Rom kanda irao takam som.”

²² Iwal biibi tilen sua tana to, tigaaba zin mi tiña ziru. Zin peeze kan timanga na tiso ma tiraaza mburu kizin be tibalis zin.

²³ Tona tikam teene mi tibalis zin ma rungun isaana kat. Mana tila tipiri zin lela ruumu sanaana. Mi tiur sua pa menderñana ta imborro kataama i ta kembei: Sombe ikotkaala kataama, na bela namaana tuñ pa. [◊]

²⁴ Ni ilen, to ikam zin mi ipiri zin lela ruumu leleene kat. Mi kumbun ma naman tiloondo pa ke patanpatan ta bibip i, mi tiponjeere.

²⁵ Indeene mberñ lukutuunu na, Paulus ziru Silas tizunjuñ mi timbombo mboe pa Anutu. Mi wal

[◊] **16:18:** Mk 16:17; Ngo 5:16, 8:7 [◊] **16:19:** Ngo 19:25+ [◊] **16:20:** Ngo 17:6 [◊] **16:23:** 2Kor 6:5, 11:23+; 1Tes 2:2

pakan ta ziŋan timbotmbot lela ruumu sanaana na, tiŋgun talŋan mi tilenleŋ zin. [✳]

²⁶ Molo som na, toono ikam kat. Yenyeerje biibi kat itok ruumu sanaana ma ka kataama ta boozomen tikaaga lup. Mi re ma koron ta tiwoo zin pa na, titoptop lup pa naman ma kumbun. [✳]

²⁷ Menderjana ta imborro zin i, ikenne. Beso burup ma imanya be mataana ila na, kataama ta munŋaana men, ta kakaaganan men. Tana iso ko zin tomtom tiko ma tila len lup kek. Tabe ŋgelbuk ikami, to ipas buza kini, mi iso ikuuumu itunu ma kup.

²⁸ Tamen Paulus loŋa kalŋaana biibi ma iso pini. Iso: “Ai! Pasaana itum pepe. Niam munŋoyam ta ambotmbot i.”

²⁹ To menderjana tina iso ma tikam kai imar bekena lele mat. Mi wis ma ila kizin, to itop su Paulus ma Silas kumbun uunu. Pa motonjana biibi ikami tau.

³⁰ Mana ikam zin ma tiyooto, mi iwi zin. Iso: “Bibip tio, inŋi ko aŋkam parei mi Anutu ikamke yo ma aŋbot ndabok?” [✳]

³¹ Ziru tiso pini. Tiso: “Urla ki Merere Yesu. Naso ni ikamke u mi zin wal ta niomŋan kombot ruumu ku na tomini.” [✳]

³² To ziru tikam sua ki Merere pini mi wal boozomen ta ni ziŋan timbot ruumu kini na.

³³ Mbeŋ tamen ta tina, ni ikam ziru mi inŋuru zaaba kwon murinmurin, mi ni ziŋan wal kini ta boozomen tikam yok. [✳]

^{✳ 16:25:} Mbo 119:62; Ep 5:19 ^{✳ 16:26:} Ngō 5:19, 12:7+

^{✳ 16:30:} Lu 3:10, 10:25; Ngō 2:37 ^{✳ 16:31:} Yo 3:16,36, 6:47;

1Yo 5:10+ ^{✳ 16:33:} Ngō 2:41, 16:15, 18:8; 1Kor 1:16

³⁴ To ikam Paulus ziru Silas ma tisala tikan kini ta ruumu kini. Mi ni menmeeni kat. Paso, ziŋan wal kini, ta ingi tiurla ki Anutu i. [☆]

³⁵ Aigule toro, zoŋ ise na, zin bibip ki kar tiŋgo menderŋan pakan ma tila ruumu sanaana mi tiso: “Wal ru tina, kozo zem zin ma tila len.”

³⁶ To menderŋana ta imborro kataama i, ila ma isotaara Paulus pa sua tana. Iso: “Zin bibip tiso mar ta kembei: Niomru Silas irao kala leyom. Tana ingi aŋzem yom i. Niomru kala raama leleyom ambai!”

³⁷ Tamen Paulus iso pizin menderŋan ta timar na ma iso: “Na na som. Zin bibip tina timolo tutu ki Rom kek. Pa niamru ti, tomtom ki Rom. Mi zin titiiri kat uunu tiām som, mi tibalis yam sorok ila iwal biibi matan. To tipiri yam sorok ilela ruumu sanaana. Mi ingi tisu mini ma tiso tiser yam ki keŋana? Irao amlen zin na som. Bela zitun timar ta ti, mi tikam yam ma amla.” [☆]

³⁸ To zin menderŋan tila mi tisotaara zin bibip pa sua ki Paulus. Beso tileŋ kembei Paulus ziru Silas, zin tomtom ki Rom, to timoto kan.

³⁹ Tana zitun tila ma ziŋan tiurpe lelen, tona tikam ziru ma tiyooto, mi tiwi zin be tizem kar tana.

⁴⁰ Ziru tizem ruumu sanaana mi tila, to kaŋkan pa ruumu ki Lidia. Tila tina to, tindeeŋe toŋmatiziŋ pakan ta ki Krisi i. Mi tipombol zin pa sua pakan, tona tizem zin ma timbot, mi ziru tila len.

17

Paulus ziru Silas tila ta Tesalonika a

[☆] **16:34:** Ngo 13:52; Ro 14:17; Ga 5:22; 1Pe 1:8 [☆] **16:37:** Ngo 22:25

¹ Paulus ziru Silas tipa ma tila pa kar Ampipolis ma kar Apolonia, to tizem mi tila kar Tesalonika. Mi kar tina, lupñjana muriini kizin Yuda ta imbotmbot.

² Tana Paulus ito mbulu kini, mi ikoñjuru lupñjana muriini tana. Ni imbotmbot kar tina pa wik tel. Mi aigule potomjan ta boozomen tau zin Yuda keten su pa i, na ni ilelala lupñjana muriini kizin, mi ikamam mos pa Anutu sua kini, mi itomtoombo be ipei ñgar kizin.

³ Ziñjan wal kar kan tizzo sua, mi ni iwesweeze kat sua ki Anutu ta iso pa Mesia bela ire yoyouñjana mi imeete, to imanga mini pa naala. Mi iso sua tana iur ñonoono se ki Yesu. Tana iso pizin mi iso: “Kelenj. Yesu ta anjzo yom pini i, ni Mesia tau.” [◊]

⁴ Tomtom kizin pakan tileñ sua tingi na, tire kembei sua ñonoono. Tana tila ma tigaaba Paulus ziru Silas. Mi zin iwal biibi ki Grik ta tiurla ki Anutu mi tigabgaaba zin Yuda pa sunjana kizin i, ziñjan zin moori zanjan pakan, ta tila tigaaba zin tomomi.

⁵ Tamen zin Yuda tire iwal biibi timokor la kizin, to matan mburmbur. Tana tila tiyo tomooto sananjan pakan ta tiwwa len sorok i ma tilup zin, mi timanja be tikuru zin kar kan lelen. Be molo som na, ororo biibi isala. To wis ma tila Yason rumu kini, be tiru Paulus ziru Silas. Beso tindeejne zin ma ingi, to tiso tikam zin ma tipamender zin ila iwal biibi matan. [◊]

⁶⁻⁷ Tamen tila tiru zin ma som. To tiyaaru tataata Yason mi toñmatiziñ pakan ta ki Krisi i, mi tikam zin ma tila kizin peeze kan ki kar. Mi kalñjan izalla

[◊] **17:3:** Lu 24:26,45+; Ngo 3:18, 18:28 [◊] **17:5:** Ngo 13:45; Ro 16:21;
1Tes 2:2,16+

ma tiso: “Wal ta Yason ikam zin ma tila timbot rumu kini na, tipa pa lele ta boozomen mi tipesese zin tomtom be tikam mbulu bozboozo. Mi inji buri timar tipet kar kit i. Wal tana tizorzooro tutu tau biibi itunu ηonoono ki Rom iur na. Pa tisombe king toro imbotmbot tomini. Zaana Yesu.” [◊]

⁸ Ingi tipiri sua tiŋgi ila, to zin iwal biibi ziŋan zin peeze kan ki kar timaŋga ma tikam ororo biibi pa.

⁹ Tona zin peeze kan tiso pa Yason ziŋan waene bizin ma tikam pat pakan ma ila imbot kizin bekena ipamoto zin. Beso tikam mbulu toro sa mini som, to pat kizin imili. Tiŋgiimi makinj, mana zin peeze kan tizem zin ma tila.

Paulus ziru Silas tila kar Berea

¹⁰ Timbot ma mbeŋ to, zin toŋmatizin ta ki Krisi i karau men mi tiur Paulus ziru Silas ma tila pa kar Berea. Ziru tila tipet na, kaŋkaŋ ma tila pa lupnana muriini kizin Yuda.

¹¹ Zin Yuda ki Berea na, ηgar kizin ambaiŋana. Tiliplip pizin Tesalonika kan. Pa tiŋgun talŋan pa sua, mi lelen ilip be tikam kat ka uunu. Tana aigule ta boozomen tiwatwaata sua ki Anutu, mi titirtiiri sua ta Paulus izzo na: Ko sua kini ηonoono, som som? [◊]

¹² Tabé zin Yuda boozo tiurla. Mi zin Grik nan ta zannjan na, ziŋan tomooto pakan tiurla tomini.

¹³ Beso zin Yuda ta ki kar Tesalonika tileŋ Paulus uruuunu kembei ikamam Anutu sua kini isu kar Berea tomini na, timar be tikuru zin iwal lelen mi tipese zin.

[◊] **17:6-7:** Lu 23:2; Yo 19:12; Njo 16:20 [◊] **17:11:** Yo 5:39

¹⁴ Tamen zin toŋmatizin ta ki Krisi i loŋa men mi tiur Paulus ma ipera lene tai. Mi Silas ziru Timoti na, timbot men Berea.

¹⁵ Zin tau tiur Paulus na, ziŋan tipa ma tila ta kar zaanaŋana Atens a. To Paulus iso pizin ta kembei: “Kimiili ma kala mini pa Berea, to koso pa Silas ma Timoti be loŋa timar.”

Paulus imbot kar biibi Atens

¹⁶ Indeeŋe Paulus imbotmbot Atens mi inam-naama Silas ziru Timoti na, keteene malmal mi leleene ipata biibi kat. Pa irre la pa kar lene na, bok kat pa merere pakaamiŋan kunun.

¹⁷ Tana ni ilelala lupŋana muriini kizin Yuda, mi ziŋan zin Yuda mi wal pakan ta tiurla ki Anutu mi tigabgaaba zin Yuda pa suŋŋana kizin na, tizzo sua. Mi aigule ta boozomen na, ziŋan zin wal ta timarmar pa nol muriini i tomini, ni ziŋan tizzo sua.

¹⁸ Zin wal ŋgarnjan tau tipaute zin tomtom pa ŋgar bibip i, timbot la uunu ru. Ta, tipaata zin be Epikurean. Mi uunu toro na, tipaata zin be Stoik. Ina zin tomini ziŋan Paulus tiparzorzooro. To pakan timaŋga mi tiparso pizin ma tiso: “A, niom kere. To na, iyyo kwoono paso? Ina sa ileŋ la kizin wal pakan, ta izzo na.” Mi pakan tiso: “E-e, ingi ko isombe ikam ma tuurla kizin merere sorok ta kizin wal pakan.” Tiso ta kembei paso, Paulus izzo pa uruunu ambaiŋana ki Yesu mi mangaŋana kini tau.

¹⁹ Tabe timaŋga mi titeege lae pini, to tikami ma tila pa lupŋana kizin biibi ta zaana Areopagus na. To tiso pini. Tiso: “Lak, niam leleyam be amkam kat sua ta nu zzo pa na.

20 Pa koron pakan ta amlen nu zzo i, ina popoŋana piam. Tana leleyam be nu so mini mi amkam kat ka uunu.”

21 Pa zin tomtom ki Atens mi zin leembe ta timbotmbot tana na, re beso tileŋ sua popoŋana sa ta buri ipet i, na irao tilae timaare som. Timap ma kwon itekteege len mi timbombooren.

Mos ta Paulus ikam pizin Atens kan

22 To Paulus imaŋga mi imender la lupŋana tana matan mi iso: “O niom tomtom ki Atens, nio ankilaala yom kembei niom kosombe kembeeze kat pizin merere ta boozomen.

23 Pa aŋwwa pa kar lene ti, mi aŋrre zin koron tau kuzuŋzuŋ pizin i na, aŋdeeŋe artaal ta. Mi bude ta imbot se i, ina iso ta kembei. Iso: ‘Merere ta niam amute zaana som, ta ampo artaal ti pini.’ Lak, Merere soŋana? Ni tau niom kuute i som mi kuzuŋzuŋ pini i, ta nio aŋzzoyaryaara uruunu piom i.

24 “Ni Anutu ta iur toono mi koron ta munŋaana men ta timbot pa. Saamba mi toono katuunu ta ni. Mi urum suŋŋana kana ta tomtom zitun tiwoo pa naman na, ni imbotmbot pa som. [✳]

25 Som ni iru sokorei bekena tomtom tikam pini? Som. Pa ni itunu, ta ikam ma tomtom ta boozomen matan yaryaaranjan, mi ikam koron ta munŋaana men pizin. [✳]

26 Mungu kat, ni iur tomtom tamen ŋonoono. To tomtom tamen ŋonoono tina, ta tomtom ta boozomen un tipet pini, mi timasak ma tirao toono ta boozomen. Mi mungu kek, ni itunu ŋgar

[✳] **17:24:** Un 1:1+; Ngo 7:48+, 14:15 [✳] **17:25:** Mbo 50:10+

kini mi leleene iur pa lele pakaana boozomen tabe tomtom timbotmbot pa. Mi iur len mazwaana be timbot su toono kizin kizin. [☆]

²⁷ Anutu ikam ta kembena bekena ipei ñgar kizin tomtom ma tikam kinkiini be tiute i. Mi iti kembei tomtom mata pisnjana ta izoromrom kosa sa be ikam. Tamen Anutu, ni imbot molo pa tomtom sa som. [☆]

²⁸ Pa pai kitii mi mboti kiti ta tombot su toono tingi na, iti tombot se kini men tau. Mi ina kembei ta tomtom tiom mboe kan pakan tisombe: ‘Iti ta boozomen na, Ni lutuunu bizin.’ [☆]

²⁹ “Tana sombe Anutu lutuunu bizin iti, na irao takam ñgar ma toso ni kembei koron kunun ta tomtom tiurpewe pa pat milmiljan na som. Pa Anutu ñonoono na, ni kembei merere soroksorok ta tomtom matan iur, mi zitun tikam mos pa naman keteene na som. [☆]

³⁰ “Ñonoono, munju zin tomtom kembei matan munjan ma tiute i som. Tanata Anutu ingal matan pa sanaana kizin som. Mi koozi, ni iur sua pizin tomtom boozomen ta timbot irao lele ta munjaana men be tizem kat mbulu kizin sananjan mi titooro lelen. [☆]

³¹ Pa ni itunu iur nol pataanja kek be itiiri iwal ta timap timbot su toono ti pa mbulu kizin mi iur kadoono pizin. Mi kadoono tabe ikam pizin i, ko indeenje men. Mi tomtom ta, Anutu iuri ma zaana imender pa uraata tana kek. Mi iwal ta munjaana men tira be tikilaali paso, ni, Anutu ipei i ma

[☆] **17:26:** Un 2:7 [☆] **17:27:** Mbo 145:18; Ro 1:20 [☆] **17:28:** Kol 1:17; Ibr 1:3 [☆] **17:29:** Yesa 40:18+; Ro 1:22+; Ngo 19:26 [☆] **17:30:** Lu 24:47; Ngo 14:16; Ro 3:25; Tit 2:11+

burup ma imanja pa naala kek.” [◊]

³² Indeeŋe ta tileŋ Paulus kwoono la pa sua lwoono tau “burup ma imanja pa naala kek” na, tomtom kizin pakon tiseenje pini. Mi pakon na, tiso pini ma tiso: “Kozo kaimer to so sua tana mini ma amleŋ.”

³³ To Paulus izem zin mi ila.

³⁴ Mi tomtom pakon tiurla, tana tila tigaabi. Zin ta tito i ḥan na, kizin ta zaana Dionisis. Ni tomtom ki lupjana biibi tana. Mi moori ta, zaana Damaris, ni iurla tomini. Mi zin pakon.

18

Paulus ikam uraata su kar Korin

¹ To Paulus izem Atens mi ila kar Korin.

² Ila to indeeŋe Yuda ta. Zaana Akwila. Ni, naana ipeebi su lele pakaana ki Pontus. Mi waene zaana Prisila. Ziru timbot Itali mi timar. Pa Klodias, ta Kaisa ki Rom na, iur sua be zin Yuda ta timbotmbot kar biibi Rom na, timap ma tizem Rom mi tila len. [◊]

³ Paulus ila be ire ziru, to ziŋan timbotmbot mi tikamam uraata pa mbili kulin ma koron, be tisese ma iwe kembei ta sel. Pa uraata ta ziru waene tikamam, ina Paulus uraata kini tomini be ikam le pat. [◊]

⁴ Mi aigule potomjan ta munjaana men tau zin Yuda keten su pa i na, Paulus ilelala lupjana muriini kizin, mi ziŋan zin Yuda mi zin Grik tizzo sua. Pa iso ikam zin ma tiurla.

[◊] **17:31:** Mbo 9:8, 96:13; Ngo 2:24, 10:42 [◊] **18:2:** Ro 16:3; 1Kor 16:19; 2Tim 4:19 [◊] **18:3:** Ngo 20:34; 1Kor 4:12; 1Tes 2:9; 2Tes 3:7+

5 Indeeňe Silas ziru Timoti tizem Masedonia mi timar tipet na, Paulus izem uraata ta ikamam pa mbili kulin na, mi mataana iŋgalŋgal sua kamjana men. Ni izzokatkat pizin Yuda ta kembei: Mesia kizin na Yesu tau.

6 Tamen zin tizerzoori mi tiwirri sua sananjan boozo pini. Tabé itir ululu pa mburu kini ma isu pizin, mi iso la nin. Iso: “Ambai. Mi sombe kala leyom, na niom uunu tiom tau. Mi kuur mar tio pepe. Iŋgi buri be aŋzem kat yom, mi aŋla kizin wal ta Yuda somjana i.” [◊]

7 To izem zin, mi ila imbot ki Titius Yastus. Ni Yuda som. Mi iurla ki Anutu mi igabgaaba zin Yuda pa sunjana kizin. Mi ruumu kini igarau lupjana muriini kizin Yuda.

8 Mboronjan mataana kana ta ikamam peeze pa lupjana muriini tana, ni zaana Krispus. Ni ziŋan zin wal ta timbot ruumu kini na, timap tiurla ki Merere. Mi zin men som. Tomtom boozomen ki Korin ta tileňleň sua na, tiurla mi tikam yok. [◊]

9 Mbeň ta na, Paulus ikeenetondo, mi ire Merere ipet kini ma iso: “Moto kom pepe, mi maane pa sua pepe. Tekteege sua ta kembena. [◊]

10 Pa nio aŋbotmbot raamu. Mi tomtom sa ko ikam malmal pu be ipasaanu na som. Pa kar ti, iŋgi nio wal tio boozomen ta timbotmbot i.” [◊]

11 Tana Paulus imbot kar Korin ma irao ndaama ta mi pakaana, mi ikamam sua ki Anutu pizin.

12 Indeeňe ta Galio imborro lele pakaana biibi ki Akaia na, zin Yuda tilup lelen mi timanja pa

[◊] **18:6:** Ezek 33:7+; Mt 10:14+; Ngo 13:46; Ro 1:16 [◊] **18:8:** Ngo 16:15,33; 1Kor 1:14 [◊] **18:9:** Ngo 23:11; 1Kor 2:3 [◊] **18:10:** Mt 28:20; Yo 10:16

Paulus. To tikami ma tila tipamenderi ila Galio mataana.

¹³ Tila to tiso: “To ti, ni ipandelndel zin tomtom, mi iso ikam be itooro zin ma tito zaala poponjana pa sunjana ta tikamam pa Anutu i. Tana ni ikamam zooronjana pa tutu ki Rom.”

¹⁴ Paulus be kwoono ikaaga pa sua. Som mi, Galio iso pizin Yuda. Iso: “Niom Yuda keleñ. Sombe tomtom ti ikam mbulu sananjana ḥonoono sa tabe kakami ma kamar pa i, so irao aŋleñ yom mi itijan tuurpe.

¹⁵ Mi ingi niomnjan kaparzooro pa sua mi tutu tiom Yuda men, mi tomtom zan ma koron ta kemberi. Tana niom ituyom kuurpe. Pa nio leleñ be antiiri sua sorok ta kembena som.” [✳]

¹⁶ To iser zin ma tipera mat.

¹⁷ To iwal biibi timanja pizin mi tipun Sostenes pataanja isu sua urpenjana muriini tana. Pa ni ta imborro lupnjana muriini kizin Yuda isu kar tana. Tikamam na, Galio mataana ila pizin risa som.

Paulus imiili mini ma ila pa kar Antiok ta Siria a

¹⁸ Paulus ziñan zin tonmatizin ki kar Korin timbot ma molonjana ri, mana iteege naman mi izem zin. Pa isombe imiili ma ila lele pakaana ki Siria mini. Mi Prisila mi Akwila tigaabi. Tizza woongo su kar Kenkrea, mi tipup Paulus ute ruunu ma isu lene. Pa ina iwe kilalan pa sua mboljana ta ni imbuk pa Anutu na. Mana woongo ilela be ikam zin. [✳]

¹⁹⁻²¹ Tikwai ma tila tipet kar Epesus, to Paulus ilela lupnjana muriini kizin Yuda ma ziñan zin

[✳] **18:15:** Yo 18:31; Ng 23:29, 25:18+ [✳] **18:18:** Nam 6:18; Ng 21:24

Yuda tiparzorzooro pa sua. Zin Epesus kan tiso tiruuti be zijan timbot ma molorjana ri. Tamen ni ipiyar. To iteege naman mi iso pizin. Iso: “Anutu itunu tau. Sombe leleene be aŋmili ma aŋma tiom mini, nako kena.” Iso ta kembei, mi keŋ se wooŋgo mini be ila pa Sisarea. Mi Prisila ziru Akwila na, timboren Epesus. *

²² Paulus ila ipet kar Sisarea, to kaŋkaŋ ma isala Yerusalem be ire lupnjana ki Krisi ma zijan tiso sua ri. Mana isula mini pa kar Antiok.

Paulus imanja pa pai kini ta iwe tel pa

²³ Ni imbot molorjana ri isu Antiok, mana imanja mini pa pai ma iwwa pa lele pakan ki Galesia mi Pirigia, mi ipombolmbol zin wal ki lele tana ta titoto Yesu i.

Apolos ikam Anutu sua kini isu kar Epesus mi Korin

²⁴ Yuda ta, ni imar kar Epesus. Zaana Apolos, mi kar kini Aleksandria. Mi ni tomtom ŋgarnjana mi kwo suanjana. Mi ikam kat ŋgar pa sua ki Anutu.

²⁵⁻²⁶ Ni, tipaute i pa zaala ki Merere kek. Tana sua kini ta izzo pa Yesu na, indendeeŋe men. Mi izzo katkat sua raama leleene, mi ikamam sua mbolnjana pizin tomtom. Tamen iute yok kamjana ki Yoan men. Tana imanja be ikam sua lela lupnjana muriini kizin Yuda, mi Prisila ziru Akwila tileŋi, to tikami ma tila ruumu kizin, mi tisope i pa zaala ki Anutu bekena iute kat.

²⁷ Apolos, ni leleene be ila lele pakaana ki Akaia tomini. Mi zin toŋmatiziŋ ki kar Epesus tiso tipomboli. Tana tibeede ro ta ila kizin Akaia kan ta titoto

* ^{18:19-21:} Ro 1:10; 1Kor 4:19; Ibr 6:3; Yems 4:15

Yesu i, mi tisotaara zin be tiur matan pini. Beso ila ipet to tikami. Apolos ila ipet Akaia na, iuulu kat zin wal ta Anutu ikampe zin ma tiurla kek na. [◊]

²⁸ Pa ni izzwe katkat sua ki Anutu pizin tomtom. Mi ziŋan zin Yuda tiparzorzooro ila iwal biibi matan, mi imendernder mboljana mi ikototo zin. Tabe ikam ma tomtom tikilaala ta kembei: Yesu, ni Mesia. [◊]

19

Paulus ikam Anutu sua kini isu kar Epesus

¹ Indeeŋe Apolos imbotmbot kar Korin na, Paulus iwwa pa karkari ta timbotmbot abal uteene na, mi ipombolmbol zin urlaŋana kan ma ila ila ma isula kar Epesus. Ila mi indeeŋe wal pakan ta titoto Yesu i,

² to iwi zin. Iso: “Parei, indeeŋe ta niom ku-urla na, kakam Bubuŋana Potomŋana tomini, som som?”[◊] Mi zin tipekel ma tiso: “E-e, niam amlenj sua sa pa Bubuŋana Potomŋana som.”

³ Paulus iso: “Ambai. Mi yok kamŋana pareinjana ta tikam piom na?” To tiso: “Yok kamŋana ta ki Yoan na.”[◊]

⁴ Tabe Paulus iso: “Yok kamŋana ki Yoan, ina iwe kilalan pizin wal ta titooro lelen mi tizem sanaana kizin. Mi Yoan iso pizin tomtom be tiurla ki tomtom toro tabe imar pa kaimer na. Mi ina Yesu tau.”[◊]

⁵ Tileŋ na, tikam yok pataaŋa pa Merere Yesu zaana.

[◊] **18:27:** 1Kor 3:6 [◊] **18:28:** Ngo 9:22 [◊] **19:2:** Yo 7:39; Ngo 2:38, 8:16, 10:44 [◊] **19:3:** Mk 1:4; Ngo 1:5 [◊] **19:4:** Mt 3:11+

⁶ Mi Paulus iur namaana isalakaala zin, to Bubuñana Potomjana imar isalakaala zin lup. To timaŋga na, tiso sua ila karkari kaljan, mi tiwe Anutu kwoono ma tiso kaljaana pizin tomtom.◊

⁷ Zin tomooto tana ko kembei laamuru mi ru sa.

⁸ Mi puulu tel, ta Paulus ziŋan zin Yuda tiparzorzooro pa Anutu peeze kini lela lupjana muriini kizin. Ni imototo som. Kwoono imbol mi izzokatkat sua. Pa iso ikam zin ma tiurla.

⁹ Tamen zin pakan na, ḥgar kizin imbol. Tabé tiurla som, mi tipiri sua sanannjana pa Merere zaala kini ila iwal biibi matan. To Paulus izem zin, mi ikam zin wal ta titoto Yesu i ma tila. Mi aigule ta boozomen ziŋan tiluplup zin lela ruumu biibi ki Tiranus, mi tizzo sua.◊

¹⁰ Tikamam ta kembei ma irao ndaama ru. Tabé zin Yuda mi Grik ta timbot lele pakaana biibi ki Asia na, timap tileŋ Merere sua kini.◊

Seba lutuunu bizin

¹¹ Anutu ipombolmbol Paulus ma itortooro mos mburannjan ma tiwedet. Mos tana tipa ndel kat.◊

¹² Ikamam ma sombe koron kini riŋariŋa kembei ta kawaala kini pakanpakan na ila ise wal meteŋjan, to nin ndabok. Mi zin tau bubuñana sanannjan tiru pizin na, tiyotyooto pizin ma nin ambai.◊

¹³ Zin Yuda pakan ta tizirziiri bubuñana sanannjan na, zin timbotmbot i. Mi tiwwa ma tiso tiziiri bubuñana sanannjan pizin tomtom pa Merere Yesu zaana tomimi. Tana tizzo sorok pizin bubuñana sanannjan ta kembei: “Yesu ta Paulus

◊ **19:6:** Ngo 2:4, 8:17, 10:44+ ◊ **19:9:** 2Kor 6:14+ ◊ **19:10:** Kol 1:6 ◊ **19:11:** Ngo 5:12+, 14:3; 2Kor 12:12 ◊ **19:12:** Mk 16:17+; Ngo 5:15

izzoyaryaara uruuunu i, ta nio aŋmender se ni zaana mi aŋur sua piom be koyooto.”[⊗]

14 Mi Yuda ta, zaana Seba. Ni biibi ta kizin patoronjana kan na, lutuunu бизин lamata mi ru ta tikamam ta kembei tomini.

15 Tamen aigule ta na, tikam ta kembei, mi bubuŋana sanannjana ipekel kalŋan ma iso: “Yesu, nio aŋute i. Mi Paulus na, aŋlenlen uruuunu. Mi niom tina na, aŋkankaana piom.”[⊗]

16 To tomtom tau bubuŋana sanannjana izeebi na, imanya mi ipun zin ma ruŋgun isaana. Pa mburaana ilip kat pizin. Mi iraraaza mburu kizin ma isu lene lup. To timanya na tiko pa ruumu tana ma tila len.

17 Zin Yuda ma zin Grik ta boozomen ta timbot kar Epesus na, tien urun, to motorjana biibi ikam zin, mi tiwidit Merere Yesu zaana ma isala ta kor a.

18 Mi wal urlaŋjan boozomen timar ma tizzwe mbulu kizin sananŋan ila iwal matan.

19 Mi wal boozomen ta tikamam naborou na, timar raama ro kizin ta naborou kan sua izze i. To iwal biibi tirre, mi tiswiri sala you ma ikan ma imap. Beso titoombo tirobon ro kizin tana kadoono na, sorok som kat Ko irao kembei pat milmilŋan 50,000 ma ingi.

20 Ina zaala tana ta Merere ipombol sua kini ma irak ma irao lele. Pa sua iloondo raama mburaana. Tabe zin wal ta tiurla i, timasak ma tiwe boozo.

21 Uraata ti ilae, mana kaimer to Bubuŋana ipazal Paulus, mi ni ikam ŋgar be ipa ma ila pa lele pakaana ki Masedonia ma Akaia, tona imiili mini

[⊗] **19:13:** Mk 9:38 [⊗] **19:15:** Mk 1:34

pa Yerusalem. Mi ikam njgar ta kembei. Iso: “Anja tinga mungu, mi kaimer to ko anja aŋre zin Rom kan tomini.”²²

²² Tana iŋgo Timoti mi Erastus, gaabanjana ru ta tiuluuli pa uraata i, be timuuŋgu ma tila Masedonia. Mi ni imbot njana ri isu lele pakaana ki Asia.

Malma biibi ipet su Epesus

²³ Indeeŋe mazwaana tana, Merere zaala kini iwe uunu pa malma biibi ma ipet su kar Epesus.²³

²⁴ Tomtom ta, ni zaana Demitrius. Ni uraata kini be iurpewe zin koron pa pat silba. Mi koron ta, ta ni iurpewe zin na, ina urum ki merere Artemis kunun. * Zin uraata kan kini timbelmbel pat kamnjana pa koron ta tana.

²⁵ Tana Demitrius iboobo zin uraata kan kini ma timar, mi ziŋan tomtom pakan ta uraata kizin raraate na, tilup zin. To imaŋga na iso pizin.

Iso: “Ou, niom kuute, iti uraata kiti tingi ta tayaryaaru pat boozo pa i.

²⁶ Mi Paulus tana, niom ituyom kere i mi keleŋi lup kek. Ni kwo mboljana, mi inoknok sua ta kembei: ‘Merere kunun ta tomtom tiurpe pa naman na, ina Merere ɣonoono som.’ Tana ipandelndel zin Epesus kan boozo ma titoro zin kek. Mi ingi be ikam Asia ka tomtom bizin ma timap i.²⁴

²⁷ Tana aŋso kere iti kek? Pa ingi be toporou sala patanjana i. Pa to tana ko ikam ikam ma tomtom tirepiili uraata kiti. Mi tina men som. Ko ikam patanjana pa merere kiti zaanaŋana Artemis

* **19:21:** Ro 1:11+, 15:23 **19:23:** 2Kor 1:8+ **19:24:** Artemis, ni merere pakaamnjana kizin Griķ. Mi ni moori. **19:26:** Mbo 115:4; Yesa 44:10+; Ngo 17:29; Tur 9:20

tomini. Pa ina kola ikam ma urum kini iwe koronj sorok. Mi Artemis zaana ta kembena. Koozi zin iwal biibi ki Asia mi toono ta boozomen tipakuri. Tamen Paulus ko ikam ma iwe koronj sorok.”

²⁸ Zin tileŋ sua tana, to ipas keten ma tau timaŋga ma kalŋjan izalla ma tiso: “Artemis, ni merere kiti Epesus. Ni ta zaana biibi tau!”

²⁹ Molo som na, ororo isala ma irao kar biibi. To keten malmal mi titeege lae pa Gaius ziru Aristakus. Pa ziŋan Paulus tiwwa tau. Wal ru tina, zin Masedonia kan. Karau lae pizin mi tiyaaru tataata zin ma tila lele tau iwal biibi tiluplup zin su pa i.

³⁰ Paulus, ni iso ila ipet iwal biibi matan be iso sua pizin. Tamen wal pakan ta titoto Yesu i tipeteke i.

³¹ Mi guraaba pakan ki Paulus ta timborro lele pakaana ki Asia na, zin tomini tipeteke la pini be ila iso runguunu pizin iwal biibi tana pepe.

³² Mi iwal biibi ta timbotmbot na, tikamam ororo ma kalŋjan izalla ta kor a. Tomtom pakan kalŋjan izalla pa koronj ta, mi pakan tizzo len sorok pa sua toro. Pa zin boozo ta timar tilup zin na, tiute lupŋjana tana ka uunu som.

³³ To zin Yuda timaŋga na tipusuk Alisande ma ila ta mataana a. Mi tomtom pakan tire i, to tiso ko ni ta iwe uunu pa malmal tana. To Alisande iur namaana pizin iwal biibi be lele ikam kinj mibe isope zin.

³⁴ Tamen zin matan ila na, tikilaali kembei ni Yuda. To tilup kwon mi kalŋjan isala ta kor a. Tiso: “Artemis, ni merere kiti Epesus. Ni ta zaana biibi tau!” Tinoknok ta kembei ma irao mazwaana molonjana ri.

³⁶ Tana kuskus ki Epesus iman̄ga, to zin timaane mi tingun taljan pini. To ni iso: “O niom tomtom ki Epesus, toono ta boozomen tiute iti makin̄. Iti tingi ta tomborro merere zaanañana Artemis urum kini ramaki kunuunu ta imbot saamba, mi itop ma isu na. Tomtom sa irao izooro iti pa koron̄ taingi na som. Tana kakam mbulu kankaanañana pepe. Kamane!

³⁷ Pa wal ta kakam zin ma timar i, zin tipasaana urum ka kosa sa som. Mi tikam sua repiiliñana sa pa merere Artemis som.

³⁸ Sombe Demitrius mi waene bizin ta ziñan tikamam uraata na len sua sa pa tomtom sa, na irao timbot ma ni ka aigule. Pa zin bibip ki titirtiiri sua i, ta timbotmbot i. Tana zin irao tila kizin, to ziñan tiurpe sua.

³⁹ Mi sombe sua pakan sa ta leleyom be koso, na kuur la lupñana ki kar namaana be titiiri mi tiurpe. Naso koto tutu kiti.

⁴⁰ Pa koozi iti tososor pa mbulu kek. Tere na, ororo tingi ka uunu sa som. Mbulu ta koozi kakam na, sombe tiwi iti pa ka uunu, ko tepekel be parei?”

⁴¹ Tana iso makin̄, mi kaimer mana iso: “Kala leyom!” To timureege ma tila len.

20

Paulus ila ire zin Masedonia kan mi zin Grik

¹ Orooro biibi tana imap, mana kaimer to Paulus iboobo zin wal ta titoto Yesu i ma tila tilup zin, mi isotaara zin kembei ni be izem zin. Tila mi ni ipombol zin pa sua pakan, to izem zin ma timbot, mi iman̄ga ma ila pa Masedonia.

² Iwwa ma ila beso ipet lele sa mi indeeŋe wal pakan ki Krisi, to ipombol zin pa sua boozo, mana ipa mini. Iwwa ma ila mi ipet lele pakaana kizin Grik,

³ to imbot pa puulu tel. To iso imanja mi ikam woongo be ila lele pakaana ki Siria. Som mi ilen kembei zin Yuda timbuuru kana. To itoori mini be ipa pa lele pakaana ki Masedonia.[◊]

⁴ Mi wal ta ni ziŋan tila ta zan tis: Sopata ta Pirus lutuunu i, ni ki kar Berea, mi Aristakus ziru Sekundus ki kar Tesalonika, mi Gaius ki kar Derbe, mi Timoti, mi Tikikus ziru Tropimus ki Asia.

⁵ Zin tina timuuŋgu ma tila tizza yam su kar Troas.

⁶ Mi niam pakan na, ambot kar Pilipai pa lupŋana biibi ki narabu ta yis somŋana i. Ina imap, to amla ma amkam woongo. Amkowo pa aigule lamata, mana amlela Troas. To amdeeŋe zin. Mi ambot Troas pa aigule lamata mi ru.

Paulus ipei Yutikus ma imanja mini

⁷⁻⁸ Indeeŋe aigule mataana kana na, niam amlup yam pa kini kannjana mi sunŋana lela rumu leleene ta imbot kor. Mi Paulus ziŋan zin tomtom tizzo pa sua ki Anutu ma ila mbeŋ lukutuunu. Pa aigule toro to pai. Mi titun lam boozomen.[◊]

⁹ Mi naŋgan ta, ni zaana Yutikus. Imbutultul se miiri kwoono mi iŋgungun talŋaana pa sua. Paulus ziŋan zin tomtom tizzo ma tizzo be molo som na, Yutikus mata ŋenneene. To itur ma som mi imbot.

[◊] **20:3:** 2Kor 11:26; 1Tes 2:15+ [◊] **20:7-8:** Yo 20:1+; 1Kor 16:2

Ta kembei men ma ikanamaala itunu risa som. Tabé imalaala to iwwa. Itop pa ruumu leleene ta kor a ta iwe tel pa i, mi isula ta toono a. Wis ma tila be naman su pini na, Yutikus ni imeete ma kup kek.

¹⁰ Tamen Paulus isula toono, to isala ḥwaana mi isou i. To iso pizin. Iso: “Leleyom ipata pepe. Ni mataana iyaara mini kek.”[◊]

¹¹ Paulus imiili ma isala mini, to titete narabu ma tikan, mi ni izzo sua pizin ma berek su. To izem zin mi pai.[◊]

¹² Mi Yutikus na, tikami ma tila ruumu kini mi lelen ambai kat. Paso, ni mataana yaryaara ma imbot.

Paulus izem kar Troas mi ila kar Miletus

¹³ Paulus iurpe zaala piām be amse woonjo, mi amuuŋgu ma amla kar Asos, to amsa i isu tana. Mi itunu na, ipa toono.

¹⁴ Imar ma indeenje yam su Asos, to amkami mi amkwai ma amla mutu Mitilene.

¹⁵ Amkeene ma aigule toro na, amla amdeenje mutu Kios. Kozeere na, amar ampet mutu Samos. Mi kozeere mini na, kaŋkaŋ ma amla amkam kar Miletus.

¹⁶ Paulus ipiyar. Pa leleene be ila Yerusalem, mana lupŋjana biibi ki Pentekos ipet. Tana leleene be ilela ta kar Epesus som. Pa imoto: Kokena ilela, to imbotmbot ma molo su lele pakaana ki Asia.

Paulus ipombol zin mboronjan ki Epesus pa sua pakan

[◊] **20:10:** 2Kin 4:32+; Ngo 9:40 [◊] **20:11:** Lu 22:19

17 Tana Paulus imbot kar Miletus, mi ikam sua ma ila pa lupñana ki Krisi ta imbot kar Epesus na, be mborøjan kizin timar.

18 Timar tipet, to iso pizin. Iso: “Kelenj. Indeeñe aigule mataana kana ta añmar añpet lele pakaana ki Asia, mi imar imar ma indeenj koozi na, mbulu tio ta añkamam na, niom kere kek.

19 Zin Yuda timbukmbuk koñ kiizi totomen, mi tikamam patañana boozo pio, mi tomtom tipamiañ yo kat. Tamen nio añkototo ituñ, mi añbesmbeeze pa Merere raama tiñiizi.

20 Mi niom kuute: Sua boozomen ta irao be iuulu yom na, añwatkaala sa piom som. Añzzo sua su mat keteene, mi añmama ruumu ma añzzo yom pa tomini.◊

21 Kwoñ imbolmbol pizin Yuda, mi zin Grik tomini, be tizem sanaana kizin, mibe titooro ñgar kizin ma ila ki Anutu, mi tiurla ki Merere kiti Yesu.◊

22 “Mi buri na, Bubuñana Potomjana imañga pio be añaña Yerusalem. Mi añkankaana pa. Ko mbulu pareñana ipet pio su tana?◊

23 Nio añute men tau kar boozomen ta añaña pa i, na Bubuñana Potomjana izzo yo ta kembei: Ruumu sanaana, mi patañana boozo ta izza yo a.◊

24 Tamen nio añaña ta kembei: Ituñ mbotñana tio, ina koron sorok. Pa añkamam ñgar men pa uraata ta Merere kiti Yesu iur mar nomoñ i be añkiskis mi añañposop kat. Uraata tana na, ta kembei: Uruunu ambaiñana ta iso pa munaiñana mi kampeñana ki Anutu na, bela añaña pizin tomtom mi kwoñ imbol

◊ **20:20:** Mbo 40:10 ◊ **20:21:** Ngo 2:38 ◊ **20:22:** Ngo 20:16

◊ **20:23:** Ngo 9:16

pa.◊

25 “Kere. Niom tiŋgi, muŋgu nio aŋbotmbot la mazwoyom mi aŋzzo yom pa peeze ki Anutu. Mi ingi buri na, aŋute kat tau tiom tasa ko irao ire motoŋ mini som.

26 Tana koozi nio aŋso kat yom ta kembei. Sombe tomtom tiom tasa ila lene, ina uunu tio som.◊

27 Pa nio aŋwatkaala sua sa piom som. Ngar ta boozomen ki Anutu, ta aŋso yom pa ma imap lup.

28 “Motoyom ingal ituyom, mi sipsip boozomen ki Anutu ta Bubunjana Potomjana iur yom be komboro zin na. Kombororo kat lupnjana ki Anutu. Pa ni ingiimi zin pa itunu Lutuunu siŋiini.◊

29 Mi nio aŋute. Sombe aŋzem yom, inako wal pakan timar kembei ta me saŋsaŋjan, mi tigaaba yom ma tipasaana Anutu wal kini.◊

30 Mi niom ituyom tomini, tomtom tiom pakan kola timaŋga, to tipabogboogo sua ŋonoono, mi tiyaaru wal pakan ta titoto Yesu i be tito zin.◊

31 Tana kere yom pizin. Mi motoyom ŋgal ndaama tel ta itiŋjan tombotmbot na. Mazwaana tana, nio aŋmaane piom som. Aŋzzopewe yom tataŋa pa mbeŋ ma aigule raama tiŋiizi.◊

32 “Mi ingi buri aŋso aŋjur yom la Anutu namaana. Tana kwoŋ imbol piom ta kembei: Motoyom ingal Anutu sua kini ta iso pa muŋaiŋana kini. Pa ina ko ipombol yom, mi iuulu yom be

◊ **20:24:** Ngo 21:13; 2Kor 4:1; Ga 1:1; Pil 1:20; 2Tim 4:7; Tur 12:11

◊ **20:26:** Ezek 3:17+; Ngo 18:6 ◊ **20:28:** 1Tim 4:16; 1Pe 1:18+, 5:2+; Tur 5:9 ◊ **20:29:** Mt 7:15; Yo 10:12; 2Pe 2:1 ◊ **20:30:** 1Tim 1:3-19+; 1Yo 2:19 ◊ **20:31:** Mk 13:37; 1Tes 2:11

kakam matamur kini ambaiñana ta ni imbuksua pa be ikam pizin wal kini.[☆]

³³ Indeeñe ta itiñan tombotmbot na, nio motonj berber pa tomtom sa pat kini, som mburu kini sa be aŋkam leñ i som.[☆]

³⁴ Niom ituyom kere kek. Koron ta iuluulu yo raama zin gaabañoj ti, ina iwedet pa uraata ta ituñ aŋkamam pa nomoñ na.[☆]

³⁵ Aŋkamam ta kembei paso, aŋscombe aŋwe kin ambaiñana piom. Pa iti sombe takam uraata ma biibi, nako lende koron ma irao, mi tarao be tu'ului zin wal ta len koron somñan i. Matanda ñgal Merere Yesu sua kini ta iso: ‘Ñonoono, iti sombe tikam lende koron, na menmeen ti pa. Mi sombe itundu tu'ului zin tomtom pa koron kití, nako ikam ma menmeen ti biibi kat.’ ”[☆]

³⁶ Paulus iso sua tana ma imap to, ziñan tilek kumbun mi tisuj.

³⁷ Tisuj makinj, to timañga mi tila tisou i, mi ziñan titan.

³⁸ Lelen isaana kat pa sua lwoono ri ta isombe zin ko tiraõ be tire mataana mini som. Tana titan makinj, mi tiuri ila woongo.

21

Paulus ila Yerusalem

¹ Niam amparzem yam na, zin timbot mi niam ampet. Mi amkwai ma kaŋkaŋ ma amla pa mutu

[☆] **20:32:** Ngo 14:23; Ep 1:18; Kol 1:12; 1Pe 1:4+ [☆] **20:33:** 1Kor 9:11+; 2Kor 2:17, 7:2; 1Tes 2:5 [☆] **20:34:** Ngo 18:3; 1Kor 4:12; 2Kor 12:14+; 1Tes 2:9 [☆] **20:35:** 2Kor 9:8; Ep 4:28; 1Tes 4:11+; 1Tim 6:18

Kos. Kozeere mini na, amla mutu Rodos. To amla mi amlela Patara.

² Amlela Patara, to amdeene woongo toro tabe ikakat ma ila pa lele pakaana ki Ponisia. Tana amlu yam se mi amla.

³ Amkowo amkowo ma amre la pa mutu Saiprus. To amzem ma imborene, mi ampa ndapet men, mi amkoñuru toono biibi Siria. Amla na amlela kar Tiro. Pa kar tana, ta gorgori woongo tana izemzem mburu su pa i.

⁴⁻⁵ Amla amru zin wal ki kar tana ta titoto Yesu i, to niamñjan ambot pa aigule lamata mi ru. Pa amzza woongo tau. Mi Merere Bubuñana ipatoonjo zin pa mbulu tabe ipet pa Paulus i, tabe tibiigi i be imbot. Kokena isala Ýerusalem. Niamñjan ambotmbot, to amzem zin mi amla. Wal boozomen ta titoto Yesu i, ziñan waen bizin mi lutun bizin, ta timap tiur yam ma amzem kar mi ampera tai. Ampera tai na, amlek kumbuyam mi amsuñ su peende. [◊]

⁶ To amparzem yam mi niam amla ma amsala woongo, mi zin ra, timili ma tila kar.

⁷ To ampet mini, mi woongo iko ma amla mi amlela kar Tolemais. Amre toñmatiziñ pakan, mi niamñjan ambot pa aigule ta.

⁸ To kozeere mini na, amzem zin, mi amla ampet kar Sisarea. To amla ambot ruumu ki Pilip. Ni tomtom ki izzo uruunu ambainjana. Wal lamata mi ru ta munju tiur zin be tiuulu zin ñgonjana pa uraata na, kizin ta ta tiñgi. [◊]

⁹ Ni lutuunu moori bizin pañ ta tiwoolo zen. Mi zin tiwe Anutu kwoono bizin. Pa ni ipatonjoo

[◊] **21:4-5:** Ngo 20:36 [◊] **21:8:** Ngo 6:5, 8:5

zin pa koroṇ pakan.

¹⁰ Niamṇjan ambot pa aigule pakan, mana Merere kwoono ta, zaana Agabus, ni imbot Yudea mi isu.

¹¹ Imar tiam, to ikam lae pa pus ki Paulus, mi ipo itunu namaana ma kumbuunu pa, mi iso: “Bubuṇjaná Potomṇjaná iso ta kembei: Mbulu raraate men ko ipet pa pus ti katuunu. Pa zin Yuda ta timbot Yerusalem a kola tipo namaana ma kumbuunu, mi tiuri la kizin wal ta Yuda somṇjan i namán.” [◊]

¹² Amlenj sua tingi to niamṇjan waeyam bixin tana leleyam be Paulus isala Yerusalem pepe. Tana amtoombo be amruuti.

¹³ Tamen ni iso piām ma isombe: “Ah, tinjizi tiom tingi parei? Koso kakam be kaparru kopon pa pataṇjaná tingi? Sombe tipo yo su Yerusalem, na tipo yo lak! Mi sombe tipun yo ma aŋmeete pa Merere Yesu zaana, ina ambai tomini.” [◊]

¹⁴ Tana amso ma som. Pa ni itunu imbol. To leyam sua sa mini som, mi amso: “Ambai, imbot la ki Merere itunu leleene tau.”

¹⁵ Sua tana imap tona, amkam mburu tiam mi amsala pa Yerusalem.

¹⁶ Wal pakan ki Sisarea ta titoto Yesu i, tiurur Yam, mi niamṇjan amap ma amla ruumu ki Nason, to ambot. Nason tana, ni tomtom ta kizin wal mataana kan ta titoto Yesu i. Mi ni tomtom ki mutu Saiprus.

Paulus ila ipet Yerusalem

[◊] **21:11:** Ngó 20:23, 21:33 [◊] **21:13:** Lu 9:51; Ngó 20:24

17 Amsala Yerusalem mi zin tonmatiziŋ ta timbot tina tire yam, to lelen ambai kat mi timar tikam yam ma amla.

18 Kozeere mini na, niamŋan Paulus amla be amre Yems. Mi amla na, zin mboronjan kizin ta boozomen timar timbotmbot tomini.

19 To Paulus ila ma ire zin, mi ipit mbol pa uraata boozomen ta Anutu ipomboli pa ma ikam la zin wal ta Yuda somŋan i mazwan na.

20 Tileŋ to tipakur Anutu zaana pa. To tisu mini mi tiso pa Paulus. Tiso: “Toyam, re. Zin Yuda boozo kat ta tiurla ki Yesu i. Mi zin timap timbol kat pa tutu. [✳]

21 Mi urum na, imar ma zin tileŋ kek. Pa tomtom pakan tipingisŋgis sua ku ma tiso zin Yuda ta timbotmbot la zin wal ta Yuda somŋan i mazwan na, nu zzo pizin be tipizil ndemen pa tutu ki Mose mi mbulu kitu muŋguŋan, mibe tireete lutun bixin pepe. [✳]

22 Tana ingi ko takam parei mi tupunmeete sua tana? Pa tomtom ko tileŋ urum kembei nu mar kek, to dudut ma timar mi tikam mbulu sa.

23 “Tana leŋ la sua tiām ti mi kam ta kembei. Tomtom paŋ ta timbotmbot i. Zin timbuk sua pa Anutu kek.

24 La kizin ma niomŋan kuurpe yom be kewe ŋgeezenjoyom pa Anutu mataana, mi uulu zin mi

[✳] **21:20:** Ngø 15:1,5 [✳] **21:21:** 1Kor 7:18+; Ga 3:10+, 5:2+, 6:15; Kol 2:16+

giibi pat pa uten ruunu pupñana. * Naso tomtom ta boozomen ki kar ti tire mi tiso: ‘O, to ti uruunu ta imar ma telen na, ina pakaamñana. Pa inđgi ni itoto men tutu ki Mose.’ ²⁴

²⁵ “Mi wal urlaŋan ta Yuda somjan i na, niam amur zaala pizin kek mi ambeeđe ro ila pizin, mi amso pizin be tikan kini ta tipakur zin merere pakaamñan pa i pepe, tikan siŋ pepe, tikan buzur siŋjana pepe, mi timolo ula ka tutu pepe.” ²⁵

²⁶ Tikeene ma aigule toro to, Paulus ila ikam tomtom paŋ tana, mi zinjan tila be tiurpe zin ma tiwe ḡeezeŋan pa Anutu mataana. Ni ila Urum Merere, to iur sua sotaaranjana kizin ise: Ko tikam aigule piizi be tiurpe zitun ma imap, mana tikam patoronñana ma ikot zin.

Zin Yuda titeege Paulus su Urum Merere

²⁷ Aigule lamata mi ru tana be imap. Som mi, Yuda pakan ta timar pa lele pakaana ki Asia na, tire Paulus imbotmbot Urum Merere kwoono. Tabe tila tikuru zin iwal lelen, to tila mi tikiskis lae pini.

²⁸ Mi kalŋan izalla ma tizzo: “Ou, niom tomtom ki Israel, kamar mi ku'uulu yam lak! Tomtom tau iwwa pa lele ta boozomen mi ikamam sua pizin tomtom ta munjaana men kembei iti ramaki tutu kiti mi Urum Merere potomñana tingi na koron sorok, ta itunu tis! Mi buri ḡonoono, ni ikam mbulu

* **21:24:** Zin Yuda tikamam mbulu ta kembei: Sombe tomtom sa imbuķ sua mboljana pa Anutu, na ni, tipupi som ma ila ila beso sua kini iur ḡonoono, to ikam patoronñana pa mbili pakan. Tana zin urlaŋana kan ki Yerusalem lelen be Paulus inđiimi zin mbili pa tomtom paŋ taingi. Naso iswe kembei ni itoto men tutu. ²⁴ **21:24:** Ngo 18:18; 1Kor 9:20 ²⁵ **21:25:** Ngo 15:29

toro ma isala ki. Pa iyo Grik pakan ma tilela Urum Merere potomjana ti ma tau tipasaana ma isaana kat. *

²⁹ (Zin tiso ta kembei paso, muñgu tire Tropimus ta ki kar Epesus i ziru Paulus tiwwa pa Yerusalem. Tana tikam njgar sorok ma tiso ko Paulus ikami ma ziru tilela Urum Merere ka siiri.) *

³⁰ To zin Yerusalem kan timap ma timaŋga ma kalŋan isala. Mi tilonloondo ma timer tile urum lene, to tiyasasaara Paulus mi tiyaaru tataati ma tipera mat, mi tikotkaala kataama pataaŋa.

³¹ Tiso tikam be tipuni ma kup. Tamen sua ikam biibi ɣonoono ta imborro zin malmal kan ki Rom i. Tiso pini ta kembei: Zin Yerusalem kan ta timap ma tikamam malmal biibi.

³² Tabé tikamam, mi biibi ɣonoono tana wis ma isu raama zin malmal kan kini mi zin bibip kizin. Zin Yuda tipunun Paulus, mi tire biibi tana zinjan zin malmal kan kini tuŋ sula, to tizemi.

³³ Biibi tana ila ipet kizin, tona iso ma tikiskis Paulus, mi tipo namaana pa re ru. To iwi zin. Iso: “To tingi, ni asin? Mi ikam so mbulu i?” *

³⁴ Iwal biibi ta timbotmbot i, pakan timaŋga ma tiso pa sua uunu ta. Be pakan timaŋga, to tiso pa uunu toro. Tabé tikam ma biibi tana ipas kat sua ɣonoono sa som. Pa tiso sua ndelndelŋa, mi ororo kizin isala mete. To biibi tana iso ma tikam Paulus mi tiuri lela ruumu mbolŋana ta zin malmal kan timbotmbot pa na.

³⁵ Zin malmal kan zinjan Paulus tipa ma tila ndeete uunu, to tikwaari. Pa iwal biibi tau tiso

* **21:28:** Ngo 6:13, 24:5+ * **21:29:** Ngo 20:4 * **21:33:** Ngo 20:23, 21:11

tikam be tiyatuti.

³⁶ Mi iwal biibi tana titoto zin ma tila, mi timap ma kaljan izalla ma tiso: “A, ila lene. Kupuni ma imeete!” [☆]

Paulus iso sua pizin iwal biibi

³⁷ Zin malmal kan be tikoki Paulus ma tilela ruumu kizin mboljana. Som mi, Paulus iwi lae pa biibi kizin. Iso: “Irao be aŋso sua pu muŋgu?” To biibi tana iso: “Wai! Mi nu zzo Grik kaljan?

³⁸ Pa nio aŋkam ŋgar pa tomtom ki Aikuptu ta uriiizi ŋonoono ipese wal zigzikjan munjaana paŋ (4,000) mi iyaaru zin ma tila pa lele bilimjana be tikam malmal na. Tabe aŋso ko nu tau.”

³⁹ To Paulus iso: “E-e, nio ti Yuda. Aŋmar pa Tasus, ta kar zaanaŋana ki Silisia na. Parei? Irao yok pio mi aŋso sua pizin iwal tingi muŋgu?”

⁴⁰ Biibi tana iyok pini, to Paulus imender sala ndeete, mi iur namaana be iso sua. Iwal biibi tire i, to lele ikam kiŋ. Mi ni iso sua pizin ila zitun kaljan ta Iburu i. Iso:

22

¹ “O atonjan ma tamajan, kuŋgun talŋoyom. Pa nio lelen be aŋso uunu tio ma keleŋ kat.”

² Tileŋi iso Iburu kaljan, to lele ikam kiŋ.

³ Mi ni iso: “Nio ti Yuda. Tipeebe yo su kar Tasus ta ki Silisia na. Tamen nio musaari mi tikam yo ma aŋmar aŋbot kar tingi. Mi aŋkan su tingi ma aŋwe kaibinŋoj. Mi tutu ki tumbundu bizin na, Gamalielbi ipaute yo pa ma imap. Mi nio aŋkam

[☆] **21:36:** Lu 23:18,21; Ng 22:22

kinkiini be aŋto kat mbulu ki Anutu kembei ta koozi niom ta boozomen kakamam i. [◊]

⁴ Zin wal ta titoto zaala popoŋjana tingi na, mungu aŋbelmbel matan seezejana. Mi tomtom kizin pakan na, aŋpun zin ma timetmeete. Mi pakan na, aŋyaryaaru zin ma aŋla aŋjurur zin lela ruumu sanaana. Zin tomooto, mi moori tomini. [◊]

⁵ Biibi kizin patoronjana kan ziŋan zin peeze kan ta boozomen tiute mbulu tio. Zin tirao be tipombol sua tio ti. Pa zin ta tiyok mi tikam ro imar tio, to aŋkam ma aŋso aŋla kizin toŋmatiziŋ kiti ta timbot kar Damaskus na. Pa aŋso aŋla be aŋkam zin tomtom ta titoto zaala tingi na, mi aŋyo zin ma timar Yerusalem be tiseeze matan.

*Paulus iso pa mazwaana ta itooro leleene
(Ngo 9:1-18, 26:9-18)*

⁶ “Tana aŋmaŋga pa pai, mi aŋwwa ma aŋla aŋgarau kar Damaskus. Zoŋ mataana ikam kembei aigule palakuutu mi molo som na, azunjka imbot saamba mi ikelyaara su ma iliu yo ma kembei ta lele ikimit i.

⁷ To aŋtop su toono mi aŋleŋ sua ta isu pio ma iso ta kembei. Iso: ‘Saul, Saul, parei ta nu noknok motoŋ seezejana?’

⁸ Mi aŋpekel ma aŋso: ‘O Biibi, nu asin?’ To pekeljana imar. Iso: ‘Ingi nio Yesu ki Nasaret ta nu seseze motoŋ na.’ [◊]

⁹ Sua tana, waenj bizin ta niamŋjan amla na, tileŋ som. Tigeede men, pa tire azunjka men.

¹⁰ “To aŋwi. Aŋso: ‘Biibi, kenako aŋkam so?’ Mi Merere ipekel kalŋonj ma iso: ‘Maŋga mi lela

[◊] **22:3:** Ngo 5:34+; Ga 1:13+; Pil 3:5+ [◊] **22:4:** Ngo 8:3; 1Kor 15:9;

1Tim 1:13 [◊] **22:8:** 1Kor 15:8; Ga 1:15+

Damaskus, to leñ sua pa uraata boozomen ta lelenj iur pa kek be kam i.'

¹¹ Waenj bizin timar na, titeege nomoñ mi am-lela kar Damaskus. Pa azunjka mburaana mete. Tabe ikam yo ma aŋrao aŋre lele som.

¹² "Kar tana, tomtom ta imbotmbot, zaana Ananias. Ni iur kat leleene pa Anutu, mi itoto tutu. Mi Yuda ta boozomen ki lele tana matan ise kini.

¹³ Ni ikonjuru yo ma imar, to imender lae zilŋoñ uunu mi iso: 'O tiziŋ Saul, motom kam pak lak!' To karau men mi motoñ iyaara mi aŋre i.

¹⁴ To imaŋga mi iso: 'Anutu ta ki tumbundu bizin, ta itunu ipeikatu be ipaute u pa ñgar kini mi leleene, mibe re kat Tomtom Ndeejęjana,* mi leñ sua ila ni itunu kwoono. [◊]

¹⁵ Mi nu be pombol sua kini ila wal ta boozomen matan, mi so zin pa koronj ta nu leñ mi re kat pa motom na. [◊]

¹⁶ Tana maŋga ta buri, kam yok, mi suŋ pa ni zaana be ipusu pa sanaana ku ma ila ne.' [◊]

¹⁷ "Uraata tana imap, tona aŋmiili ma aŋla Yerusalem mini. Aŋbot mi aigule ta na, aŋlala Urum Merere be aŋsuŋ. Aŋzuŋzuŋ na,

¹⁸ aŋkeenetondo mi Merere iso sua pio. Iso: 'Loŋa mi zem Yerusalem ta buri. Pa wal tina, re beso swe uruŋ pizin, na irao tileju som.'

¹⁹ "Nio aŋsu to aŋso: 'Biibi, wal tiŋgi, zin tiute: Muŋgu nio aŋlonloondo pa lupŋana murin ta boozomen, mi aŋtekteege zaaba pizin wal ta tiurla ku na, mi aŋyyo zin ma aŋjurur zin lela ruumu sanaana.

* **22:14:** Tomtom Ndeejęjana na, Yesu tau. [◊] **22:14:** Ga 1:12+; Ep 3:2+ [◊] **22:15:** Ngó 23:11, 26:16 [◊] **22:16:** Ro 10:13; 1Pe 3:21

20 Mi indeenje ta tipun Setepan ma imeete, mi sinjiini ireere paso, izzwe nu urum na, nio anjbotmbot mi anjyok pa mbulu tana. Mi anjmendernder raama mburu kizin wal ta tipununi.’ [◊]

21 “Tamen Merere iso pio. Iso: ‘Maŋga. Pa ingi ango u be la pa lele ta molo kat. Nu ko la kizin wal ta Yuda somŋan i.’” [◊]

Paulus iso ni ki Rom

22 Iwal biibi tiŋgun talŋan ma ilala, beso tileŋ Paulus iso ta kembei, to timaŋga na kalŋan isala. Tiso: “A, to na, kala kupuni ma imeete lak! Imbot ko ikam so?” [◊]

23 Mi tiboboobo ma tiwirri mburu kizin, mi titiyaryaara toono zalla kor. [†]

24 Tana biibi ŋonoono kizin malmal kan iso ma tikam Paulus mi tilela ruumu mbolŋana ta zin malmal kan timbotmbot pa na. Mi iso pizin be tilela to tibalis Paulus pa wooro matanmatanŋana, mi tiwisesi i bekena ipeeze kat uunu tau zin iwal biibi kalŋan izalla pini pa i.

25 Tana tilela mi tipo i be tibalisi. Som mi, Paulus iso la pa biibi tau imborro zin malmal kan i. Iso: “Parei? Tomtom ta ni ki Rom na, sombe kendeeŋe le uunu sa som, ko irao kabalisi sorok?” [◊]

26 Biibi ileŋ sua tana, to ila mi iso pa biibi ŋonoono kizin malmal kan. Iso: “Ingi ko parei? Pa tomtom taingi, ni ki Rom.”

[◊] **22:20:** Ngo 7:58, 8:1 [◊] **22:21:** Ngo 9:15, 26:17+; 1Tim 2:7

[◊] **22:22:** Ngo 21:36 [†] **22:23:** Zin Yuda, sombe tileŋ sua ta ambai som kat, to tikam mbulu ta kembei. [◊] **22:25:** Ngo 16:37

²⁷ Tabe biibi ḥonoono tana ila ma iwi Paulus. Iso: “Ai, so kat. Nu tina, tomtom ki Rom?” Paulus iso: “E. Nio tomtom ki Rom.”

²⁸ Biibi tana imanya to iso: “Nio ti aŋgiibi pat zaanaŋana be aŋwe tomtom ki Rom.” To Paulus iso: “Mi nio na, aŋgiimi som. Pa taman ta ippeebe yo na, ni ki Rom.”

²⁹ Tabe zin ta timar mi timendernder be tiwi Paulus i, timilmili ma timar tila len. Mi biibi ḥonoono tana ire ma imoto kana. Pa Paulus, ni ki Rom. Mi ni iso pizin ma tipo i sorok.

Paulus imender su zin bibip keran uunu

³⁰ Kozeere mini na, biibi ḥonoono kizin malmal kan iso ipas kat sua uunu. Parei ta zin Yuda tingal sua pa Paulus? Tana iboobo zin bibip kizin patoronŋana kan ziŋan zin peeze kan ta boozomen ma tilup zin. To ila ma iputke Paulus, mi ikami ma ila ipamenderi su keran uunu.

23

¹ Paulus ire la pizin peeze kan mi iso: “O niom toŋmatiziŋ tio, ta muŋgu mi imar indeeŋe koozi na, nio aŋyamaana ituŋ kembei aŋkam ḥoobo mbulu sa pa Anutu mataana som.”[☆]

² Biibi kizin patoronŋana kan, zaana Ananias, ilenj sua tana, to iso la pizin wal ta timender kolouŋana i ma tipeeze lae pa Paulus kwoono.[☆]

³ To Paulus iso pini. Iso: “Nu tina, Anutu ko ipunu tomini. Nu kembei didi ta ibuuuzu kek, mi timusmus pen kokouŋana ma ise sorok. Pa mbulu ku mat kana men ta iŋgeeze. Mi lelem na som. Nu

[☆] **23:1:** Ng 24:16; 1Kor 4:4; 2Kor 1:12; 2Tim 1:3 [☆] **23:2:** Yo 18:22+

mbulem su tina be tiiri yo pa tutu tau. Tamen itum molo tutu kek. Pa so pizin ma tipun yo sorok.”[☆]

⁴ Zin wal tau timender kolouŋjana pa Paulus na, timaŋga to tiso: “Wai, kwom pasom biibi kizin patoronŋjana kan paso? Ni sa Anutu tomtom kini na!”

⁵ Paulus ipekel ma iso: “O niom toŋmatiziŋ tio, nio aŋkilaala kembei ni biibi kizin patoronŋjana kan na som. Mibe aŋkilaali, so aŋso sua ta kembei som. Pa sua ki Merere imbot pataaŋa kek ta kembei: Tomtom peeze kana ta imborro yom na, piri sua sananŋjana sa pini pepe.”[☆]

⁶ Paulus, ni iute zin peeze kan tana lup kek. Zin timbot la uunu ru. Pakan na, zin sadusi. Mi pakan na, zin tutu kan. Tabe Paulus kalŋaana mi iso la pizin. Iso: “Niom toŋmatiziŋ tio, kelen. Nio ti tutu koŋ tau. Mi tamaŋ ma anaŋ tomini na, zin tutu kan. Nio aŋjurur motoŋ pa maŋgaŋjana kizin meeteŋjan, tanata tipamender yo pa i.”[☆]

⁷⁻⁸ Paulus ipiri sua ti, to zin peeze kan tana timureege pataaŋa. Pa zin sadusi na, tiurla ta kembei: Sombe tomtom sa imeete, na irao imaŋga mini som. Mi tiso aŋela sa imbot som, bubuŋjana sa som. Mi zin tau tutu kan i na, urlaŋjana kizin toro. Pa tiso zin meeteŋjan kola timaŋga mini, aŋela timbotmbot, mi bubuŋjan tomini timbotmbot.[☆]

⁹ Tana kalŋjan izalla kat ma tiparzorzooro ma ila to, wal ŋgarŋjan pakau tutu kan i kalŋjan sala ma tiso: “Ai, niam amtiiri na, tomtom ti, ni ikam

[☆] **23:3:** Lo 25:1+; Mt 23:27+ [☆] **23:5:** Kam 22:28 [☆] **23:6:** Ngo 24:21, 26:5+; Pil 3:5 [☆] **23:7-8:** Lu 20:27

mbulu sananjana sa som. Ko bubuñana sa, som anjela sa iso sua sa pini ma inđgi.”¹⁵

10 Biibi ḥonoono kizin malmal kan ire ma ambai som. Pa sua iporou mete. Tabe iso pizin malmal kan kini ma tila tikoki Paulus la zin peeze kan tina naman, mi tikami ma tilela ruumu kizin mboljana. Pa imoto: Kokena tiyatut Paulus.

11 Mbeŋ na, Merere ipet ki Paulus mi ipomboli. Iso: “Paulus, moto pepe. Mender mboljana. Pa uruŋ ta swe su Yerusalem, inako swe su Rom tommini.”¹⁶

Zin Yuda timbuuru Paulus kana

12 Kozeere mini na, Yuda pakan tila tilup zin be timbuuru pa Paulus. To timbuk sua mboljana kat pa Merere zaana be tikan kini som, tiwin yok som ma irao tipun Paulus ma imeete.

13 Zin wal ta timbuuru pini na, zin kembei tomoorū mi kwoono sa.

14 To timaŋga na tila tire zin bibip kizin patoronjana kan mi zin mboronjan. Tila to tiso: “Ou, niām tainđgi ambuk sua mboljana kat pa Merere zaana kek ta kembei: Koozi mi ila na, kwoyam ko iteege kini sa som ma irao ampun Paulus ma imeete.

15 Tana niomŋjan zin peeze kan pakan kala ki biibi ḥonoono kizin malmal kan, mi koso pini ta kembei. Koso: ‘Kam Paulus mi kusu. Pa niām amsombe ampas kat sua kini uunu.’ Niom koso kakam ta kembei, na niām ti ko amzaŋzaanji. Beso isu to loŋa ampuni. Mi irao imar ipet lele tīŋgi na som.”

¹⁵ **23:9:** Ngo 25:25 ¹⁶ **23:11:** Ngo 18:9, 27:23+

16 Tamen Paulus woono, ni taljaana ikam kiizi kizin kek. Tana ila ma ilela ruumu mboljana kizin malmal kan mi isotaara Paulus.

17 To Paulus iboobo la pa biibi tau imborro zin malmal kan na ma imar, mi iso pini. Iso: “Kam naŋgaŋ ti ma ila ki biibi tiom ɻonoono. Pa ni le sua ri be iso pini.”

18 Ikami ma tila ki biibi ɻonoono tana, to iso: “Paulus ta imbotmbot ruumu sanaana na, iso pio, tabe aŋkam naŋgaŋ tiŋgi ma niamru amar. Pa ni le sua ri be iso pu.”

19 Biibi ɻonoono ila to iteege naŋgaŋ tina namaana mi ziru men tilae. To iwi i. Iso: “Parei, nu lem so sua i, ta mar pio pa i?”

20 To naŋgaŋ tina iso: “Zin Yuda tilup lelen ma iwe tamen, mi tiso tipun Paulus ma imeete. Ingi ko molo som to sua ikamu be berek, to kam Paulus ma kusula pa lupjana biibi kizin peeze kan be tipas kat sua kini uunu. Mi ina sua ɻonoono som.

21 Tana leŋ zin pepe. Pa zin kembei tomtooru mi kwoono sa, ta ko tizaŋzaanji su zaala. Mi timbuk sua mboljana kat pa Merere zaana kek be tikan kini som, tiwin yok som ma irao tipun Paulus ma imeete. Inga tiurur matan ta timbotmbot a. Beso yok pizin, to tikam mbulu tana.”

22 Biibi ɻonoono ileŋ sua tana to kwoono imbol pini. Iso: “Sua ta so yo i. Kozo so pa tomtom toro sa pepe. Kokena wal pakon tiute kembei nu ta mar mi so yo na.” Iso ta kembei, mi iso pini ma ila lene.

Tikam Paulus ma isula Sisarea

23 Biibi ɻonoono tana imaŋga to iboobo bibip ru kizin malmal kan ma timar, mi iso pizin. Iso: “Kala ma kere zin malmal kan tomto laamuru

(200), mi zin hos kan tomto tel laamuru (70), mi izi kan tomto laamuru (200) be tisula pa Sisarea pa mbej ta koozi.

²⁴ Mi kere hos pakan pa Paulus tomini. Kozo komboro kati ma imbot ambai men ma irao ila ipet ki gabana kiti Peliks.”

²⁵ Mi ibeede sua sotaaranjana ta kembei. Iso:

²⁶ “O biibi tio ηνοονο, gabana Peliks. Nio Kłodias Lisius aŋkam aigule tio ima ku.

²⁷ “Tomtom taingi, zin Yuda tikisi mi tipasaani mabe imeete. Tamen nio aŋmar raama zin malmal kan tio, to amkamke i pizin. Pa aŋlej kembei ni tomtom ki Rom.[☆]

²⁸ Mi nio lelej be aŋpas kat uunu kini. Parei ta zin tikamam sua boozo pini. Tana aŋkami ma ila pa lupnjana biibi kizin peeze kan.

²⁹ Tamen aŋla ma aŋdeeŋe kembei, ni le uunu sa tabe ilela ruumu sanaana, som imeete pa i som. Zin kwon ikanani sorok. Mi ina tiparzorzooro pa zitun tutu kizin tau.[☆]

³⁰ Mi aŋlej kembei wal pakan tikamam to tingi kuziini, tana loŋa men mi aŋseri ma ima ku na. Mi aŋur sua pizin Yuda be tima ku, to ziŋan tikam sua su ta kerem uunu na.”

³¹ Tana zin malmal kan tito sua ki biibi kizin, mi ziŋan Paulus timaŋga pa mbej. Tila tila ma ta Antipatris a.

³² Tikeene ma aigule toro to, zin tau tipa toono i timili mini ma tila ruumu kizin mboljana ta Yerusalem a. Mi zintau tise hos i, ziŋan Paulus tila.

³³ Tikami ma tila tipet kar Sisarea, to tisara ro ila ki gabana, mi tiur Paulus ila kini.

[☆] **23:27:** Ngo 21:30+, 22:25+ [☆] **23:29:** Lu 23:14+; Ngo 18:14+, 25:25, 26:31

³⁴ Gabana ipaata ro makinj, to iwi Paulus: Ni imar pa lele pakaana swoi? Mi Paulus iso ni imar pa Silia.

³⁵ To gabana iso pini. Iso: “Ambai. Mbot mi zin tau tingal sua pu na timar munju, toinabe aŋtiiri sua tiom.” To gabana iso pizin menderjan be tikam Paulus ma tila ruumu biibi ta munju Erot ipo na, mi timboror i suu tana.

24

Paulus ziyan zin Yuda timender su Peliks kereene uunu

¹ Aigule lamata ilae to, Ananias ta biibi kizin patoronjana kan na, ziyan zin mboronjan pakan, mi tomtom ŋgarnjana ta ni zaana Tertulus, tisula pa Sisarea be ziyan Paulus timender la gabana kereene uunu, mibe tingal sua pini. Tertulus tana, ni iute kat tutu ki Rom. Mi uraata kini be iuluulu zin tomtom pa sua kizin.

²⁻³ Tana tiboobo Paulus ma ilela kizin, to Tertulus imanja mi iso sua kini. Iso:

“O biibi tiamp Peliks, niam tingi leleyam ambai kat pu. Pa mazwaana ta kamam peeze pa lele tingi na, niam ambot ambai men. Mi koronj boozomen ta munju isaana, ta ingi nu pazalzal mabe ambai lup. Tana lele pakaana ti, niam amap ma leleyam pu. Pa nu uluulu yam pa koronj matakina boozo.

⁴ Tamen ko irao anyaaru sua ma molo som. Tana anjwi u be lenj sua tiamp katnjana ri ti.

⁵ “To ti, niam amre i na, mbulu kini ambai som kat. Ni kembei ta mete sanannjana i. Pa ipeyei mal-mal boozomen ma tiwedet la zin Yuda mazwan irao toono ta boozomen. Mi zin wal ta titoto Yesu

ki Nasaret mi tipabogboogo sua ki Merere na, ni ta imuñmuñgu pizin. ⁵

⁶ Mi itoombo be ipasaana Urum Merere tomini. Ingi tabe amkisi. [Mi niam amso ituyam ampamenderi mi amtiiri mbulu kini pa tutu tiam.

⁷ Tamen biibi kizin malmal kan Lisius imar, to imanja piām mi isani la nomoyam mi ikami ma ila.

⁸ To Lisius iur sua piām be amar ku i.] Tana nu itum wi i, to re kat uunu ta niam ampamenderi pa i. Pa sua tiām ti, pakaamjana som. Nonoono men."

⁹ Tertulus iso sua tana makin to, zin Yuda pakan timanja mi tipombol sua ta ni ingal pa Paulus na.

Paulus iso sua kini

¹⁰ To Peliks iyembut sua kizin, mi iur namaana pa Paulus be iso sua. Paulus imanja to iso:

"O gabana Peliks, nio aŋute: Ndaama ndaama ta nu mbel sua urpenjana pa lele ti kek. Tana nio lelen ambai mi aŋso sua tio ti ima ku.

¹¹ Sua tiŋgi ipata pu som. Nu rao ute karau men. Re. Uriizi, aigule laamuru mi ru men ta ila kek na, nio aŋsala pa Yerusalem be aŋsuŋ.

¹² Mi niamru tomtom sa amparzoro lela Urum Merere som, mi aŋkuru tomtom lelen lela lupjana muriini kizin, som kar leleene ma ingi som tomini. Zin wal ta tiŋgal sua pio i, tomtom kizin sa ire yo aŋkam mbulu ta kembei na som.

¹³ Tana sua kizin, ina zin tiso. Mi sokorei toro tabe ipombol? Som.

¹⁴ "Tamen sua kizin koronjana ri, ta aŋyok pa. Zaala ki Krisi ta zin tizzo be pakaamjana, ina nio

⁵ **24:5:** Ngo 16:20, 17:6, 21:28

aŋtoto. Mi ina nio aŋzuŋzuŋ men pa Anutu ta muŋgu tumbuyam bizin tizuŋzuŋ pini na. Mi sua ta Merere kwoono bizin tibeede na, ramaki koronj ta munŋaana men ta indeeŋe tutu ki Mose, ina nio aŋurla men i. [§]

¹⁵ Nio niamŋjan zin wal tingi amur motoyam pa koronj tamen tau. Pa amso Anutu, ni kola ipei zin tomtom ma timaŋga mini pa naala be tikam kadoono kizin. Wal ndeeŋenjan, mi wal sananŋan tommini. [§]

¹⁶ Tanata nio gorgori aŋkamam kinkiini be lelen ingeeze, mibe aŋkam kat mbulu pa Anutu mataana mi tomtom matan tommini. [§]

¹⁷ “Nio aŋzem Yerusalem mi aŋbot lele pakaana toro pa ndaama boozo kek. Tanata iŋgi aŋla mini be aŋur nomonj ila pizin wal tio, mibe aŋkam patoronŋana pakana tommini. [§]

¹⁸ Mi nio aŋto mbulu mi aŋjurpe ituŋ ma aŋgeeze munŋu, mana aŋlela Urum Merere lene be aŋkam uraata tingi. Mi nio ituŋ tamen kat ta aŋlela. Tomtom toro sa igaaba yo som. Mi aŋkam orooro sa som, kosa sa kembena som. [§]

¹⁹ Aŋkamam uraata tingi ma aŋbotmbot, mi Yuda pakana ta timar pa lele pakaana ki Asia na, tindeeŋe yo. Ina zin ta tiwe uunu pa sua tingi. Mi wal tina, sombe len sua pio, na ambai be zitun timar mi tiso kat sua kizin isu kerem uunu ma leŋ.

²⁰ Mi sombe som, na zin wal tingi ta niamŋjan amendernder i, zitun irao tiso kat uunu tio ma teleŋ. Nio aŋkam ɿoobo so mbulu i? Pa uriizi,

^{§ 24:14:} Ngo 26:22, 28:23; 2Tim 1:3 ^{§ 24:15:} Yo 5:28+; Ngo 23:6, 26:6+; 2Kor 5:10 ^{§ 24:16:} Ngo 23:1; 1Kor 4:4; 2Kor 1:12; 2Tim 1:3

^{§ 24:17:} Ro 15:25+; 2Kor 8:1+; Ga 2:10 ^{§ 24:18:} Ngo 21:26+

indeenje ta tipamender yo ila zin peeze kan matan ta Yerusalem na, zin timbotmbot.

²¹ Nio aŋso ko tikamam pa sua lwoono ta, ta kalŋoŋ biibi pa ma tileŋ. Sua ta kembei: ‘Koozi, nio sua indeenje yo mi aŋmar amender su kereyom uunu ti paso, aŋurla kembei zin meeteŋjan kola timaŋga mini.’ ” [◊]

²² Peliks, ni ikankaana pa zaala ki Krisi som. Tana ilen, to ipeteke sua ma imbot mi iso: “Kezem su tana. Tombot ma biibi kizin malmal kan Lisius itunu imar, toinabe aŋtiiri sua tiom.”

²³ To iur sua pa biibi kizin malmal kan be iur Paulus lela ruumu sanaana mi mataana pini. Mi irao ikam pataŋana biibi pini pepe. Sombe wal kini tila ma tiso tire i pa kopoongo ma koron, na irao iyok pizin. [◊]

Paulus izzo pa zaala tabe tuurla ki Yesu Krisi i

²⁴ Aigule pakai ilae mi kaimer mana, Peliks ziru waene Drusila timer. Drusila, ni Yuda nan. Tana Peliks iso la pa Paulus ma imar, to Paulus izzo sua pa zaala tabe tuurla ki Yesu Krisi i, mi ni ilenleŋ.

²⁵ Beso Paulus kwoongo iyabakes lae pa mbulu ndeenjenana, mi mbulu ki tagabiizi itundu, mi kadoono urŋana tabe ipet pa mbeŋ kaimer i, na sua ingal Peliks ma imoto. To iyembut sua. Iso: “Ambai. Irao ta ti. La munju. Mi ko aŋre lwoono toro sa, to aŋboobu mini.”

²⁶ Mi Peliks, ni iurur mataana pa Paulus. Pa iso ko ni ikam le pat sa. Tinŋgi tabe iboboobi ma ilala kini be ziru tizzo sua.

[◊] **24:21:** Ngo 23:6+ [◊] **24:23:** Ngo 27:3, 28:16

²⁷ Ndaama ru ilae, tona Peliks isu mi Porsius Pestus ikam muriini. Mi Peliks, ni leleene be zin Yuda lelen pini. Tana izem Paulus ma imbotmbot lela ruumu sanaana, mi ni imap pa uraata.

25

Paulus imender su Pestus kereene uunu

¹ Pestus imar ipet Sisarea be iteege uraata kini. Mi aigule tel ilae mana, izem Sisarea mi isala pa Yerusalem.

² Isala to, zin bibip kizin patoronjana kan ziñan zin bibip pakan kizin Yuda tila kini mi tingal sua pa Paulus.

³ Tila to lonja mi tikuru leleene bekena ilae kizin, mibe ikam Paulus ma isala pa Yerusalem. Pa timbuk Paulus ka kiizi kek be tipunke i su zaala twoono.

⁴ Tamen Pestus iso pizin. Iso: “Paulus, ni imbotmbot ruumu sanaana leleene ta Sisarea a. Mi nio ingi be aŋsula i.

⁵ Sombe ni ikam ɿoobo mbulu sa, na zin bibip tiom pakan timar ma niamñjan amsula, tona tiso ka sua isu tinga.”

⁶ Pestus ziñan timbotmbot ma aigule ko laamuru sa ma ingi, mana isula Sisarea. Kozeere mini na, ila ma mbuleene su sua urpenjana muriini, mi iso be tikam Paulus ma imar.

⁷ Paulus imar ipet to, zin Yuda tau timbot Yerusalem mi timar i, tila ma tiliu i. Mi tigiibi sua boozo pini. Tiso ni ikam mbulu ta sananjana kat. Tamen sua kizin tana, ka pomboljana sa som.

⁸ To Paulus ipekel kaljan ma iso: “Nio ti aŋkam ɻoobo mbulu sa pa Yuda tutu kizin som, Urum Merere som, mi Kaisa som tomini.” [◊]

⁹ Mi Pestus, ni ikamam be Yuda lelen pini. Tana imaŋga to iwi ten lae pa Paulus. Iso: “Parei, ko irao se Yerusalem, mi mender su keren uunu ta tinga?”

¹⁰ Paulus iso: “Wai, mi lele tabe aŋla ma aŋkam sua isu pa i, ina ruumu ki Kaisa ta iŋgi aŋbotmbot pa i. Som nu re kembei nio aŋkam ɻoobo mbulu sa pizin Yuda? Lak, ina tina, nu itum ute kek.

¹¹ Mi sombe aŋkam mbulu sa ta sananjanana kat ma irao be aŋmeete pa i, na tipun yo lak. Irao aŋko pa kadoono tio na som. Tamen sombe zin Yuda ti, sua kizin ɻonoono som, na tomtom sa irao iur yo sorok la naman na som. Ambai. Nio aŋso aŋre Kaisa itunu mi ni itiiri sua tio.” [◊]

¹² Pestus ileŋ Paulus iso ta kembei, to ila ma ziŋan zin ɻgarjan kini pakan tizzo sua. Mana iso pa Paulus. Iso: “Nu sombe la mi re Kaisa tau. Tana ko la ma re i.”

Pestus isope king Agripa

¹³ Timbot ma king Agripa ziru lunuri Benis timar tipet Sisarea be tilou Pestus.

¹⁴ Ziŋan timbot pa aigule pakan, tana Pestus izzo pa sua ta tikam pa Paulus na, ma king Agripa ileŋleŋ. Iso: “Tomtom ta, tau Peliks iuri lela ruumu sanaana ma imbotmbot, mi ni imap pa uraata.

¹⁵ Mi indeene ta nio aŋsala Yerusalem na, zin bibip kizin patoronjanana kan ziŋan zin mboronjan kizin Yuda tingal sua pini, mi timaŋmaŋ yo be aŋur kadoono pini.

[◊] **25:8:** Ngo 24:12, 28:17 [◊] **25:11:** Ngo 28:19

16 Mi nio anpekel sua kizin ta kembei. Aŋso: 'Kelenj. Niam Rom koyam na, mbulu tiam ta kembei som. Sombe wal pakan tingal sua pa tomtom sa, na irao amuri sorok ila naman na som. Bela ni ziŋan tiso sua pa, mi itunu iso uunu kini muŋgu.'

17 "Tana nio anmiili ma aŋsula mini na, niamjan mi amar. Be ampet Sisarea na, aŋnaunau som. Ambot ma aigule toro, to mbulen su sua urpeŋana muriini, mi aŋboobo Paulus ma ilela pataaŋa.

18 Beso ka koi bizin timaŋga be tingal sua pini na, aŋso ko tiso pa mbulu pakan ta sananjan ŋonoono. Som mi som.

19 Tiso kat sua sa som. Ziŋan Paulus tiparzorzooro pa urlaŋana kizin, mi tizzo pa tomtom ta, zaana Yesu. Zin na, tiso ni imeete kek. Mi Paulus izzo be ni imbot mata yaryaara men i.

20 Tana aŋleŋ na, ŋgar tio sa ambai som. Irao be aŋkam kat ŋgar pa sua ti be aŋjurpe na som. Tana aŋwi i beso parei na, isala Yerusalem, tonabe imender mini pa sua tingi.

21 Tamen ni ipemet sua, mi kwoono imbol be Kaisa itunu itiiri sua kini. Tana aŋur sua pizin menderŋan be timboro i ma irao aŋuri la ki Kaisa."

22 To Agripa iso pa Pestus. Iso: "Mi nio ti lelen be ituŋ aŋleni tomini."

Tabe Pestus iso: "Ambai. Gaaga to leŋi."

Tipamender Paulus su king Agripa kereene uunu

23 Aigule toro na, king Agripa ziru Benis timar ma ziŋan zin wal zanŋan ki kar tana mi zin bibip kizin malmal kan tilela ruumu leleene biibi ta zin bibip tiluplup zin pa i. Mi tikam mbulu boozo be

tipakur Agripa ziru Benis. To Pestus iso, mi tikam Paulus ma imar ilela. [◊]

²⁴ Pestus iman̄ga to iso: “O king Agripa mi niom tau kamar ma itinjan tombot tingi, koozi kere mar pa tomtom tingis. Tomtom tingi, ta zin Yuda ta boozomen timan̄maj yo pini isu Yerusalem mi isu tingi tomimi. Timap ma kal̄jan sala ma tisombe to ti, ni imbot pepe. Imeete ma ila ne. [◊]

²⁵ Mi nio na, aŋre kembei ni ikam mbulu sanan̄jana sa tabe imeete pa i som. Tamen ni itunu isombe ila ki Kaisa be ni itiiri sua kini. Tanata aŋsombé aŋjuri ma ila Rom.

²⁶ Tamen aŋdeene sua ŋonoono sa pa tomtom ti bekena aŋbeede se ro ma ila ki Kaisa i na som. Tanata aŋkami ma imar imender su kereyom uunu bekena kitiri uunu kini. Pa aŋso nu, king Agripa, niomjan zin wal tingi koso ka sua, tonabe aŋbeede uunu kini ise ro.

²⁷ Pa sombe sua izal som, mi tuur sorok tomtom sa ma ila ki Kaisa, ina mbulu kankaanaŋjana. Bela tebeede kat uunu kini ise ro mi ni ipa raama, to ambai.”

26

*Paulus iso sua su king Agripa kereene uunu
(Ngo 9:1-18, 22:3-16)*

¹ Tana king Agripa iso pa Paulus. Iso: “Ingi be nu kadoono so sua ku.”

Tana Paulus iur namaana, mi iman̄ga to iso uunu kini:

[◊] **25:23:** Lu 21:12+ [◊] **25:24:** Yo 19:5+

2 “O king Agripa, koozi nio leleŋ ambai. Pa aŋmar ma aŋmender su nu itum kerem uunu be aŋpekel sua boozomen ta zin Yuda tiŋgal pio na.

3 Pa mbulu tiam Yuda mi sua pakan ta amparzorzooro pa i, na nu ute lup kek. Tana ajscombe aŋwi u ten. Ko irao be ŋgun talŋom mi leŋ mar pa kalŋoŋ? Pa sua tio ko moloŋana ri. Kokena nim gesges ma ingi.

4 “Mbulu tio tau naŋgaŋŋoŋ mi imar indeeŋe koozi na, zin Yuda ta boozomen tiute lup kek. Mbulu tio ta aŋkam su ituŋ kar tio, mi kaimer aŋkam su Yerusalem na, ike pizin som.

5 Tana indeeŋe ta taŋga mi tamar i na, zin tiute yo lup kek. Mi sombe lelen pa, na irao tipombol sua tio ti. Indeeŋe ta nio naŋgaŋŋoŋ mi imar na, aŋgabgaaba zin wal tutu kan ta timbol kat pa tutu mi sunŋana tiam i. Amlip pizin Yuda pakan. ☩

6 Mi koozi na, tipamender yo su tiŋgi paso, nio aŋjurur motoŋ pa koron ambaiŋana ta Anutu im-buk sua pa ila ki tumbuyam bizin tau. ☩

7 Sua mbukŋana tana, ta niam Yuda uunu laamuru mi ru amurur motoyam pa, mi amzuŋzun Anutu pa ikot mbeŋ ma aigule be iur ŋonoono. O king, nio aŋjurur motoŋ pa koron ambaiŋana tana, tanata ikam ma zin Yuda tiŋgal sua pio.

8 Lak, parei ta niom tina kere kembei Anutu ni irao be ipei zin meeteŋjan ma timaŋga mini som?

9 “Muŋgu, nio tomini aŋkamam kaisiigi be aŋpasaana Yesu ki Nasaret uruuunu. Mi aŋdemeere aŋso ko mbulu ta aŋkamam, ina ambai. ☩

✩ **26:5:** Ngo 23:6; Pil 3:5 ✩ **26:6:** Ngo 23:6, 28:20; Ro 15:8; 2Kor 1:20 ✩ **26:9:** Ngo 8:3; 1Kor 15:9; Ga 1:13; 1Tim 1:13

10 Mbulu tana, aŋkam su Yerusalem muŋgu. Zin bibip kizin patoronjana kan ta tiyok pio, tanata aŋzebzeebe Anutu wal kini potomŋan boozomen lela ruumu sanaana. Mi nio ti aŋyok be tipun zin ma timetmeete tomini.

11 Tana aŋwwa pa lupŋana murin ta boozomen, mi aŋkamam patanjana pizin wal tau tiurla ki Yesu i, mi aŋseseeze matan. Mi aŋmaŋmaj zin be tipasaana Yesu zaana. Aŋmalmal pizin biibi kat. Tana aŋwwa pa karkari ta lele molo na tomini be aŋru zin.

12 “Uunu tina ta aigule ta, nio aŋpa ma aŋso aŋla ta kar Damaskus a. Uraata ta aŋso aŋkam su tana, nio zoŋ pa. Pa zin bibip kizin patoronjana kan tipombol sua ma tiyok pio tabe aŋla.

13 O king, nio aŋwwa pa zaala lwoono ma zoŋ mataana ikam kembei palakuutu. Mi molo som na, aŋre azuŋka ta imbot saamba mi ikelyaara su ma iliu yo raama waeŋ bixin ma kembei ta lele ikimit i. Mi mburaana biibi kat. Ilip pa zoŋ mataana.

14 Ikam ma niam iwal mi amtoptop su toono. To aŋleŋ sua ta iso la Iburu kalŋjan ma isombe: ‘Saul, Saul, parei ta noknok motoŋ seezeŋana? Zooroŋana ta kamam, ina ipata pu. Pa ina kembei urur itum ila zaaba kwoono.’

15 Tabe aŋwi: ‘Biibi, ina nu asin?’

“To Merere iso: ‘Mi ingi nio Yesu ta nu seseeze motoŋ na.

16 Burup ma maŋga mender. Ingi anpet ku be aŋuru ma kam uraata pio. Koron̄ ta buri rre i, ramaki koron̄ pakon tabe aŋswe ma ku pa kaimer i, nu ko so zin tomtom pa, bekena pombol sua tio.

17 Nio ko aŋkamke u pa wal ku, mi zin wal ta Yuda somŋjan i tomini. Mi ingi aŋgo u be la kizin tomtom mi pei ŋgar kizin

18 ma matan ikam pak. Nu be tooro zin ma tipizil ndemen pa zugut mi tipet mat, mi kam zin ma tizem Sadan mburaana, mi tiur lelen ila ki Anutu. Naso aŋreege sanaana kizin, mi timar tigaaba zin wal tau tiurla tio mi tiwe wal potomŋjan ta ki Anutu i.’ [◊]

19 “O king Agripa, re. Koroŋ ta kar saamba iswe mar tio na, irao aŋzoro na som.

20 Tana mataana mi aŋzzoyaryaara ka sua isu Damaskus. To isu Yerusalem, to isu lele ta boozomen ki Yudea. Mana ila kizin wal ta Yuda somŋjan i tomini. Nio aŋzzo pizin tomtom be tipizil ndemen pa mbulu kizin sananŋjana, mi tiur lelen ila ki Anutu, mi tikam kat mbulu. Naso tiswe kembei titooro kat lelen. [◊]

21 Ingi uunu tingi ta zin Yuda tikiskis yo la Urum Merere kwoono, mi tiso tikam be tipun yo.

22 Tamen nio aŋre ulaŋja biibi kat imarmar pa Anutu, ma irao indeeŋe koozi. Tanata aŋmendernder mbolŋjana, mi aŋpombolmbol sua ki Yesu ila zin wal ta boozomen matan. Zin zannjan, mi zin sorrokŋjan tomini. Mi sua ta aŋkamam i na, poponjana som. Ina aŋto men Mose mi Anutu kwoono bizin kalŋjan. Pa sua ta munŋgu tiso, ta ingi iur ŋnoono kek. [◊]

23 Pa tiso Mesia, ni ko ire yoyouŋjana, mi iwe mataana pa manŋjana kizin wal meeterjan. Mi ni

[◊] **26:18:** Yo 8:12; Ngo 2:38; Ep 1:18, 5:8; Kol 1:13; 1Pe 2:9 [◊] **26:20:** Mt 3:8; Ngo 9:20+ [◊] **26:22:** Lu 24:27,44+; Yo 5:46; Ngo 10:43; Ro 3:21

ko isoyaara sua tabe ikam zin Yuda mi zin wal ta Yuda somjan i ma timbot mat.” ²⁵

²⁴ Paulus iso sua kini ma indeenje tingi, to Pestus imanja mi kaljaana biibi ma iso: “Ai Paulus, nu kankaanañom kat. Kam ñgar biibi mete ta ipatalli u na!” ²⁶

²⁵ To Paulus iso: “O biibi tio Pestus, nio ti kankaanañom som. Nio aŋzzo sua ñonoono men raama ñgar tau.

²⁶ Tanata aŋmototo som, mi aŋzzo katkat sua. Sua ti, king Agripa ni iute ma imap. Pa mbulu ta boozomen ti, sa ike som.

²⁷ Lak, king Agripa, nio aŋwi u. Nu urla Anutu kwoono bizin kaljan, som som? E, nio aŋute. Nu urla.”

²⁸ Tabe king Agripa iso: “Wai Paulus, iŋgi so tooro yo karau men be aŋwe Krisi lene ta buri?”

²⁹ Paulus iso: “O, so buri, buri. Miso kaimer, kaimer. Mi nio aŋsuŋ Anutu pu mi zin wal ta tileñlenj sua i tomini be kuurla mi kewe kembei ta nio i. Mi tamen nio leleñ be tipo nomoyom ma kumbuyom ma tiur yom lela ruumu sanaana kembei ta tikam pio na pepe.”

³⁰ To king ziŋjan gabana Pestus mi Benis mi zin tau timbotmbot na burup ma timanja.

³¹ Tiyooto ma tila na, tiparzzo pizin. Tiso: “To ti, ni ikam ñoobo mbulu sa tabe ilela ruumu sanaana, som imeete pa i na som.” ³²

³² To Agripa isu na iso pa Pestus. Iso: “Tomtom ti, ni iso ila ki Kaisa ma ni itiiri sua kini. Pepe so tezemi, mi iyooto ma ila ne.” ³³

²⁵ **26:23:** 1Kor 15:20,23; Kol 1:18 ²⁶ **26:24:** Yo 10:20; 1Kor 2:14; 2Kor 5:13 ²⁷ **26:31:** Lu 23:14+; Ngo 23:9, 25:25 ²⁸ **26:32:** Ngo 25:11

27

Paulus ikam woongo be ila pa Rom

¹ Zin timbuk sua be niam amkwai ma amla Itali. Tana tikam Paulus zinjan wal pakan ta timbot lela ruumu sanaana na, ma tiur zin la Julius namaana. Julius, ni biibi kizin malmal kan. Imborro zin malmal kan tomta lamata ki Kaisa itunu tau.

² Amla ma woongo ta ki kar Adramitium imar. Mi ingi iso imili mini ma ila pa kar pakan ki Asia. Tana amse mi le isala ma amla. Mi tomtom ta ki kar Tesalonika ta imbot la lele pakaana ki Masedonia na, igaaba yam ma niamjan amla. Zaana Aristakus.

³ Aigule toro na, amlela kar Sidon. Mi Julius leleene ambai pa Paulus, tana izemi ma ila kizin guraaba kini bekena tire i pa kopoono ma koron.

◊

⁴ To amzem Sidon mi ampet mini na, amko pa mutu Saiprus leleene ta miiri ilonloondo pa som i. Pa amseebe miiri biibi tau.

⁵ Amko ma ampa ndapet men, mi amla Silisia ma Pampilia. To amyembut ma amlae na, amlela kar Mira ta imbot lele pakaana ki Lisia a.

⁶ Amlela tina, mi biibi kizin malmal kan ire woongo kizin Aleksandria ta isombe ila Itali. To iso piām ma njes lae woongo tina.

⁷ Woonjo iko rijarija. Tabe amko amko ma molo mana, amso amlela Nidus. Som mi, miiri biibi kat ma amselaala na amrao som. Tana amko pa toono uunu ma amla, to ambeleu pa mutu Krit zuruunu ta iyaara ma ipera. Tipaata be Salmone. To mutu tana ipakaala miiri.

◊ **27:3:** Ngo 24:23, 28:16

⁸ Amkosal toono, mi amkowo rijarija, mi amla amla ma sor lela lele ta tipaata be ‘Maata Ambaijana’ na. Imbot kolourjana pa kar Lasea.

⁹ Indeenje tana, ambel konjana kek. Mi ingi be lele isaana ma irao kwaijana mini som. Pa aigule biibi ki Sanaana Urpenjana ila ne kek. * Tana Paulus imanja mi isope zin. Iso:

¹⁰ “Kelen. Nio ajre tai ingi be isaana i. Sombe tepet mini, inako tendeeje patanjana biibi. Kokena woongo mi mburu kiti ila ne, mi iti itundu tomini.”

¹¹ Tamen biibi kizin malmal kan, ni iurla sua ki Paulus som. Mi ikanan la ki ni ta itekteege peeze ki woongo i mi woongo katuunu.

¹² Timbot ma som mi miiri swoono ipet. Tabo lele ta woongo ipot pa i, ambai som. To iwal biibi lelen be tila pa maata toro ta imbot kar Peniks a. Pa lele tina na, miiri pe som. Irao timbot pa ma miiri isu. Maata tina, ina imbot ta mutu Krit a. Imbot la ki pakaana ta zoj isula na.

Miiri biibi ma lele isaana

¹³ Miiri rijarija ta ipa ki meleeba mi ise. Tabo zin woongo kan tindemeere ma tiso ko ambai pizin. Tana tiyaaru pat ise, to amko ma amsal men pa mutu Krit.

¹⁴ Molo som na, miiri biibi imanja. Ipa ki ndalea mi ipet ma indeenje yam.

¹⁵ Miiri imar ma amtoombo be amkunyaara duubu. Tamen som. To amsur men.

¹⁶ Amla ma amko pa mutu musaana ta zaana Kauda na ndemeene, to ipakaala miiri. Tana amso amyaaru woongo musaari ta timbit la woongo

* ^{27:9:} Aigule tana, ina suŋjana biibi kizin Yuda. Iwedet pa Septemba.

mbuleene i ma ise. Mi miiri mburaana men. Tabe ambel uraata pa woonjo musaari tana.

¹⁷ To amyaaru ma ise, mi zin pakan tipo woonjo biibi pa re pakan bekena tipombol. Mi timoto: Kokena duubu ipiri woonjo ma isala magat biibi ta igarau Aprika na. Tabe tipun le, mi woonjo itunu rukruk ma ilala.

¹⁸ Lele isaana kat ma tau runguyam isaana lup. Tabe kozeere to tipiri mburu pakan ila ne.

¹⁹ Aigule iwe tel pa na, tikam mburu woonjo kana pakan, mi tipiri sula len tai.

²⁰ Mi lele na, isaana kat. Aigule boozo, zoŋ iyaara risa som. Mi pitik ta kembena. Sa imbot mat som. Tabe ikam ma amso ko irao ambot na som. Amla leyam.

²¹ Zin tomtom tikan kini som, mi timbot sorok men pa mazwaana molo kek. Tana Paulus imanja na iso pizin. Iso: “Kozobe niom kakan mar tio ma tezem Krit pepe, so iti irao tendeeŋe pataŋana tingi som, mi mburu kiti sa irao ila ne som.

²² Mi tonjo. Nio aŋso aŋpombol yom ta kembei. Komoto pepe. Pa iti ti, tasa ko irao ila ne na som. Woonjo men ta ko ila ne.

²³ Pa mbenji, Anutu tio ta aŋbesmbeeze pini i, iŋgo aŋela kini ta ma imar imbot su ta zilŋoŋ uunu mi iso pio. [⊗]

²⁴ Iso: ‘Paulus, moto pepe. Nu kola la ma pet ki Kaisa. Pa Anutu leleene iur ta kembei. Mi Anutu, ni muŋaijana katuunu. Tana ni ko mataana pa walboozomen ta niomŋan kamar i ma irao tasa ila lene som.’ ”

[⊗] **27:23:** Ngoo 23:11; Ro 1:9

²⁵ To Paulus iseenje sua kini mini ma iso: “Tana nio anjo piom: Komoto pepe. Pa nio anjurla ki Anutu. Koroŋ ta ni iso yo pa, inako iur ɣonoono.

²⁶ Tamen iti ti kola tala ma tosoolo sala mutu sa.”

Wooŋgo isaana

²⁷ Amzurzur ma aigule laamuru mi paŋ imap, to amla tai pakaana ta tipaata be Adria na. Indeeŋe mbeŋ lukutuunu na, zin wooŋgo kan tiso ko amgarau toono kek.

²⁸ Beso tикиn yok na, tire kembei mozo biibi imbot. Timbot rimen mi tикиn mini, to tire ise.

²⁹ Tabo timoto ma tiso ko wooŋgo ila ma ituti sala patmbu sa ma ingi. Tona tila wooŋgo mbuleene, mi tipusuk pat bibip paŋ ta re ikan ma tuŋ i, ma tisula tai bekena tibiigi wooŋgo. Mi tizunzuŋ be loŋa mi berek.

³⁰ Mi zin tau tikamam uraata pa wooŋgo i, na tila ta wooŋgo zuruunu, to tiputke wooŋgo musaari mi tipeleŋ ma isula be tiko ma tila len. Pa matan ingal zitun men. Tana tipakaam zin tau tise wooŋgo na, mi tiso tila be tipusuk pat pakān isula ki muŋga bekena tibiigi wooŋgo.

³¹ Tamen Paulus imanya to iso pizin malmal kan zinjan biibi kizin. Iso: “Kere zin wal ta tikamam uraata pa wooŋgo ti. Sombe tizem wooŋgo mi tila len, tona niom ko irao kombot ambai som.”

³² Tabo zin malmal kan timanya na tiyembut wooro pa wooŋgo musaari, mi itop ma ila ne.

³³ Berek zen mi Paulus iso pizin ta boozomen be tikan kini. Iso: “Ou, niom ti kakan koyom kini. Pa iti toporou sala pataŋana ti ma kombotmbot ki

kopoyom men ma ingi aigule iwe laamuru mi paŋi.

³⁴ Tana aŋsombe kakan koyom kini sa ta buri be ipombol yom. Pa iti ta boozomen ko tombot ambai. Tomtom tiom sa ko irao uteene ruunu sa ipas ma ila lene na som.” [◊]

³⁵ Iso pizin makin to, ikam narabu mi isuŋ pa Anutu ila iwal biibi matan. To ite kana ma ikan. [◊]

³⁶ Tanata ipombol ŋgar kizin pa, to lelen ambai mi timap ma tikan kini.

³⁷ Niam tomto laamuru tomto tel lamoro mata mi ta (276), ta amse woongo i.

³⁸ Tikan irao zitun lelen ma kopon bokbok, to tila ma tipiri mburu pakan ila ne tai, bekena woongo ipot ma ise ŋana.

³⁹ Berek su na, matan lae toono uunu. Tamen tikilaala lele som. Mi tire lele lumbuununjana tau, to matan ito ma ila na, tire la pa maaŋga. Tana tiso tikam woongo ma tilela.

⁴⁰ Timan̄ga na tiyembut re pa zin pat ta tibiigi woongo pa i ma titoptop sula len. Mi tiyembutmbut lae pa re ta timbit peeze pa i ma putput. To tiyaaru le ma isala. Pa tiso tilela pa toono uunu.

⁴¹ Tamen woongo iko ma ila, mi woongo ndoomoono isoolo sala magat. Mi mbuleene na iwwa. Tabé duubu ipun ipun ma imapaala la ki mbuleene. [◊]

⁴² To zin malmal kan timan̄ga na, tiso tipun zin tomtom ta ruumu sanaana kan i. Kokena tiyaago ma tila, to tiko ma tila len.

[◊] **27:34:** Lu 12:7 [◊] **27:35:** Mt 15:36; 1Tim 4:4+ [◊] **27:41:** 2Kor 11:25

⁴³ Mi biibi kizin malmal kan na, leleene be tipun Paulus ma imeete pepe. Tana ipeteke zin ma tikam mbulu tina som. Mi iso pizin be zin tau tiute yaagonjana na, lonja tilu zin sula mi tiyaago ma tila toono uunu.

⁴⁴ Mi wal biibi na, zin be tire len ke pakapakan tau duubu ikiili pa woonjo i, tona tizze mi tiyaago raama ma tilela toono uunu. Amkam ta kembei, tabe niam ta boozomen mi amla amsala toono ma ambot ambai.

28

Amla amse mutu Malta

¹ Amlela toono uunu, tona amlenj kembei mutu tingi zaana Malta.

² Zin tomtom tau timbot mutu tingi, kampejana kizin ilip pa wal pakan. Timar mi tire yam, to tindou you ma ilo yam. Pa yanj tomini ma lele ilomo.

³ Paulus ila iyo ke ma iliigi, mi ikam ma imar, mi iur sala you mataana be ikut. Molo som na, mooto sananjana pus ma ipet pa ke liiginjana, mi ila ma injakiskis lae pa Paulus namaana.

⁴ Zin mutu tana tire mooto imbotmbot la Paulus namaana, to tiparso pizin ma tiso: “Wai, to ti ko ipun tomtom sa ma imeete som? Nonoono, miiri ma duubu na, ni iko pa. Mi merere kiti ta ipokotkot mbulu i na, * irao ileeli na som.”

⁵ Tamen Paulus itirke mooto tana isala le you ma you ikani, mi kosa sa ipet pini som. [◊]

* **28:4:** Wal taingi, zin Kristen som. Merere ta tiso pa na, ina Merere Anutu som. Ina zin zitun merere kizin. [◊] **28:5:** Mk 16:18; Lu 10:19

6 Ikam ma zin tomtom tiurur matan pini. Pa tiso ko izarzar ma iŋgi, som itop su ma imeete. Tamen kosa sa ipet pini som. To tisu na titooro ḥgar kizin ma tiso: “Wai, to tingga ko merere sa.”[◇]

7 Biibi ki mutu tana, ni zaana Publius. Mi lele kini igarau. Imar ma ire yam, to ikam yam ma amla ambot ruumu kini pa aigule tel.

8 Publius tamaana, ni ibayyou ma kopo suruunu ramaki siŋ. Tabé ikenne men ta muriini. Tana Paulus ila to ilela ma ire i. Mi imanga to iur namaana isala ḥwaana, mi isuŋ pa Merere, to niini ndabok.[◇]

9 Zin mutu kan tire mbulu tana, to tila tiyo zin meteŋjan ta boozomen ma timar. Mi Paulus isuŋ pizin ma nin ndabok lup mi tilala.

10 Tabé koron̄ ta boozomen tau tipakur yam pa men. Beso amparaŋraŋ koron̄ tiam be ampet na, zin timar ma tiuulu yam pa koron̄ boozomen ta leleyam pa i.

Amla ampet Rom

11 Indeenje ta miiri biibi mi imar na, woongo ta kizin Aleksandria imbot su mutu tana. Wooŋgo ndomoongo na, merere boogo ru kunun imbot la. Zan Kasto mi Poluks. Tana niam ambot pa puulu tel ma miiri imap, mana kaimer to, amkam woongo tana ma amla.

12 Amla amla ma amlela Sirakus, to ambot pa aigule tel.

[◇] **28:6:** Ngø 14:11 [◇] **28:8:** Mk 16:18; Ngø 3:2+; Ngø 9:34, 14:8+; Yems 5:14+

13 To amzem kar tina, mi amko mini ma amla amlela Regium. Amkeene ma aigule toro na, miri ipa ki meleebe mi ise. Aigule ru ta amkowo amkowo ma amla ampet kar Puteoli.

14 Amlela tina, to amdeeñe toñmatiziñ pakan ta ki Krisi i. To tikam yam ma amla, mi niamjan ambot pa aigule lamata mi ru. Mana aman̄ga mini pa pai be amla Rom.

15 Mi waeyam bizin ta timbot Rom a tileñ uruyam kek. Tana tomtom kizin pakan tizem kar, mi tipa ma timar tau nol muriiñi ki kar Apius na. Mi pakan timar pa kar toro ta ruumü tel kizin leembe timbotmbot pa na, mi tizza yam su tana. Amar mi Paulus ire zin, to ipakur Merere pa kampeñana kini. Pa kembei mbulu tana ipomboli.

16 Amla ampet kar biibi Rom na, tiyok pa Paulus be itutamen ila imbot ndel. Ziru menderñana tamen be mataana pini.◊

Paulus ikam uruunu ambaiñana isu kar biibi Rom

17 Aigule tel ilae mana, Paulus iso la pizin bibip kizin Yuda be timar. Timar ma tilup zin, to ni iso pizin. Iso: “O niom toñmatiziñ tio, keleñ. Nio ti, anzooro zin wal kití pa kosa sa som, mi anzooro mbulu sa ta ki tumbundu bizin na som. Tamen tteege yo sorok isu Yerusalem, mi tiur yo la zin Rom naman.”◊

18 Mi zin Rom titiiri yo ma som, to tisombe tizem yo ma aŋla leñ. Pa tire yo na, kembei aŋkam ñoobo mbulu sa tabe aŋmeete pa i som.◊

◊ **28:16:** Ngo 24:23, 27:3

◊ **28:17:** Ngo 21:33

◊ **28:18:** Ngo 26:31+

19 Tamen zin Yuda tinoknok sua ɳgaljana pio, tabe leŋ zaala sa som. To aŋso: ‘Kena nio aŋso aŋla anre Kaisa itunu be itiiri sua tio.’ Mi nio ituŋ na, leleŋ be aŋgal sua sa pa wal tio som.

20 Ingi uunu tiŋgi ta aŋboobo yom ma kamar, bekena anre yom mi aŋso sua ma kelenj. Pa koron ta iti Israel boozomen tuurur matanda pa i, ta nio anjurla tomimi. Nio, tipo nomor mi tiur yo lela ruumu sanaana pa uunu ta tiŋgi.”[☆]

21 To zin tiso: “Ambai. Mi zin Yudea kan tibeede sua sotaaranjana sa pu ma imar piäm som. Mi tomtom sa imbot Yudea mi imar be inŋal sua pu i som.

22 Mi ingi itum mar na ambai. Pa amso amlenj kat sua ku. Pa niam amute men ta kembei: Lele ta munjaana men kan tomtom bizin tiwirri sua sananŋana pa lupŋjana tiom ta tiŋgi.”[☆]

23 To tiur len aigule toro tabe ziŋan tilup zin mini. Aigule tana, zonj ise na, tomtom boozomen timeke ma timar, to tila ruumu tau Paulus imbotmbot pa i. Mi ni ipaute zin pa sua, mi ilala leleene pa ma tileŋlenj ma ila mbeŋ. Izzo zin pa peeze ki Anutu, mi izzo zin pa tutu tau imar pa Mose mi Anutu kwoono bizin na. Iso ikam be ipatooŋo Yesu pizin, mibe ikam zin ma tiurla.[☆]

24 Tomtom pakan tileŋ sua kini ma inŋal zin, to tiurla. Mi pakan na, tiurla som.

25 Zitun timanga na tiparzorzooro pa sua ma burupburup be tiyooto. To sua kaimer kana ta Paulus ipemet pizin mi timureege i, na iso ta kembei. Iso: “O, sua ta Bubuŋjana Potomŋana ipazal

[☆] **28:20:** Ngo 2:31+, 26:6+; Ro 15:8; 2Tim 2:8+ [☆] **28:22:** Ngo 24:5;
1Pe 2:12, 4:14 [☆] **28:23:** Lu 24:27+

Anutu kwoono Yesaya pa mi iso pa tumbundu
bizin, ta ingi indeeŋe kat yom. Pa iso ta kembei.
Iso:

²⁶ La kizin wal tiŋgi mi so zin. So:

Niom ti ko kuurur talŋoyom ma kelenlenj sua. Mi
ko kakam ŋgar pa ka uunu som.
Ko kerre ki motoyom. Tamen ŋgar tiom ko ipet
som.

²⁷ Pa wal ti, ŋgar kizin imbol kat.

Zitun tizeeze talŋan mi tipumun matan.

Pa lelen be tikilaala som,
mi lelen be matan ire mi talŋan ileŋ som.

Pepe so ŋgar kizin ipet,
mi titooro lelen,
mi timar tio be anjurpe zin.”[☆]

²⁸ “Tana nio lelen be niom kuute kat ta kembei:
Zaala tau Anutu ikamkewe zin tomtom pa i, na
uruunu ila pizin wal ta Yuda somŋan i kek. Mi zin
ko tileŋ la.”[☆]

[

²⁹ Paulus iso makinj, mi zin Yuda tiyotyooto na,
tiparzorzooro pa sua mi tilala.]

³⁰ Mi ndaama ru kat, ta Paulus imbotmbot ru-
umu tau itunu ingiimi be imbotmbot pa, mi irre
wal boozomen ta timarmar kini na.

³¹ Ni imototo som. Izzokatkat sua pa Anutu
peeze kini, mi ikamam sua pizin tomtom pa
Merere Yesu Krisi. Mi tomtom sa ipeteke i som.[☆]

[☆] **28:27:** Yesa 6:9+; Mt 13:13+; Ro 11:18 [☆] **28:28:** Mbo 67:2; Lu
3:6; Ngo 13:46+; Ro 11:11 [☆] **28:31:** Ep 6:19

**Anutu Sua Kini Potomaxana
Genesis, Exodus, Ruth, Psalms, Proverbs, Jonah, and
The New Testament in the Mbula Language of Papua
New Guinea
Sampela hap Buk Baibel long tokples Mbula long
Niugini**

Copyright © 1996 The Bible Society of Papua New Guinea

Language: Mbula

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 18 Apr 2025 from source files dated 31 Aug 2023

a815c47a-4c36-5240-a396-70cbd5e9b593